

করকমলেশু চন্দ্রকল



হেতুলা পাবলিশিং



১৪, বঙ্কিম চট্টোপাধ্যায় স্ট্রীট

কলিকাতা-১২



প্রথম সংস্করণ : আশ্বিন, ১৩৫৬
প্রকাশক—শ্রীশচীন্দ্রনাথ মুখোপাধ্যায়
বেঙ্গল পাবলিশার্স
১৪, বঙ্কিম চাট্টো স্ট্রীট,
কলিকাতা—১২
মুদ্রাকর—শ্রীললিত মোহন গুপ্ত
ভারত ফটোটাইপ প্রিভিও
৮৯, লেক রোড
কলিকাতা—২২
রূপসজ্জা ও প্রচ্ছদপট-পরিকল্পনা—
শ্রীআশু বন্দ্যোপাধ্যায়
রক ও প্রচ্ছদপট মুদ্রণ—
ভারত ফটোটাইপ প্রিভিও
৭২।১, কলেজ স্ট্রীট,
কলিকাতা—১২
বাই—বেঙ্গল বাইণ্ডার্স

পাঁচ টাকা

—বিবেদন—

মহাপ্রণীত ‘বনফুলের কবিতা’ নামক গ্রন্থটির প্রথম সংস্করণ
অনেকদিন পূর্বেই নিঃশেষ হইয়াছে। উক্ত গ্রন্থের ব্যঙ্গ কবিতা-
গুলি আরও কয়েকটি নূতন ব্যঙ্গ কবিতা যোগ করত রসিক
সমাজের করকমলে সেগুলি দিলাম।

“বনফুল”

১৭ই আষাঢ় ১৩৫৬
গোলকুঠি
আদমপুর
ভাগলপুর।

ভাদুড়ী

যদিও কবিতা লিখি, ব্যবসা আমার
ঠিকাদারি ; আমি ঠিকাদার ।
বিবাহ হইল যবে,
মন্ত্র, বাত, শঙ্খ-ঘণ্টা-রবে,
বরযাত্রী, কন্যাত্রী,
নিদ্রাহীন কত রাত্রি,
গোলমাল, গালমন্দ, .
ভাঙা জোড়া কত ছন্দ,
কত যশ, অপযশ,
ব্যবসার কিছু loss,
তারি মাঝে কিছু রস
পাইলাম :—আমি ঠিকাদার
বুঝিলাম সার,
ফুরনেতে ঢুকিয়াছি, নুতন ব্যাপার !

আমার যা-কিছু আছে হইবে তাহার,
তাহার সর্বস্ব মোর হবে অধিকার ।

২

কভু চড়া কভু মন্দা,
কভু দ্রুত মধুছন্দা,
দাম্পত্য-বাণিজ্য ক্রমে
ওঠে জমে' জমে' !
চবমে উঠিল যবে, ব্যঞ্জন ডাইল
হইল লবণ-দগ্ধ । দাম্পত্য 'ফাইল'
উন্টাইয়া দেখিলাম, সর্বস্বের এক কিস্তি মোব
হয়নি প্রিয়ারে দেওয়া । কবি বব বোর
প্রিয়া-পাশে আসি'
কহিলু সন্তাষি',
“এসো প্রিয়ে, বিশ্ব-ওঠে মাঝি এক ঘুঁষি !”
কি আশ্চর্য্য, প্রেয়সী উঠিল মহা কুণি !
ফুরান মাফিক্
সোহাগ লয়েছে যদি, ঘুঁষিটাও নিক্ !
আমার যা-কিছু আছে—সর্বস্ব আমার,
প্রাপ্য যে তার !
অথচ কহিল প্রিয়া কম-কণ্ঠে কাঁপাইয়া পাড়া,
“এই কি ব্যাভাব তোব—ওরে লক্ষ্মীছাড়া !”

৩

অতি ক্রোধে বাহিরিলু পথে,
হনহনি' পদযুগ-রথে ।

২

দূরেতে দেখিছ'
 আসিতেছে ও পাড়ার তিহু ।
 ছোকরা সে
 থাকে নানা বেশে !
 চুল, গৌফ, দাড়ি ও সময়,
 এ চারিটি বস্তু লয়ে নানা সম্বয়
 করা বারম্বার
 স্বভাব তাহার !
 বলিলাম তারে আমি সকল খুলিয়া ।
 সে কহিল
 “যেই বিশ্ব-ওষ্ঠ তিনি রেখেছেন রাঙাইয়া
 পান-দোস্তা দিয়া,
 যেথা নিত্য চিত্তহরা কত না মাধুরী
 (যাহা দেখি' কাহিল ভাছড়ী—ও পাড়ার তরুণ ভাছড়ী !)
 যেই বিশ্ব-ওষ্ঠ তলে ফোটে রাশি রাশি,
 কত রাগ অনুরাগ সোহাগের হাসি,
 সহজ সরস,
 সেই বিশ্ব-ওষ্ঠে তিনি চান তব—খুঁষি নহে—গৌফের পরশ !
 হোক সে কোমল কড়া, প্রজাপতি-ছাঁটা,
 কামানো বা কাটা !
 প্রিয়াদের ঝাঁক খালি গৌফেরই উপর—”
 বলি' সে চলিয়া গেল ! ভীষণ ছুপর
 কিরণ-মুদগর হানে, মোর টাক মাথা,
 সাথে নাই ছাতা !
 ফিরিলাম গৃহে ; দেখিলাম ফুরন-ব্যাপার
 বোকে না প্রেরসী মোর । তাই আরবার

রোঁধেছে নূতন করি (ছিল না ফুরন),
সুখেতে করিহু দৌঁহে উদরঃপূরণ !

8

সেই হ'তে অয়ি প্রিয়ে, মোর কাব্যটিকে' !
গড়েছি তোমারে ঘিরে—ছিল নাক 'ঠিকে' !
ফুরন ছিল না এতে, তবু এটা ঠিক,
তোমারি সর্বদা পানে চেয়ে অনিমিখ,
(জানিত ভাঙুড়ী—ও পাড়ার তরুণ ভাঙুড়ী,
নাহি যার জুড়ি ।)

করে গেছি কাব্য চর্চা
করি বহুবিধ খর্চা !
প্রিয়া মোর, সখী মোর, তোমা পানে চেয়ে
চিন্ত মোর উঠিয়াছে নিত্য গান গেয়ে !
প্রেমতীর্থ ভরেছি উৎসবে
বেণু-বীণা-রবে !
তব রূপ-যমুনার তীরে
খুঁজিয়াছি রাধিকারে ফিরে ফিরে ফিরে ;
আকুল উন্মুখ-প্রাণ
গাহিয়াছি গান—

“মোর নেশা হয় যদি লাল,
আর সবুজ রঙের মন যদি পাই
গোলাপী রঙের গাল ।”
পেকেছে তোমার কান, দস্ত ব্যাখিয়াছে,
খোস, ছুলি সকলেই বাসা বাঁধিয়াছে
কী অঙ্গে তোমার । মোর ছন্দ তবু

8

হয়, নাই মান-কড় ।
দেহের তুর্দশা তব
করিয়াছে কলরব
আঁখির সম্মুখে মোর,
তবু সখি, গাহিয়াছি হয়ে ভাবে ভোর—

“হয়ে যায় যদি কলনা মম
সাঁঝের সোনালি সাগরের সম
থলে দিতে পারি মনের তরঙ্গী
তুলে দিতে পারি পাল !”

তোমার অস্থল হ'ল ! তছপরি
মহাঘটা করি'
আসিল ভাছড়ী (ও পাড়ার তরুণ ভাছড়ী)

করি নানা বাহাত্তরি
জোটাটলো 'হোমিওপ্যাথি' !
মহারুদ্ধি হল তাতে ব্যাধি,
বাড়িল যন্ত্রণা পেটে পিঠে,
'সোডা' খেয়ে গেল শেষে মিটে !

জানে তিনু,
কি আবেগে গেয়েছি—

“ঘন কালো তার আঁখিতারা যদি
চাহনি-চমক হানে,
অভিমানে ভরা ছুরু ছুটি যদি
ঝটিকা ঘনায় আনে ।”

চির রুগ্ন হলে তুমি—অস্থিচর্মসার !
বসন্ত শরৎ শীত এল বার বার
নানারূপ রসাবেশে !

আবার গানেতে গেছু ভেসে :

“সোহাগের সেই তুয়ল তুকানে,
ভাসিতে ভাসিতে মল্লার গানে,
ডুবে যাব আমি, ডুবে যাবে তবী
ডুবে যাবে ইহকাল !

সবুজ বঙের মন যদি পাই
গোলাপী রঙের গাল ।”

ক্রমে ক্রমে শুনিমু ‘রিউমার’,
পেটে তব হয়েছে ‘টিউমার’ !

এবারও ভাছড়ী (ও পাড়ার তরুণ ভাছড়ী)

হানিতে চাহিয়াছিল ‘হোমিও’ হাতুড়ী !

আমল না দিয়া তারে আনিমু ‘সার্জ্জন’ !

সে আসি’ হাজ্জার টাকা করি উপার্জ্জন

পেটেতে বসাল ছুরি—একদা প্রভাতকালে আসি,

তবু থামে নাই মোর বাঁশী

তোমাতে ঘিরিয়া !

গাহিমু নূতন গান প্রিয়া :

“মন-মো-বন সফল করিয়া

এস গো সাকী,

পুরান কুন্তমে নূতন বরণ

দাও গো ঝাঁকি’ !”

সহসা পাশের ঘরে তোমার গোঙানি

হারাইল বাণী !

ছুটে গিয়ে দেখি

হায় এ কি !

চলে গেছ মোরে ফাঁকি দিয়া,

হে আমার প্রিয়া ।
ও পাড়ার তরুণ ভাছুড়ী একাকী বসিয়া আছে
অতি কাছে !
ফুরন মাফিক সখী, চলেছিছু যবে,
রাগ করেছিলে তবে !
ফুরন ভাঙ্গিয়া যবে অফুরন্ত সুরে
ডাক দিছু, তাও গেলে দূরে !
এ যে কি ব্যাপার
বুঝি নাকো আমি ঠিকাদার ।
শ্মশানে যাবার কালে দেখি
একি !
কি ঘোর চাতুরী,
সরেছে ভাছুড়ী !

অবিনাশ

১

অবিনাশ মৌলিক
লৌকিক
নাম তার,
আসলে সে মানব-আত্মার
শোভন বিকাশ ।
—এম, এ পাশ !
দর্শন-শাস্ত্রে করেিয়া ধর্ষণ
সপ্তাহেতে তিন দিন করেন বর্ষণ

বস্তুতা মুখলধারে !
 ছাত্রদল কাতারে কাতারে
 সেই ধারাপাত
 মুখস্থ করিয়া সারা রাত
 নানা ভাবে হইয়াছে কাবু,
 মুখের ভাঁজিছে কেহ,—কেহ খায় সাবু !
 অবিনাশ, প্রফেসর কলোজের ।
 বহুবিধ 'নলেজের'
 তীব্র তাড়নায়
 * হায়,
 কখনো 'নেক্টাই' পরে, কখনো খদর,
 অথচ ভদর !
 নয় সে সংসারী,—এখনও কুমার ;
 প্রণয়-চুমার
 কেতাবি বর্ণনা ছাড়া অল্প জ্ঞান মোটে নাই,
 ভাগ্যে তার জোটে নাই
 রোগা বা নধর কোনো অধর পরশ ।
 তবুও যে লোকটা সরস,
 কারণ তাহার,
 সুলতা নাম্নী নাকি কোন মহিলার
 হয়েছিল সঙ্গ লাভ,
 কিন্তু যেই হল love,
 বাহির হইল তথ্য—
 সুলতা যে বাগদত্ত !
 হু-স্বামী কি এক মিষ্টার,
 বিলাত-প্রবাসী এক আধা-ব্যারিষ্টার !

অবিনাশ দুখিল না আপনার তান্যো,
কেবল কহিল হেরে—যাক্ গে !
সেই হাতে রসজ্ঞান তার
অলঙ্কার ।

২

একদা অবিনাশ,
শেষ করি প্রোত্তরান,
‘পত্রিকা’ প্রভৃতি নানা দৈনিক লইয়া,
সাংবাদিক রোমস্থানে মশগুল হইয়া
ছিলেন যখন,
ঠিক আগিল তখন
পত্র একখানি ।
তার বাধী
সাংবাদিক
অবিনাশ মৌলিক
চক্ষুকে বিশ্বাস করা অস্বুচিত কি না
ভাবিতেছিলেন ; কিন্তু মনোবীনা
অকস্মাৎ তুলিল যে তুঘুল স্বাক্ষর
বারম্বার !
নেবুতলা লেন,
সেথাকার স্নেহলতা সেন
লিখেছেন,
“হে দেবতা, আশাপথ চেয়ে তব, চিত্ত যে উতলা,
তুমি মম পরানপুতলা
বহু জনমের !

৯

তোমারে চিনেছি আমি—সয়েছিও ঢের !
 সখা, এইবার
 বিবাহ আমার
 নাহি হ'লে,
 হয় জলে—নয় স্থলে,
 তেয়াগী পরাণ
 রাখিব এ প্রেমের সম্মান !”
 প্রফেসর অবিনাশ রহিলেন যতপিও কুঁচকাইয়া ভুরু,
 হৃদয়ের মাঝে কিন্তু হল তাঁর সুর
 ছরু ছরু !
 ভাবিলেনও গর্বভরে,
 “সুলতার স্বয়ম্বরে
 হয়েছিল মর্শ্শচ্ছেদ,
 স্নেহলতা আজি মোর মিটাল সে খেদ !
 কিন্তু কেন ?”—এই বলি মুছিলেন কপালের স্বেদ !
 তার পর বহুক্ষণ বহু ধীরে ধীরে,
 সিগারেট ধূম দিয়ে ঘিরে,
 মনোরম চিন্তাটিরে
 নানা রূপে দিলেন প্রশ্রয় !
 বিবেক আসিয়া তারে কয়—
 “বাড়াবাড়ি ভাল নয় !
 স্নেহলতা সুলতারই জাতি
 আবার খাইবে শেষে লাধি !”

এবং তখনি
 বিবেক বকুনি
 বাধ্যই করিল যেন তাঁরে ।
 তুলিয়া কলমটারে
 অবিলম্বে লিখিয়া দিলেন
 “স্নেহলতা সেন
 খবরদার
 চিঠিপত্র আর
 লিখো না আমায়,
 লেখ যদি বাধ্য হব তোমার বাবায়
 জানাতে সে কথা,”
 কিন্তু বড় ব্যথা
 পাইলেন অবিনাশ পণ্ডিত প্রবর ।
 এবং হুদিন পরে খবর জবর
 হল ছাপা,
 রহিল না চাপা ।
 নেবুতলা লেন,
 সেধাকার হারাধন সেন—
 আত্মহত্যা করেছেন
 কথা তাঁর !
 পুরাতন মামুলি প্রথার
 পুনরভিনয় করি,
 পড়েছেন সরি’
 বে-দরদী ছুনিয়ার কবল হইতে হায়
 এক ঝটকায় !

শুনি এ বার্তা
 অবিনাশ কি যে হল বলিতে পার তা ?
 বলিতে পারি না আমি,
 শুধু দেখি দিবা যাকী,
 চতুর্দিকে কুণ্ডলিছে সিগারেট ধূম,
 তার মাঝে বসে' আছে অবিনাশ—শুন্ !
 অম্লতাপ-তাপে
 (সিদ্ধ তাপে
 মাংসের মস্তন)
 অবিনাশ মন
 হল বিগলিত ।
 হারাধন সেন তাঁর পূর্ব-পরিচিত !
 কতবার গৃহে তাঁর
 শুনেছে সে বেহালা, সেতার,
 সে স্নেহলতার !
 করিয়া চাপান
 মূর্ত করি তুলিয়াছে রাশিয়া, জাপান,
 চায়ের টেবিল পরে
 শুধু বাক্যভরে !
 হারাধন, নিরীহ সে, বুকিত না অতশত কিছু,
 শুধু ক'রে মাথা নীচু
 শুষ্ক গুছাইত,
 আর স্নান দিত ।
 হায় সে বেচারী,

কস্তাশোকে স্নিগ্ধ-দোষে কেঁদে কেঁদে সারা !
“কি করে তাঁহার কাছে দেখাইব হৃৎ,”
এই জেবে অবিলাস হৃৎ !
(আহা যেন আহত শায়ক !)

৫

তার পর বহুদিন গেছে কেটে !
ছিল যারা বেঁটে
হয়েছে তাহার। লম্বা করস বাঁড়িয়া ।
অবিলাস কলঙ্ক ছাড়িয়া
প্রথমতঃ রেখেছিল টিকি ।
(গভীর শোকই কি
গুচ্ছ গুচ্ছ কেশরূপে,
মূৰ্ছাপরে চুপে চুপে,
উজ্জ্বলিত উজ্জ্বল মত
ধরেছিল অত
মোটা ঘন কালো দেহ ?
—সে কথা বলিতে নারে কেহ)
কিছুদিন টিকি লয়ে মহা হৈ চৈ !
কোলাকুলি, ধূপধূনা, বাতাসা ও থৈ,
জুপে জুপে
হাজির হইল যেন সে টিকির সোলায়েব-রূপে !
কত না নিরীহ কুল হানিতে হাসিতে
হইল সে টিকির কান্নিত !

টিকিওলা বহু পুরোহিত
 অবিনাশে দলে পেয়ে হারাল সশ্রিৎ !
 সবে তারে ঘিরে,
 দীর্ণ করি বিংশ শতাব্দীরে,
 চীৎকার করিল স্মরু নানাবিধ স্মরে
 অবিনাশ-পুরে !
 বর্ষার দাছুরী যথা ঘোলা জল পেয়ে
 ওঠে গান গেয়ে !
 কিন্তু শেষ চমকিল অবিনাশ-পিলে,
 যবে সবে মিলে
 কহিল আসিয়া তারে “দাদা,
 দাও কিছু চাঁদা !”
 একবার দিয়া তাও পেল না নিস্তার ।
 নিত্য নব আবির্ভাব চাঁদার খাতার
 ধর্ম জগতের
 প্রার্থী নগদের !
 দেখি ছলুছুল
 অবিনাশ চুপে চুপে টিকিটিরে করিল নিশ্চল
 বিচলিত হিয়া,
 অন্য কোন্ পন্থা দিয়া,
 স্নেহলতা শোকাবেগ করিবে নিব্বাণ,
 ভাবিতে ভাবিতে, মনে হল—গান !
 কণ্ঠ তার করিয়া সজল,
 নির্ধাৎ সে গাহিত গজল,
 কিন্তু হায়, একি—ইস,
 সহসা হইল তার ‘ল্যারিন্‌জাইটিস্’ !

কোথা গান ? কণ্ঠবান্দী
 ছাড়িছে কেবল কাসি
 বেমুখা—বেতলা,
 হায় একি জ্বালা ।
 দিল শিস্ ।
 মিটিল না আকুলতা—কণ্ঠ তার করে নিস্ পিস্
 অস্ফুট আবেগভরে ।
 অকাতরে
 করিল সে অর্থব্যয় চিকিৎসার তরে ;
 কিন্তু হায়—সকলি বৃথায ।
 প্রাণ যবে করে গাই গাই,
 কণ্ঠ শুধু করে সাই সাই !
 শেষে অবরুদ্ধ শোক তার জন্মে'
 ক্রমে ক্রমে
 যেইরূপে দেখা দিল সে অতি ভীষণ !
 শ্রীবামকৃষ্ণ মিশন
 আশ্রয় করিয়া
 খাইতে লাগিল মূর্গি উদর ভরিয়া !
 “ধর্মকর্ম”—কাগজেতে প্রবন্ধের ভারে,
 সম্পাদকটারে
 জর্জরিত করি,
 হঠাৎ পড়িল সরি
 পণ্ডিচেরি ।
 শুনিতেছি, আজকাল খাইতেছে শেরী,
 কাপড় পরে না আর,—টিলা টিলা পায়জামা পরে,
 বাহিরে ও ঘরে !

রটাইছে বন্ধু-মহলে,
মৃত্যু স্নেহলতা নাখি নারী ছলে বলে
আসে রাতে, আপাদমস্তক তার চাদরেতে মুড়ি'
এসে পারে দেয় শুড়শুড়ি !

পলিটিক্স আপ-টু

জলে' গেল অজ,
বজ-ভজ !
মরমেতে বাজিল রে সুগম্ভীর বেদনা
জাগিল রে চেতনা ।

যত দেশ-ভক্ত
“রক্ত রক্ত”
চীৎকার করি' মোরা ছুঁড়িলাম পটকা,
—বেড়ে গেল খটকা ।

উপদেশ সস্তা
বস্তা বস্তা
“জোর করে' পারবি না, তোরা এক রস্তি !”
...দেখিলাম, সত্যি !
“মুখ তুলে চাওগো,
দাঁওগো দাঁওগো,
বুচাইয়া দাও এই অধীনতা-বন্ধন,”
—করিলাম ক্রন্দন ।

হাত জুড়ি' বন্ধে,
চক্ষে চক্ষে
বহে গেল ভক্তির দ্রদর দরিয়া
—“দাও দাও” করিয়া ।

তবু মন পাই না !
“চাই না চাই না”
তুলিলাম রব তাই হয়ে গেছে শিক্ষা
চাই না ও ভিক্ষা ।

ঘুরালাম চরকা
ঘবকা, পরকা,
পারিলাম যদূর—পারিলাম খদর,
আপামর ভদর ।

খদরে, ঘর্ষে,
চর্ষে চর্ষে
চুল্কানি স্বামাচিতে হল সবে অস্থির !
উপায় কি স্থির !

হয়ে উনমত্ত
যত্ন-গত্ন
—জ্ঞান-লোপ পেল ফের ছুঁড়িলাম পিস্তল ।
তাও হল নিষ্ফল !

শোনা গেল লগুন,
ঝনঝন ঠনঠন

স্বাধীনতা-বণ্টন করিছেন নগদাই,
যার যাহা 'হক্' তাই !

জাহাজেতে চাপিয়া,
বাপ্পে ফাঁপিয়া,
রবার-বেঙ্গুন সম গেল এক গুচ্ছ,
আশা ছিল উচ্চ !

লগুন বৈঠক,
টক্‌টক্‌ টক্‌টক্‌
আল্পিন দিয়ে খোঁচা দিল টুপ্‌টুপ্‌ সে,
গেল সব চুপ্‌সে !

তবু বুক বান্ধি'
“গান্ধি গান্ধি”
চীৎকার করিতেছি মোরা দেশ-স্বদ্ধ,
আত্মা-প্রবুদ্ধ ।

মহাত্মা লোক সে,
ভুলিবে না hoaxএ,
এই ভেবে মোরা শুধু করিতেছি নির্ভর
রোগা লোকটির 'পর !

নিষ্ক্রিয় ভক্তি
মহাত্মা শক্তি
শোষণ করিছে, মোরা ভক্তিতে প্রহ্লাদ !
—নহি মোরা জল্লাদ !

সব জেল ভর্তি !
ঝড়্‌তি পড়্‌তি

হু' একটা আছে যা-ও, তা-ও নাকি রুগ্ন,
—প্রাণ-রস শুকনো !

শেষকালে ভাগ্যে,
ভাববো না যাক্ গে,
ভাবনার কোন দিন মিলিয়াছে অন্ত ?
আপনারা ক'ন তো ?

অন্নদা সরকার

১

গৃহ-কোণে মূর্তি দেখি' ভগ্ন চরকার,
সহসা পড়িল মনে—অন্নদা সরকার ।
চমৎকার ছেলে,
সেদিনই তো P R S. পেলে ।
লেখাপড়া ছাড়া
অন্য কোন বিষয়েতে প্রাণ তার দিত নাকো সাড়া
যে রকম প্রচণ্ড বিদ্বান,
সকলেই ছিল আস্থাবান,
এইবার বড়-গোছ চাকরি জুটিবে,
অচিরে ফাঁপিয়া উঠিবে ।
কিন্তু হঠাৎ
সকলের আশা-তরী করি দিয়া কাৎ,

অন্নদা সরকার

হইল চরকার

মহাভক্ত ।

অহিংস-সংগ্রামে তার ধমনীর রক্ত
ভীষণ বেতালা ভাবে নাচিয়া উঠিল ।

ফলে, তার লেখনী ও রসনা ছুটিল
উদ্গাদ উদ্গাম সুরে,

নিকটে ও দূরে,

কাগজে ও মাঠে ।

সকলে ব্যাকুল হ'ল শ্রবণে ও পাঠে ।

উদ্গাম সে সঙ্গীত দম নিল শেষে

দম্ভমে এসে ।

অর্থাৎ, শেষ কালে ছেলে

গেল জেলে ।

তু' বৎসর ছয় মাস

হল কারাবাস ।

২

অন্নদার ব্যবহারে দেশসুদ্ধ লোক লাখে লাখ

মানিল অবাক ।

কিন্তু সে বিস্ময় আরো হইল গভীর,

যবে সেই বীর

জেল থেকে ফিরে এল ইয়া ভুঁড়ি নিয়ে ।

সকলে কহিল তারে—একি তব ইয়ে,

এত বড় ভুঁড়ি,

কদাচিৎ মেলে এর জুড়ি ।

২০

সকলে মিলিয়া তারে
বারে বারে
প্রদক্ষিণ করি'
নিরীক্ষণ করিল সে ভুঁড়িটিরে ছুই চক্ষু ভরি' ।
দেখা গেল, ভুঁড়িটির আছে ছ'টি স্তর,
তার মাঝে নাভিদেশে গভীর গহ্বর,
তত্পরি কালো কালো আবক্ষ-বিস্তৃত বহু রোঁয়া,
অন্তরে যে অগ্নি জ্বলে—একি তারি ধোঁয়া ?

৩

অন্নদা সরকার,
জেল থেকে বের হয়ে ভেবেছিল—“দরকার
স্বদেশবাসীরা মোর করা সচেতন ।
জমিয়াছে বহু আবেদন
চরকা বিষয়ে, জেলে বসে' ভাবিয়াছি যাহা ।”
কিন্তু আহা,
কাল হল ভুঁড়ি তার !
সকলেরই এক কথা—“দেখেছ হে অন্নদার
ভুঁড়ির বহর ?”
ডাক্তার রামলাল ধর
একদিন कहিলেন সবে
—“ভেবেছে কি ওর দ্বারা আর কিছু হবে ?
অত বড় পেট যার জ্বালার সমান,
সে তো একটা অপদার্থ ! ভাল যদি চান,
ব্যায়াম করুন আর খাওয়াটা কমান ।”

এই ভাবে অমদা যতই
চরকার ব্যাখ্যা করে, সকলে ততই
ভুঁড়িটাই লক্ষ্য করে—কিছু নহে আর ;
দেখে শুনে ভারি দুঃখ হ'ল অমদার ।

৪

ছটি মাস পরে ঠিক
চারিটাকা মূল্যের একটি মাসিক
করিল বাহির ।
প্রবন্ধ ও কবিতাতে পাতে পাতে করিল জাহির,
ভুঁড়িতে ও চরকাতে নাহিক বিরোধ ।
এমন কি হ'য় যদি আব কিম্বা গোদ,
তাহলেও স্বরাজ-স্বর্গর
একমাত্র জয়-ধ্বনি চরকা-ঘর্ষর !
ভুঁড়ি, আব, গোদ, পিলে—দৈহিক কোনরূপ স্ফীতি,
পারিবে না কমাইতে প্রীতি
কাহারো চরকার”
লিখিতে লাগিল তুড়ে অমদা সরকার ।

৫

কিন্তু তার ফলে,
আর্টিষ্ট মহলে
জাগিল স্পন্দন ।
কার্টুন আঁকিল তারা—“সরকার নন্দন
বিপর্যস্ত ভুঁড়িভারে
চরকা কাটিছেন । চারিধারে

ভূত্য সারে সারে
মোটা অম্মদারে
ক্রমাগত করিতেছে হাওয়া ।
থস্বসে ছাওয়া
চারিপাশ,
ঘর্ষাক্ত তবুও ভুঁড়ি, শ্লথ নৌবি-বাস ।
মৃগ-নেত্র ভক্তবৃন্দ দেখিতেছে সূতা-আবির্ভাব,
কার ও গোদ, কার ও পিলে, কার ও গালে-আব ।
স্বরাজের শুভ সূত্রপাত
হেরিছে নিম্পন্দ নেত্রে— নাহি দৃকপাত ।”
এইরূপ নানাবিধ ছবি ও বিদ্রূপ
অম্মদারে করাইল চুপ ।

৬

অম্মদা বেচারা শেষে
গ্রামে ফিরে এসে,
নির্জন নদীতীরে একদা সঙ্কায়
ভাবিতে লাগিল হায়,—
“জন্মলাভ করিয়াছি ভাগ্যহত দেশে ।
হেথায় সবার দৃষ্টি এসে
কি আশ্চর্য্য, ঠেকে গেল ভুঁড়িতে আমার,
এগোল না তার বেশী আর !
অন্তর্দৃষ্টি নাই কারো চোখে,
ছি ছি গেছি ভারি ঠেকে’,
জন্মলাভ করিয়া এখানে ।
এদেশের লোক শুধু জানে,

তাড়াতাড়ি বিয়ে করে’
তার পরে
বংশবৃদ্ধি করা অবিরত ;
পরে ঘেয়ো কুকুরের মত
কামড়াইয়া ইহারে উহারে,
চলে যাওয়া যমের ছায়ায় ।
যাই হোক, এ দেশেতে জন্মলাভ করেছি যখন,
তখন
বিয়ে-করা ছাড়া আর গত্যন্তর নাই ।
অতএব চেষ্টা করি তাই ।”

৭

কিছুদিন পরে,
শুনিল সে হাওড়া নগরে
আছে এক সুরবালা—তরুণী, শিক্ষিতা,
আধুনিক-মস্ত্রে সুদীক্ষিতা,
সুতরাং গল্প-লেখা বাতিকটা আছে !
অল্পদা তাহার কাছে
পত্র-যোগে করিল প্রকাশ—
“পড়ি’ আপনার লেখা মনে মোর জন্মিছে বিশ্বাস,
সাহিত্যের ইতিহাসে আপনার সম্রাজ্ঞীর পদ
কিছুতেই হইবে না রদ ।
আলতামস মারা গেলে আপনিই হবেন রিজিয়া ।”
শুনি, সে বালার মন উঠিল ভিজিয়া ।
নানাবিধ পত্রালাপ হল ক্রমে সুরু,
খাম পুরু পুরু ;

চিঠি লিখে লিখে
 প্রেমটিকে
 পুষ্ট যবে করিয়াছে অন্নদা সরকার,
 তখন হইল হৃৎ—“যাওয়াটা দরকার
 একবার সশরীরে
 অশরীরী প্রেমটিরে
 শারীরিক ভাষ্য-দেওয়া মন্দ কি এবার !”
 এই ভেবে অন্নদা সেবার
 গেল হাওড়ায়,
 কিছু ‘বাসে’—কিছু হাঁটা-পায় !
 মানসীর প্রথম দরশ,
 সেই নত-দিটির পরশ,
 অন্নদারে করিল আকুল,
 হাওড়াকে হল তার ভুল
 পারশ্ব বলিয়া ।
 অন্তরের গজল গলিয়া
 দেখা দিল সর্ব-অঙ্গে স্বাম,
 খুলিল সে কৌণ্টের বোতাম । -

৮

ফিরিবার পথে
 ‘বাস’—‘জয়রথে’
 দেখা হল সহপাঠী সুরেশের সাথে ।
 তার হাত রাখি হাতে
 অন্নদা কহিল তারে—“ভাই,

২৫

তোমাতে খুলিয়া বলি সকল কথাই !
হাওড়ায় গুরবালা বোস নামে আছে একজন,
মানে, অত্যন্ত প্রকৃষ্টমনা
মহিলা সে ।
তারি সাথে আলাপের আশে
ক্ষণিকের সঙ্গ-পিপাসায়
এসেছিল আজি হাওড়ায় ।”
কহিল সুরেশ, “সুরোকে তো চিনি আমি, সেও মোরে চেনে,
থাকি এক লেনে ।”
অম্লদা কহিল তারে, “হও না রে ভাই
ঘটক তাহলে । বিবাহ করিতে চাই
তারে ।
নিজ মুখে কথাটাতে
প্রকাশ করিতে পাই লাজ,
তুমি ভাই কর এই কাজ ।”
“বেশ তো বেশ তো” বলি সুরেশ তো রাজী,
“কথাটা পাড়িব আমি আজই ।”
দিন দুই পরে এল সুরেশের পত্র
মাত্র কয় ছত্র !
“আশা তার ছাডো,
স্বামীর আদর্শ তার Ramon Novarro.
তোমার ও ভুঁড়ি দেখে (খোলা ছিল জামার বোতাম)
প্রেম তার হ’য়ে গেছে numb.
কহিছে সে, অত বড় ভুঁড়িওলা লোক,
নিশ্চয় অতি আহাম্যিক ;
যতই সে P. R. S হোক ।

সুতরাং ভাই,
আশা কিছু নাই।”
পত্র পড়ে, অন্নদা কি মনে ভেবে শেষ
অকস্মাৎ হল নিরুদ্দেশ।

৯

বহুকাল পরে, শোনা গেল—অন্নদা ফিরেছে দেশে
অপরূপ বেশে
দলবঁধে গিয়ে বাড়ী তার
দেখিলাম, কঠিন ব্যাপার !
দেখা গেল যাহা,
তাহা
কল্পনার সীমার ওপারে।
অন্নদারে
চেনা শব্দ !—ভুঁড়ি নাই মোটে,
সর্ব্বাঙ্গের পেশী তার ফুলে ফুলে ওঠে
যেন রুদ্ধ অভিমান ভরে।
শিরোপরে
একগাছি চুল নাই—সমস্ত কামানো একেবারে।
গর্দানে রদ্রার চিহ্ন সারে সারে সারে।
বিস্তৃত উরস তার—কঠোর বদন,
ফেলিতেছে ক্রমাগত ‘ডন্,’
চারিপাশে ডায়েল, মুগুর।
বৈশাখের বিষম ছপুস
অগ্রাহ্য করিয়া
চলিয়াছে শুধু ‘ডন্’ দিয়া।

পরনেতে কাছা শুধু—নগ্ন সর্ব দেহ
 স্বর্ণাঙ্গুত ।—চোখে-মুখে নাই কোন স্নেহ !
 মোদের দেখিয়া
 ‘ডন’ থামাইয়া
 কহিল—“কি চাও”—
 কি বলিব ভাবিতেছি । হেনকালে সে কহিল—“আও” !
 পা’ দুইটি কাঁক করি’, উরু ‘পরে চাপড়াইয়া করতাল ছ’টি,
 একটু ঝুঁকিয়া, ভূতোটার ধরি ঝুঁটি
 দিল গোঁড়া ।
 হিন্দিতে কহিল হাসি’—“চলে আও পাঠ’টা”—
 * * *
 পাগ্‌লা গারদে আছে অল্পদা সরকার,
 পেশীময় স্নহ দেহ ভুঁড়ি নাই আর ।

সর্বদা

যবে উঠিতে বসিতে হাসিতে কাসিতে,
 তব্‌লা-বেহালা-সেতার-বাঁশিতে,
 সর্বদা—
 ধরিতে চেয়েছি হয় তো পাইনি,
 আধপেট ছাড়া কখনো খাইনি,
 সর্বদা—
 যবে সোহাগে সরমে কাঁদিয়া রাগিয়া,
 কাগজে কালীর আখর দাগিয়া
 অর্থাৎ—

নাগুরা নোলকে আঁচলে চাষিতে,
চিবুকে অধরে কোমরে নাভিতে

সর্বদা—

পেয়েছি কিম্বা পাইতে পাইতে,
জীবন কাটিবে চাইতে চাইতে

ঠিক্ তা—

বুঝতে পারিনি শোনই না হয়’
ভাব্বে আমারে যা হয় তা হয়

সর্বদা—

জানলা ধরিয়া কিম্বা ‘বাসে’তে,
এসেছিল মোর মনের পাশেতে

ঠিক্ তা—

ধরিতে পারি নি—হয় তো স্বপনে,
সামনা-সামনি কিম্বা গোপনে

অর্থাৎ—

শেষ-বরাবর কবিতা গল্পে,
চিন্তা করিয়া অল্পে অল্পে

সর্বদা—

ছাড়িব-ছাড়িব এমন সময়,
শুনবেন সবি ? থাক্ আর নয়

অর্থাৎ—

মেয়েটা বেজায় বুঝলেন কি না,
ঠিক্ একালের নয় আশা, বীণা,

চপলা !

অর্থাৎ যেন কেমন গোব্দা,
হয়নি তাতেও মনের ক্লেভ তা’

সত্যিই ;

ক্লোভ হল ঠিক যখন শেষটা,
ব্যর্থ করিয়া সকল চেষ্টা

হায় রে—

(প্রেম নাহি হয় এ পোড়া বঙ্গে)
শেষ-কালটায় আমারই সঙ্গে

উদ্ধাহ !

মশাই, শেষটা বিয়ে হল মোর
মেয়েটার সাথে ! আজও তার ঘোর

সর্বদা—

রয়েছে ঘিরিয়া স্বপনে শয়নে,
এ-পাশে ও-পাশে নয়নে নয়নে

সর্বদা—

সর্বদা আছি, আছে সর্বদা,
আর কিছু নয়, খালি সর্বদা,

এন্তার !

ট্রাজেডি-রক্ষের আর একটি ফল

প্রথম পরিচ্ছেদ

‘বাসে’ চড়ে বীণা রায়

চলেছেন বেহালায়,

পড়িতেছে টিপি টিপি বৃষ্টি ;

আর কে চলেছে সাথে ?

লক্ষ্য নাইকো তাতে

পুস্তকে নিবন্ধ-দৃষ্টি !

(চলেছে গোবর্দ্ধন মিত্র ।)

নয়নের কিনারায়

এল যবে বীণা রায়

ঝুমকো ঝুলায়ে দুটি কর্ণে ;

চরণে নাগরা পরা,

শাড়িটি ঘাগরা-করা

সুর্মা মাখান আঁখি-পর্ণে ।

(দেখিল গোবর্দ্ধন মিত্র ।)

এলো-খোঁপা চুলগুলি,

হাতে শুধু সরু রুলি,

কণ্ঠে চিকণ চারু হার গো ।

গালেতে লাগেনি চুন,

কিষ্কা ধরেনি ঘুণ

পাউডার ওটা পাউডার গো !

(বৃক্ষিল গোবর্দ্ধন মিত্র ।)

বয়স কতই হবে ?
সে কথা কেই বা কবে,
দেখিতে নেহাৎ রোগা তব্বী,
তবু ওই দেহ ঘিরে,
দেখা যায় শিখাটিরে
ভিতরে অলিছে যার বহি !
(তাতিল গোবর্দ্ধন মিত্র ।)

বদনের সদরেতে,
রাঙা রাঙা অধরেতে
ভদ্র হাসিটি আছে তৈরী,
চোখে যেন আছে ভাষা,
বুকে যেন আছে আশা,
স্বাস্থ্যটা শুধু তার বৈরী ।
(গলিছে গোবর্দ্ধন মিত্র ।)

ভাষাহীন সে ভাষার,
সীমাহীন সে আশার,
মূর্ত্তি দিবে সে কোন্ শিল্পী ?
নহে এ তো সাধারণ
দোকানের পুরাতন
চির-পরিচিত বাসি 'জিল্পি' ।
(আকুল গোবর্দ্ধন মিত্র)

এ যে বাঙালীর মেয়ে,
নব 'কালচার' পেয়ে,
চপ ও স্নুকে এক সঙ্গে ।
দাঁতগুলি চক্চকে,
ঠোঁটে রঙ্ টকটকে,

ধন্য করিছে এই বক্ষে ।
(যুদ্ধ গোবর্দ্ধন মিত্র ।)
সহসা কাটিল তাল,
ছিঁড়িল স্বপন জাল,
মহাকাল করিলেন রঙ্গ ।
'বাসে' 'বাসে' কলিশন
হয়ে গেল কি ভীষণ
চট করে হল রস-ভঙ্গ !
—(ব্যাকুল গোবর্দ্ধন মিত্র ।)

দ্বিতীয় পরিচ্ছেদ
চোখ বুজে বীণা রায়
শুয়ে আছে বিছানায়,
মেডিক্যাল কলেজের কক্ষে ।
“বেশী কিছু নাই ভয়”
ডাক্তার এসে কয়,
যন্ত্র লাগায়ে তার বক্ষে ।
(পার্শ্ব গোবর্দ্ধন মিত্র ।)
তিন দিন, তিন রাত,
শুয়ে থেকে দিনরাত
পুলকিয়া সকলের মন গো—
ভাল হল বীণা রায়,
ফিরে গেল বেহালায়
ট্রামেতে করিয়া আরোহণ গো ।
(সঙ্গে গোবর্দ্ধন মিত্র ।)

ছুটি মাস না কাটিতে,
বেহালার সে বাটিতে
বাজিয়া উঠিল নানা বাজনা,
বৌণা রায় করে বিয়ে
সারা দেহ মন দিয়ে,
শুধিবারে সমাজের খাজনা !
(বর সে গোবর্দ্ধন মিত্র ।)

উপসংহার

গোবর্দ্ধন মিত্র মোর বাল্য সহচর ।
বিবাহের ছ' বছর পর
সেদিন তাহার সাথে দেখা হল হেছুর ধারে ।
নানাবিধ গল্প হল ; অবশেষে কহিলাম তারে,
—“চা খাবি তো চল,
দেখ তো এ আধুলিটা ভাল না অচল !
ওটাই সম্বল !”
ম্লান হেসে
কহিল সে
—“মেকি কিনা
বলিতে পারি না ।
মেকি ধরা শক্ত ভাই—যদি পারিতাম,
তাহলে কি বিয়ে করিতাম ?”
ধরি তার হাত
শুধামু—“অর্থাৎ ?
— এটা কি বলিস্ !”
সে কহিল, “জ্বরী মোর বয়স চল্লিশ !

✓ ১৯০৯ সনে,
সে মোর বাবার সনে
করেছিল ‘এনট্রান্স’ পাস্‌ ! ✓
বিয়ে করে শেষে দেখি আরে সর্বনাশ !”
কিছুক্ষণ পরে গবু কহিল আবাব,
“এখন কেবল ভাই সাস্থনা আমার
এই দেখ্—” বলিয়া সে একখানি রুমাল খুলিয়া
সম্মুখেতে ধবিল তুলিয়া,
এবং কহিল পুন—“এমব্রয়ডারি ভাল করে,
—ওইতেই আছি ভরপুর !”
দেখিলাম, রুমালেতে ঐকা এক কুঞ্জ ময়ূর !

রূপান্তর

বহু বৈজ্ঞানিক
গবেষণা কবিরাই করেছেন ঠিক,
পৃথিবীতে রূপান্তর ঘটিছে নিয়ত ।
পূবাতনে করিয়া নিহত
নূতনের অভ্যুদয়
নিত্য হয় ।
বীজ হতে বৃক্ষ হয়, মল্ল হতে মগ্নী দেয় হানা,
গুটিকা-খোলস ছাড়ি’ প্রজাপতি মেলে তার ডানা,
উজল বিজলী হতে জন্ম লভে কঠিন কুলিশ,
শাস্তিরক্ষা করে শেষে থানা ও পুলিশ ।

অণু হতে মূর্গী হয়, ষণ্ড হতে পাছুকা-উদ্ভব,
 প্রিয়া সে নন্দন ছাড়ি' করে শেষে রক্ষন উৎসব
 পাটিকার বেশে ।
 সর্ব্ব কালে, সর্ব্ব দেশে,
 অবস্থা বিপাকে
 রূপান্তর ঘটে থাকে ।
 গাণ্ডীবী অর্জুন হ'য়েছিল বৃহন্নলা,
 ভীমসেন সূপকার । কিছুই যায় না বলা
 রূপান্তর হবে
 কার কবে ।
 দুর্নিবার এই রূপান্তর ।
 —যার বলে দম্য রত্নাকর
 বিরচিল রামায়ণ ।
 যার ফলে বুদ্ধ শ্যামধন—
 কৃপণ, কুশীদ-জীবী, শুষ্ক নিষ্করণ
 (হায় কিংকরণ)
 বলি-রেখাঙ্কিত মুখ সাবানে মাজিয়া
 দেখা দিল তরুণ সাজিয়া ।
 ফেলি' তার ভাঙা ছাতা,
 থেরো-বাঁধা খাতা,
 আদ্রির পাঞ্জাবী পরি' তবলায় করিল সঙ্গ ।
 আয়ত্ত করিয়া বহু গৎ ।
 কারণ ?
 আইন তারে করে না বারণ
 পঞ্চাশোর্ধ্বে বিবাহ করিতে ।
 তাই সে হরিতে

সুদখোর হতে হল তবলা-বাদক

সঙ্গৎ সাধক ।

অদ্ভুত এ রূপান্তর ।

যার ফলে উষর প্রান্তর

হয়ে ওঠে শ্যামময়ী কানন-বীথিকা

সঙ্গীত হইয়া যায় রেকর্ড-গীতিকা ।

চিকিৎসক হয়ে পড়ে ঔষধ-বিক্রেতা,

বৈরাগী সে হয় দেশ নেতা ।

আপ্টা ভায়লেট রশ্মি দীপ্তি রবীন্দ্রের

ভাইটামিন রূপে হয় কত কবিদের

কল্পনারে মোটা করে ।

আর তার ভরে

পটাপট ছিঁড়ে যায় তার

বাণীর বীণার ।

রূপ হতে রূপান্তরে অরূপের অপরূপ সুর

চিরকাল বাজিছে মধুর ।

তফাৎ হইতে আমি এতকাল ধরি’

নির্বিকারে চিত্ত মোর ভরি’,

নিরীক্ষণ করিয়াছি অরূপের নিত্য নব প্রসাধন-সাধ ।

কিন্তু এবে ঘটেছে প্রমাদ ।

আজ আর

নহি নির্বিকার ।

আমার বালিকা-বধু (বয়স ‘নাইন’)

(হয়নি তখনো দেশে সর্দা আইন)

গৌরীদান-পুণ্যফল ঘটায় পিতার

পুল্লাম নরকের দ্বার
রোধ করিবার আশে,
দাঁড়ালেন আসি মোর পাশে,
বাঁচোত্তমে মহা ঘটা করি’
—ছোট্ট নোলক পরি ।
সমৃদ্ধ সে সমারোহ
আনিতে পারেনি কোন মোহ
মোর মনে । তাহার প্রমাণ,
— আন্দামান ।
বিবাহের পরে
স্বদেশ উদ্ধার তরে
উন্মত্ত আবেশে
আন্দামানে গিয়েছিছু ভেসে ।
কিন্তু আন্দামানে
চিন্ত মোর ভরেছিল বিরহের গানে
বালিকা বধূর তরে ।
কত দিন স্বপ্নভরে
গেছি তার কাছে হায়,
কচি মুখখানি তার চুমায় চুমায়
দিয়াছি ভরিয়া ।
তারেই স্মরিয়া
“মেঘদূত” পড়িয়াছে মনে
আন্দামান জেলে ক্ষণে ক্ষণে ।
অশ্রুসিক্ত মোর অনুভূতি
ভাষার লাগিয়া শুধু করেছে আকুতি
নির্বাক রসনা ‘পরে ।

যাপিয়াছি কারাবাস বাণীহীন বেদনার ভরে ।
 আন্দামান সেরে যবে ফিরিলাম বাড়ী,
 দেখিলাম, প্রেয়সীর গজায়েছে দাড়ী
 অসহ বিস্ময়ে আমি শুধালাম সবে
 এও কি সম্ভবে ?
 ডাক্তার আসিয়া
 করে গেল সমর্থন হাসিয়া হাসিয়া ;
 দেখাইল অনেক নজীর,
 মোর চক্ষুস্থির !
 এই মোর প্রিয়া ?
 যার লাগি বিচলিত হিয়া
 কত না ব্যাকুল সুরে গেয়েছিল গান
 মুখরিত করি আন্দামান !
 যার লাগি
 কত নিশি কাটিয়াছে জাগি',
 যার মুখখানি
 আমার তৃষিত বুকখানি
 ভরেছিল আকুল স্মৃতিতে
 প্রেম ও প্রীতিতে ।
 সেই কিনা শেষে
 হাজির হইল আসি' বলিষ্ঠ এ দাড়িওলা বেশে !
 —পুষ্ট দাড়ী—নেহাৎ অল্প না
 কল্পনাও করেনি কল্পনা ।
 বিস্ময় কাটিল যবে—মন যবে কিছু শাস্ত হ'ল,
 কহিলাম ধীরে তারে—“নোলকটা খোলা”

ব্রজ্যার বিধানে

১

চিন্ত তার মোটে স্থির নাই,
হাতির হয়েছে সখ শিখিবে সেলাই ।
(স্মৃদ্ধতম স্মৃচীকার্য্য তা'ও !)
গগুরে ধরিল, “মোরে শিখাইয়া দাও ।”
গগুর কহিল—“ভাই,
সময় যে মোটে নাই,
বাস্ত আছি বেহাগ সাধিতে ।
ওস্তাদের সন্ধান পার কোন দিতে ?”
হস্তী কয়—“কোকিলের যে সুন্দর গলা,
সে হয়ত জানে কিছু, যায় না তো বলা ।”
গগুরও কহিল তারে,
—“ভুলেই যে গেছি আরে
সেলাই শিখিতে পার মাক'শার কাছে ।
তার তুল্য শিল্পী আর আছে ?”

২

হস্তদন্ত ছুটিল গগুর,
বেহাগ-রাগিণী শেখা নিতান্ত দরকার !
কিন্তু হায়,
সকলি বৃথায় ।

গণ্ডার দেখিল গিয়া, কোকিলের ঝাঁক
‘টাইপ রাইটিং’ শিখে হবে বড়লোক !
তারি হায়, দিবারাত্রি দেখিছে স্বপন,
চীৎকারিছে মাঝে মাঝে, “কোথা রেমিংটন ?”

৩

হাতীও হতাশ হল মাক’শার কাছে ।
মাক’শার সময় কি আছে ?
কি হইবে জ্বাল বুনে হায়—
স্বাস্থ্যই সার ধন এই ছনিয়ায় ।
এ কথা সে পড়েছে যে স্বাস্থ্য-পাঁজিতে ;
চায় তাই ডাংস্বেল ভাঁজিতে ।
পর্বতে ও জঙ্গলেতে সারাটা ছপুর
খুঁজিয়া ফিরিছে কোথা ডাংস্বেল মুগুর ।

৪

পর্বতে ও বনে
চতুর্দয় প্রতিভার নব আন্দোলনে
সাধারণ পশু পাখী (গৃহস্থ যাহারা)
ব্যস্ত হল তারা ।
অবশেষে ব্রহ্মার দরবারে গিয়া
হাজির হইল সবে বিচলিত-হিয়া,
“ত্রাহি, ত্রাহি, কর প্রভু ত্রাণ,
(গেল বুঝি প্রাণ !)
সঙ্গীত-গাণ্ডীবে নিত্য বেহাগের বাণ

৪১

ছুঁড়িছে গগুর,
সহের সীমানা হ'ল পার ।
ওদিকেতে ভীমকায় হাতী
করিতেছে মহা মাতামাতি ।
সকলেরে কহে গিয়া, “শিখাও সেলাই,
কিছু শুনিতে নাহি চাই ।”
ছুঁচাদেরও করে আলাতন
“ছুঁচ দাও” “ছুঁচ দাও” কহে অমুক্ষণ ।
কোকিল ভুলেছে ‘কুহ’,
বলিতেছে মূহুমূহুঃ,
—“চাই মোর রেমিংটন থাস্ ।”
মাক'শা হইতে চায় হিপোপটেমাস্ ।

৫

ব্রহ্মার ডাকে
কোকিল ও গগুর, হাতী—মাক'শাকে
হাজির হইতে হ'ল দেব-দরবারে ।
পিতামহ হস্তমুখে শুধান সবারে,
“বৎসগণ
এ কি আচরণ ?”
সকলে কহিল তারা,—“পিতামহ, করিও না কোপ,
জঙ্গলে ত দাও নাই ‘স্কোপ’
আমাদের মত হায়, বিদ্রোহীর তরে ।
অস্তুরে যে গুমরিয়া মরে
বহিমুখী বিবিধ প্রতিভা ;
কহ করি কিবা ?

কহ—শীঘ্র কহ—”
 ব্রহ্মা ক’ন—“রহ।”
 পরে ধীরে কহিলেন—“মনে পড়ে সৃজন-স্বপন !
 প্রত্যেকেরই মাঝে আমি করেছি বপন
 একটি বিশিষ্ট শক্তি, যার প্রতিভায়
 বৈশিষ্ট্য সে লভিবে ধরায় ।
 কেহই ত নহ অকিঞ্চন,
 কেন তবে অসম্ভব এই আকিঞ্চন ?
 এক একটি গুণ লয়ে সকলেই তোমরা যে গুণী।”
 এই কথা শুনি’
 সমস্বরে চারিজন করিল চীৎকার,
 “স্পেশালাইজেশন মোরা করি না স্বীকার।”
 শুনি চতুর্শ্লুথ
 হইলেন মুক ।

৬

কিছুক্ষণ পরে পুনঃ ক’ন
 —“তা’ হইলে ত্যাগ কর বন,
 বাঙালী হইয়া কর জনম গ্রহণ ।
 তাহাদের মাঝে আমি জানি
 কবি সে ডাক্তারি করে, ডাক্তার দোকানী ।
 দোকানী সেতার সাধে,
 সেতারী লাঙল কাঁধে
 কৃষকের লয়েছে ভূমিকা,
 প্রেমিকা সে হয়েছে লেখিকা ।

তাহাদেরি জীবনে প্রচুর
একসাথে চাষ হয় জুঁই ও কচুর ।
একটানে পান করি সুরা আর সাবু
নানাবিধ বাবু
আতরের ছিটা দেয় ময়লা কাপড়ে
শতকরা আশীজন—গড়ে ।
তোমরাও তেয়াগি' জঙ্গল
সেখানেই পাকাও দঙ্গল ।”
—বলি পিতামহ ব্রহ্মা চতুর্শুখ ভরি'
হাসিলেন অনেকক্ষণ ধরি' !

বেল ও বোলতা

বেল কয়, “কাছে আয় ওলো সহি বোলতা !
কি করে হলুদ রঙ্ পেলি তুই খোলতা !
হলুদ বরণ তোর গিনি-সোনা-জিনিয়া,
মোর মরমের রঙ্ নেছে যেন চিনিয়া !
কাছে এসে ভালো করে চেয়ে দেখ ভিতরে,
বাহিরে সবুজ মোর ভিতরে যে পীত রে !
সবুজে ও পীতে হল যে প্রণয়-পিত্ত,
হজম করিবে সে যে প্রেয়সীর চিত্ত !
আয় সখী গায়ে বোস্”,
—এই শুনি পেয়ারা
কহিল, “ভুলো না যেন হলটা যে বেয়াড়া !

—বিশেষ আছে ভরে তা’ !”
বেল কয়, “রে পেয়ারা, ছাল মোর শক্ত,
না হলে কি হই কড় বোলতার ভক্ত !
—তুই শুধু সরে যা !”

বিরহের সাথী
গভীর জ্যোছনা-রাতে,
আমারো নয়ন-পাতে,
স্বপন ঘনায় আজো,—কলিকাতা সহরেও !
বরণে ও ধরণেতে,
ঠিক সুরে মরমেতে,
রঙীন রাগিণী তোলে, ছোট নয় বহরেও !

২
সেদিন শারদী নিশি,
টাঙাইয়া ‘নেট’ দিশি,
একা-একা গুয়েছিছু খোলা-ছাদে দোতালীয়ায় ;
আকাশের তারা আর
মশারির কারাগার,
মনটারে ফেলেছিল অপরূপ দোতালীয়ায় !

৩
রিক্সার ঠুন্ঠুন্,
মশকের গুন্ গুন্,

মোটরের হর্ণের নিখাদ বা গাঙ্কার ;
কুচিং বা শোনা যায়,
(এত কম গোনা যায় !)
পাশের বাড়ীর মেয়ে থামিয়েছে গান তার !

৪

পুরাতন মরতের,
পুরাতন শরতের,
পুরাতন সেই হাসি পুরাতন চাঁদিমার,
পুরাতন মোর হিয়া,
দিল বেশ দোলাইয়া,
জাগে পুরাতন সাধ সাধিবার, কঁাদিবার ।

৫

সেই ভালোবাসিবার,
অকারণে হাসিবার,
হারিয়াও বার বার হারাবার অভিযান,
পুরাতন সেই স্মৃতি,
সেই ব্যথা, সেই প্রীতি,
বিরহ-মিলন-ময় সেই মান অভিমান !

৬

এমন জ্যাছনা-রাতে,
একা গুয়ে বিছানাত্তে,
কতখন জাগি আর একলার চেষ্টায় !

৪৬

ক্রমাগত উঠে হাই,
পাশের বালিশটাই
সম্বল হল হায়, আজ রাতে শেষটায় !

৭

চাদরে আবরি' দেহ,
ঢালিয়া সকল স্নেহ,
বালিশই নিলাম টেনে,—ঠিক হেন কালে হায়—
হঠাৎ পড়িল চোখে,
ছাদের কোণেতে ও কে,
আমারি পানেতে যেন চাহিয়া রয়েছে ঠায় !

৮

এমন চাঁদিনী রাতে,
এ কি মহা উৎপাত এ,
ভূত এসে শেষকালে করিল না কি রে ভর ?
পা এবং মাথা জুড়ি',
চাদরটি দিয়া মুড়ি,
রাম-নাম করিলাম ক্রমাগত পর-পর !

৯

সহসা হইল মনে,
সে যেন কানের কোণে,
অতি ধীরে চাপা-সুরে কথা কয় ফিস্-ফাস্ !

ভয় আরো হল গাঢ়,
চাদরটি মুড়ে আরো,
চূপ করে রহিলাম রোধ করি' নিশ্বাস !

১০

বলিতে লাগিল ভূত,
“এ তো ভারি অদ্ভুত,
এ যুগের হে রমণী, হেন রাতে নিদ যাও !
খোল গো মশারি খোল,
চাদরের ঢাকা তোল,
আমি যে এসেছি দেখ—হয়ো নাকো পিছপাও ।

১১

শরতের এই শশী
একে ত মরমে পশি'
লালায়িত করে দেহ—মনেও দিয়েছে ঘা ;
তছুপরি তব লেখা !
স্ববেতে গেল না টেকা,
উঠেছি ‘পাইপ্’ বেয়ে ছড়েও গিয়েছে গা !

১২

আজি নিশি মনোহরা,
স্বপন দেখিছে ধরা,
দেখ সখী, চাঁদ আর চকোরেতে চুম খায় ।

স্বামীটা তো নাই আজ,
তবে সখী কিবা লাজ ?
তিনি ত গ্যাছেন 'টুরে' জানি আমি ছুমকায় ।”

১৩

চাদরের ফাঁকে ফাঁকে
দেখিলাম ভূতটাকে,
গৃহিণীর male friend স্তূতরূপ যত্ন সুর !
তখন মশারি তুলি’
কহিছু তাঁহাকে খুলি’,
“তিনি তো বাড়ীতে নাই গিয়াছেন মধুপুর ।

১৪

নানাকাঞ্জে আজ ভাই
‘টুরে’ যাওয়া ঘটে নাই,
ক্ষতি নাই—এস দৌহে—হই আজ মশ্গুল ।
এসো ভাই খুলে প্রাণ,
ছুজনেই গাই গান,
আমি গাই নিধু বাবু, তুমি গাও নজরুল !

১৫

লজ্জা পেও না বাবু,
বিরহে আমিও কাবু,
তাঁর তো ফিরিতে দেবী অন্ততঃ দিন চার !

৪৯

কোথায় লেগেছে দেখি,
আহা, আহা, ছি ছি এ কি !
নিয়ে আসি থামো আছে আইওডিন্ টিনচার !”

* * *

সহসা পথের ‘পরে
ভীষণ শব্দ করে’
ছুটন্ত মোটরের টায়ার ফাটিল কার !

জনপ্রিয় জনাৰ্দ্ধন

প্রস্তাবনা

অত্যন্ত জনপ্রিয় জনাৰ্দ্ধন জোয়ার্দার,
এমন কি যে সময় নাই খাওয়া কিম্বা শোয়ার তার !
উৰ্দ্ধ-শ্বাসে সৰ্বদাই
পরোপকার পৰ্বটাই
করত স্নুখে হাস্তমুখে
একমাত্র গৰ্ব তাই !
ও অঞ্চলে ছিলই নাক পাল্লা দিতে দোহার তার !
চন্দ্র-তারা-সূর্য্যময়ী সুন্দরী এ ধরিত্রীর
চমৎকার সৃষ্টি ও ! চমৎকার মতিস্থির !
মস্তকেতে একটি জ্ঞান
চিন্তে শুধু একটি ধ্যান
সবার ধন সোনার ধন

‘পপুলার’ সে জনার্দন
পরোপকার জানত আর
করত তাই দনাদন !
রাত্রি দিন শ্রান্তিহীন ক্লান্তি নাই শরীরটির !

পটোস্তোলন

১

রামবাবু যান আপিসেতে, তাঁর
ন’টার সময় চাই যে খাবার,
জন্ম করে দেয় ভোরেই বাজার
ভেবো না তাহারে যা-তা ।

আবার তখুনি বাজারটা রেখে
ছুটে চলে যায়, ডাক্তার ডেকে
আনে তাড়াতাড়ি, কাল রাত থেকে
সুখার ধরেছে মাথা !

কাহার কিনিতে হবে ঘটি ঘড়া,
সারাইতে হবে কার চটি জোড়া,
পোড়াইতে হবে কোথা বাসি মড়া,
জনার্দনকে ডাকে ।

ও পাড়ার পিসী কহিলেন, “জন্ম
শশাঙ্কলো সব খেয়ে গেল হুমু”
অমনি সে জন্ম বিগলিত তন্ম
লাঠি হাতে বসে’ থাকে ।

সকলের তরে হায়,
 জনার্দনের সকাল-দুপুর
 সন্ধ্যা বহিয়া যায় !

মাঠে আজ সোর-গোল !
 হাওড়ার 'টিম্' খায় হিমসিম
 বল হরিহরি বোল !
 'উত্তর পাড়া' বাজায় নাকাড়া
 ঠুঁকে দিয়ে তিন 'গোল' !

জনার্দন সে কই ?
 বরফ ছুঁড়িছে ওই যে দাঁড়ায়ে
 কর্ণার ঘেসে ওই !
 থাকিতে পারে কি থির ?
 জন্ম যে কৰ্ম-বীর !

কমলি কহিল—“ভাই পটলি চল না যাই
 জন্মদা'কে বলি এক ঝাঁকে
 'সিনেমা'য় আজ রাতে যাবো মোরা ছ'জনাতে
 টিকিট কিনিয়া যেন রাখে !”
 একথা শুনিল যেই দিশাহারা পুলকেই
 দশটি দশন বিকশিয়া
 কহিলেন জন্ম-দাদা' “এতে আর কিবা বাধা,
 আমাকেও সাথে যাস্ নিয়া !

টাকা ? আমি দেব সব, তা না হলে কি গৌরব
জন্ম-দাদা হয়ে আর বল ?”
শুনিয়া কিশোরী ছ’টি হেসে হল কুটিকুটি
জন্ম-আঁখি করে চল চল !

8

শোন শোন কর অবধান,
জনার্দন পথে পথে গাহিতেছে গান !
কি মিঠা গলার সুর,
লজ্জা করিয়া দূর
খুলি দিয়া সব বাতায়ন,
ছিল যত পুরনারী
দাঁড়াইল সারি সারি
আগ্রহে আকুল প্রাণ-মন !
জনার্দন গাহিতেছে ঢালি দিয়া প্রাণ
শোন শোন কর অবধান !
'হার্মোনিয়াম' বুলাইয়া কাঁধে
জনার্দন যে গান গেয়ে কাঁদে
—'পপুলার' ছেলে লোকে বলে সাথে ?
—নিজেই বেঁধেছে গান !
ভিকার লাগি' পথে পথে ওই
গান গেয়ে গেয়ে করে হৈ হৈ,

উৎকলে নাকি জল থই থই
এসেছে সেথায় বান ।
“দাও পুরজ্ঞন দাও কিছু দাও
দয়া করে কর দান !”

৫

শেষ হল পথে কাঁদা হায়রে, তবুও চাঁদা
হল না যে মনোমত কিচ্ছু,
আজকাল লোকগুলো কেউ গাথা, কেউ ছলো
কেউবা কেউটে, কেউ বিচ্ছু !
দাঁড়াইল জানালায় পয়সা দিল না হায়,
মনে মনে জল্প ভাবে, “আচ্ছা,
পয়সা আদায় করে’ দেবই দেবই ওরে
হই যদি মানুষের বাচ্ছা !”

* * *

শোনা গেল রবিবার ক্লাবে হবে থিয়েটার
“সীতা” আর বাছা বাছা নৃত্য ।
শুনি ‘পাবলিক্’ মন হইল রে উচাটন
দয়াদ্র হ’ল সব চিত্ত !
‘উৎকল’-বেদনায় গুটি গুটি সন্ধ্যায়
ছেলে-মেয়ে কচি-কাঁচা বৃদ্ধ,
ক্লাবের টিকিট-ঘরে ধাইল আবেগ ভরে
হল জল্প-মনোরথ সিদ্ধ !

৫৪

কহিলেন সকলেই, “মনে কোন ক্ষোভ নেই,
নাই খেদ, নাই কোন সন্দ !
এ খরচ সার্থক” কহে ছেলে-বুড়া-তক্
জন্মু সেজেছিল রামচন্দ্র !

পট-পরিবর্তন

জনার্দন জোয়ার্দার ভারি অভিভূত !
ক্রমাগত পৃষ্ঠ-দেশে পড়িতেছে জুতো
ক্রুদ্ধ পিতার !
তিনি বার বার
জুতান ও জিজ্ঞাসেন তারে
“বল্ নারে
কতবার ‘ম্যাট্রিক’ করিবরে ফেল
ওরে রাস্কেল ?”
এই বলি পুনরায় করিয়া গর্জ্জন
করিলেন পাছুকা-বর্ষণ !
ধরিয়া চুলের ঝুঁটি করি রব ঘোর
শুধালেন—“ওরে ও শুয়োর
এত বড় জুল্ফি কেন তোর ?
কি এমন মহাবীর সেনাপতি তুই
রেখেছিস্ জুল্ফি হাত দুই ?
হৃদিকের গোঁফটাকে ছেঁটে
ওরে বোম্বটে
কি এমন কন্দর্প হয়েছিস্ বল্ !
হতভাগা বংশের মুষল !

গাধা...খাসি...হাতী !”
এই বলে চালালেন লাথি
লক্ষ্য ছিল নিতম্বের ‘পরে !
Skip করে’
জনার্দন প্রণম্য পিতায়
সার্কাসি কায়দায়
Salute করি’
গেল সরি !

মানে, গল্পই

দাম্পত্য জীবন-মম
আঁচা-সাঁচা গেঞ্জি সম
যদিও ‘টাইট’ ভাবে ধরেছিল আ-কোমর গলা,
চঞ্চল হয়নি মোর প্রীতি অচঞ্চলা !
গেঞ্জিটা পরেছি প্রায় পনের বছর,
ঠিক গত যুদ্ধের পর ।
যুদ্ধটা হ’ল যেই শেষ
আমিও পরিচু বর-বেশ ।
পাঁচটা বছর গেছে এদিকে ওদিকে,
প্রেম পত্র পড়ে’ আর লিখে’
কিন্তু তার পর
পুরাপুরি দশটি বছর
(একশ’ কুড়িটি মাস, মানে,)

মোরা দৌহে দুজনের পানে
Almost পলক-বিহীন
চাহিয়া রয়েছি নিশিদিন ।
নাকে নাকে করি ঠেকা-ঠেকি
অবিচ্ছিন্ন দশ বর্ষ চলিয়াছে এই দেখা-দেখি !
যদিও আপিস্ ছিল সকাল বেলাই
গৃহিণীরও ছিল নিত্য পুত্র-কন্যা রান্না ও সেলাই,
বিধবা পিসিমা ছিল,—বাজারেতে ছিল কিছু ধারও,
সব অতিক্রমি' তবু গাঢ় প্রেম হ'ল গাঢ় আরও
কিছু না কমিয়া !
বিগলিত মোম যেন বসিল জমিয়া ।
সব তুচ্ছ কবি'
গলাগলি করি' দৌহে এ সংসার-তরী
বাহিয়া চলিতেছিলাম, না জানিয়া কবে হব পার ;
ভাঁটাহীন প্রেম-নদী, উচ্ছ্বসিত কেবলি জোয়ার !

হেন কালে হায়রে হঠাৎ,
নীলাশ্বর হতে হ'ল পীতবর্ণ মহাবজ্রপাত
অর্থাৎ, এল 'টেলিগ্রাম' !
খুলে দেখি আরে 'রাম রাম',
পক্ষাঘাত
হয়েছে হঠাৎ
মোর শ্বশুরের !
তাল-ভঙ্গ হ'ল হায় জমাটি-সুরের !
দেখাইলুম প্রেয়সীরে অকরণ 'তার'
মোর কণ্ঠ ছাড়ি' প্রিয়া নিজ কণ্ঠ ছাড়িল এবার !

তার-স্বরে করিল ক্রন্দন,
দোহার হইল তার ছুঁহিতা, নন্দন ।
শোকাবেগে গুছাইল যাবতীয় গহনা-কাপড়
বুঝিলাম এইবার দিবে সিধা রড়
বেনারস্ পানে,
(পিত্রালয়ে, মানে)
অনাগত বিরহের দ্রাসে
বেগ সঞ্চারিত হ'ল নিশ্বাসে প্রশ্বাসে !

২

পরদিন প্রেয়সীরে চড়ায়েছি গাড়ী
ফিরিয়া আসিতেছিষু বাড়ী,
মানসে হইতেছিল ক্রমে ক্রমে ভীতির সঞ্চার
মনে হল', বাড়ী গিয়া দেখিব এবার
বিরহ পাতিয়া ওৎ বসে' আছে বিছানার 'পরে !
যেমনি ঢুকিব আমি স্বরে
অমনি সে মোরে
চিৎ করি' ধরি'
হৃদয়টি চিবাইবে কুচ্-কুচ্ করি !
প্রেয়সী চলিয়া গেল, বিরহের পাত্তা নাই তবু,
এ কথা কি শাস্ত্রে লেখে কভু ?
কিন্তু হায়, শাস্ত্রবিধি নাকচ করিয়া
কি আশ্চর্য্য, বিরহ তো রহিল সরিয়া !

অধিকন্তু মনে হ'ল যেন বাঁচিলাম ;
 এতদিন আমি যেন বন্দী আছিলাম
 অনির্দিষ্ট নিষেধের ডোরে !
 পরদিন উঠিয়াই ভোরে
 (ছিল রবিবার)
 জুটাইয়া বহু বন্ধু, অবেলায় করি স্নানাহার,
 চা খাইয়া বার বার,
 ধম্কাইয়া চাকর ঠাকুর
 বন্দীত্বের কিছু গ্লানি করিলাম দূর ।
 বিশ্বৃত সেতারটার
 লাগালাম তার ।
 বন্ধুগণ
 বার বার খেল নিমজ্জণ ।
 ইচ্ছামত যথা-তথা যতক্ষণ খুশী আড্ডা দিয়া
 ছুইটি সপ্তাহ গেল সুখেতে কাটিয়া ।

ক্রমশঃই ময়লা হ'ল চাদর বিছানা ।
 চাবিটা কোথায় গেছে কিছুতেই পাই না ঠিকানা ।
 টেবিলের 'পরে
 থরে থরে
 বই বাটি খাতা ছাতা হ'ল জুপাকার !
 চতুষ্কোণ মশারিটি হ'ল উটাকার !

মৈথিল ঠাকুর, দিল ধর্ম-কর্ম মন
সুতরাং দাইল, ব্যঞ্জন
হইয়া আ-লোনা,
রসনারে করিল ছলনা ।
চতুর্দিক ধূলিপূর্ণ ! দাসী আর দেয় নাকো ঝাড়ু ।
—হারাইল গাডু!
কুকুরে আসিয়া রাতে খেয়ে গেল হাঁড়ি,
মুখময় গজাইল খোঁচা-খোঁচা দাড়ি ।
ধোপা ও গোয়ালী আসি টাকা করে দাবী,
হিসাবের খাতা নাই, হারিয়েছি চাবি !

৫

পত্র এল অমিয়ার ।
পুণ্য-ঘাটে মণিকর্ণিকার
স্নান করি রোজ তারা
হইতেছে আত্মহারা !
তাহারি বর্ণনা করি লিখিয়াছে দীর্ঘ রামপট !
চাহিয়া রহিলু কটমট
পত্রটার পানে !
কবে যে আসিবে তাহা লেখে নাই মোটে কোনো খানে ।

৬

স্বপন দেখিলু রাতে'
অমিয়া গিয়াছে ডুবে মণিকর্ণিকাতে !
মাতৃহারা পুত্র কণ্ঠা মোর

৬০

দিশাহারা চীৎকারিছে ঘোর ।
আতঙ্কেতে শিহরিয়া ভেঙে গেল ঘুম ;
বাহিরেও দেখিলাম লাগিয়াছে ধুম ।

৭

গগন ভরিয়া নেমেছে বাদল
মাদল বাজিছে মেঘে,
পবন পূর্বী কেতকী-সুরভি
বহিয়া আনিছে বেগে ।
মত্ত দাছুরি পাশের পুকুরে
মুখরিছে চারিদিক—
সুযোগ বুঝিয়া বিরহ আসিয়া
চাপিয়া ধরিল ঠিক ।
এমন সময় ছুয়ারের কড়া
নড়িল বারম্বার,
পিওন সেথায়, কি সর্বনাশ !
এনেছে জরুরি তার !

৮

খুলে দেখি লিখেছে অমিয়া,
“দাও পাঠাইয়া
পঞ্চাশটি টাকা পত্রপাঠ !”
সামালিহু আপনারে ধরিয়া কপাট !
নিশ্চয়ই বিপদ কিছু—ঘটিয়াছে কোন সর্বনাশ,
কজ্জ করি’ তার যোগে পাঠাইহু পঞ্চাশ !

৬১

তার-যোগে পুছিলামও—ব্যাপার কি জানাও সত্বর,
“ভয় নাই, ভাল আছি,” আসিল উত্তর !

দিন-দুই পরে আসি’ অমিয়া নিজেই
কহিলেন যাহা তার সার মর্ম্ম এই :—
“সস্তায় বিক্রি ছিল ছল জড়োয়ার
তারি তরে হয়েছিল জরুরি দরকার
পঞ্চাশ টাকার !”

—হাসিমুখে করিল বর্ণন ।
এবং তখনি ঠিক ঘন ঘোর করিয়া গর্জ্জন
গগনেও নামিল বরষা !
পূরবী পবন পুনঃ কেতকীরে করিল সরসা !
পার্শ্ববর্তী জলাশয়ে যতেক দর্দুর
জমাইল বরষার সুর ।

চীৎকারিয়া কহিলাম—“এদেরি ধাক্কায়
হয়েছি বেকুব আমি হায় !
ইচ্ছে করে জুতো মেরে মেঘ-ফেগ চুরমার করি !”
কিন্তু তাহা অসম্ভব স্মরি’
সগর্জ্জনে কহিলাম ডাকি চাকরেরে,
“ডোবার এ ব্যাংগুলো তাড়া তো রে মেরে !”

দিক-ভুল

ফুল-বনে গেল ছলো মার্জার,
সেখা নাকি তার ছোট ভার্যার
নবম ছেলে,
‘কলা’র চর্চা করিছে ঠেলে !
“বিড়াল-বংশে একি জুটলো রে,”
বলি বুড়ো ছলো মহা ছল্লোড়ে
ধাইল বেগে,
ফুলের বাগানে হতাশে রেগে !
গিয়ে দেখে ছেলে তবু ভালো, যাক,
ফুল-কলি পানে করি খালি তাক
ঝাঁপায়ে পড়ে
ইছুর ভাবিয়া ফুলের ‘পরে ।
ছলো কয়, “ওরে, ইছুর ধরাই
সখ যদি তোর, চল তবে যাই
গর্তে আছে ।
ইছুর ফলে কি ফুলের গাছে ?”

যুগল সমজদার

১

প্রথম বাগানে ধরেছে আম,
দেখি ও দেখাই হবে,
মনের মহোৎসবে ;
সুখের স্বপন মাথার ঘাম
বুঝিবা সফল হবে !

পাশের বাড়ীতে মহিম সেন
গুনেছি, সমজদার !
“বাগানেতে একবার”
কহিনু তাঁহারে, “যদি আসেন !”
দ্বারস্থ হয়ে তাঁর ।

রবিবারে এল মহিম সেন
বাগান দেখিতে মোর ;
দিল তিন চক্কোর ।
ভাবিলাম বুঝি হয়ে গেলেন
মুকুলগন্ধে ভোর ।

সোনালি রোদেতে চমৎকার
সুন্দরিত সৌরভে
হাসিতেছে গৌরবে ।

মহিম সেন তো সমজ্ঞদার
—সবাই মুগ্ধ হবে।
কহিলেন তিনি, “যে কাঁটা-তারে
ঘিরেছিস চারিধার
ভারী তো চমৎকার
কোন্ ঠিকানায় পাইব হাঁরে
হৃন্দর কত তার ?

২

পাকিল যখন আম, সব ছুখ ভুলিলাম,
হরষেতে হইলু অধীর ;
ছুই কূল ভাসিয়াছে, জোয়ার যে আসিয়াছে
পুলকিত পরাগ-নদীর !
গরমে পরম সুখে মোর কাননের বৃকে
বাঁধিয়াছি পাতার কুটীর,
প্রাণের উৎসব সে কি ! দেখি আর শুধু দেখি
ক্লান্তি নাই নয়ন ছুটির।
মাটি আর আম গাছে একি কাব্য রচিয়াছে,
বাক্যহীন একি বাচালতা !
গাছে গাছে নানা বেশে হাসে যেন রসাবেশে
ডেকে ডেকে কহে যেন কথা !
বৃন্ত-বাঁধন ‘পরে থাকিতে চাহে না ওরে
বলে মোরে, “লহ গো পাড়িয়া,
দেহ-ভরা রসভার বহিতে পারি না আর,
লহ লহ লহ নিঙাড়িয়া ”

৬৫

۷۷

প্রণয়-মিতি

১

তোমাতে বেসেছি ভাল তাহার প্রমাণ যদি চাও,
এবং না-ছোড় হয়ে নিতান্তই বাঁকিয়া দাঁড়াও,
“ওষ্ঠ বাড়াও”—

বলিব না ;—ভয় নাই, কারণ তা’ পুরানো নেহাতই ।
সাহায্যও লইব না জ্যামিতি বা ত্রিকোণমিতির
প্রমাণ করিতে সখি, সরলতা, উচ্চতা, স্থিতির
আমার প্রীতির ।
হাসিবে সবাই শুনে ছোট বড় শহরে দেহাতি !

২

স্বর্ণকারে ডাকিব না, দেখাইতে হে সখি, ফি-সনে
অলঙ্কারে কত টাকা ব্যয় করি প্রণয়-‘মিশনে’
তোমার পিছনে—
ডাকিলে ঠকিয়া যাব, কিছুই তো দিইনি বিশেষ !
পুত্রকন্যা তব অঙ্কে কতগুলি দিছি উপহার,
প্রণয়-দাখিলা রূপে আনিব না হিসাব তাহার
ছোট ‘আহা’র
বিপুল সংঘাতে তাহা টিকিবে না একটি নিমেষ ।

৩

এতকাল ত্রৈণ বলি’ যারা সব করিত নালিশ—
ভয় নাই, ওগো সই, মানিব না তাদের সালিস,
প্রেমের পালিশ
জানি আমি নষ্ট হয়, এভাবে টানা ও হেঁচড়ে !

৬৭

এত দিন যা' গেয়েছ,—শুনে গেছি,—করিনি বাহানা,
ভৈরবী, পূরবী, পিলু, কানাড়া বা ইমন সাহানা,
করিয়া না “হাঁ” “না” !
শুনে গেছি, বলি নাই—“থাম, থাম, পেকেছ এঁচড়ে” ।

৪

একথা প্রমাণ-সহ করি যদি এখনি হাজির,
জানি তাহা মনোমত হইবে না তরুণী কাজির
এ কারসাজির
উপরন্তু প্রতিফল পেতে হবে দিবস রজনী !
করিব না স্মৃতিরাজ ;—কাজ নাই সত্যের ভাষণে—
স্বীকার করাই ভাল—ভয় করি তোমাব শাসনে,
সমাজ-আসনে
আপীল-অতীত তুমি সনাতন শাসক, সজনি !

৫

কুপথে স্মৃপথে সখি, যে পথেই করি না গমন,
সকলি সমান জানি, শেষকালে আছেই শমন
তবুও দমন
করিয়াছি আপনারে, সে কেবল তোমারে স্মরিয়া ।
ঐ অসহায় ভাব,—কণ্ঠে চির-নির্ভরের সুর
তোমার প্রধান অস্ত্র,—শৃঙ্খলিত করেছে অসুর
সে বহু পশুর
নখদন্ত ভগ্নপ্রায়, উদ্ধামতা যেতেছে মরিয়া ।

৬৮

৬

এত বড় স্বীকারোক্তি !—তাও তুমি বলিবে—“ও বাজে !”

(দিব্যদৃষ্টিময়ী তুমি,—ধর্মপ্রাণ মানব সমাজে !)

সুতরাং লাজে

বুদ্ধদিত উচ্ছ্বাসের শেষ হোক ব্যর্থ আবেদন !

প্রেমের প্রমাণ চাও ।—বুদ্ধি তব সত্যই শ্রেয়সী

একটি প্রমাণ তবু দিব আজ, হে মোর প্রেয়সি,

যুক্তির সে অসি

আশা করি সম্মুখেই করি’ দিবে সংশয় ছেদন !

৭

সকালে, ছপুরে, সাঁঝে, রজনীর গভীর যামেতে,

এ যাবৎ যত চিঠি লিখিয়াছি রঙীন খামেতে

তোমার নামেতে,

তাহার উল্লেখ সখি, না করিয়া করিব প্রমাণ—

ভালবাসি, ভালবাসি, তোমারেই ওগো ভালবাসি—

যদিও টাটকা নহ, হইয়া গিয়াছ কিছু ‘বাসি’,

অয়ি সর্বনাশি,

তোমারি লাগিয়া তবু হইয়াছি নিতান্ত ‘কমান্’ !

৮

ভাল না বাসিলে বল কোন জোরে দিন রাত ভোর

প্রতিদিন তব সাথে ঝগড়া করি বাঁধিয়া কোমর

প্রেয়সী ও মোর !

—অতি তুচ্ছ বিষয়েতে অতি উচ্চকণ্ঠের কলহ !

৬৯

শত্রু মিত্র কারো সাথে—এতটা তো উঠে না চরমে !
প্রেম না থাকিলে সখি, খোলাখুলি এতটা কি জমে ?
অগ্নি মনোরমে,
মুখ টিপে না হাসিয়া, ঠিক কিনা তুমিই বলহ !

ঘুঁটে

‘ঘ’ এবং ‘ট’ রয়েছে দেহ মোর জুড়িয়া—
তবু বন্ধু ঘট নহি, নহি ঘটোৎকচও ;
‘ঘাট’ও নহি হায় কবি, যাহা লয়ে তুমি
প্রণয়ের ছুঁ-চারিটি পদাবলী রচ !
ঘটকী, ঘোটকী নহি—মোর কাছে কেন ?
এমন কি, নহি হায় সাধারণ ঘটি ;
গোবর হইতে হায় (নহি পদ্মফুল !)
জনম লভিয়া আমি ঘুঁটে নামে রটি !
কবি কহে, “তুমি যে গো অতি-আধুনিকী,
প্রয়োজনে প্রাণ দাও, আছে তাই দরও,
আধুনিক জগতের ‘প্রলিটারিয়েট’—
জন-সাধারণ-হিতে পুড়ে পুড়ে মর !
আমি সেকালের লোক, উৎসাহ চাই ।”
এই শুনে ভিজ়ে ঘুঁটে এত অবিরাম,
এতই ছাড়িল ধোঁয়া এত রকমের,
কবির নয়নে জল, সারা দেহে ঘাম !

মার্জার-মূষিক ইত্যাদি কথা

এই মহাভারতীয় গল্পের গুটিটি বেহারের ভূমিকম্প-বিধ্বস্ত একটি
ভগ্নস্তূপের মধ্যে কুড়াইয়া পাইয়াছি।

১

বিহুরের ক্ষুদ্র ইহুরে খেয়েছে, তারি সন্ধানে পার্থ
গাণ্ডীব নিয়ে গর্ভে ঢুকেছে বাহির হয় না আর তো।
রক্ষণালয়ে একথা শুনিয়া ফেলিয়া হাতের খুন্তি
আকুল নয়নে বাহিরে এলেন পার্থ-জননী কুন্তী।
আসিয়া দেখেন, কিমাশ্চর্য্য সকলেই উদ্ভিন্ন,
সকলেরই মুখে ঘটয়াছে যেন বেশ কিছু কোন বিষ
ধর্ম্মপুত্র যদিও তেমনি হাই তুলে দেন টুসুকি,
পাঞ্চালী চুলে চিরুণী চালায়ে তেমনি তুলিছে খুস্কি,
ভীম সে মস্ত গুলতি খেলায়, নকুল বকুল-কুঞ্জ,
সহদেব দেন কিঙ্করে গাঁলি, ‘পানে এত বেশী চুণ যে!’
কিন্তু তবুও সকলেরই মুখে শঙ্কার ছায়া পষ্ট,
কোন্ সে গর্ভে ঢুকেছে পার্থ সকলেরি মনে কষ্ট।

২

‘পেপারে’ কিন্তু বাহির হইল মোটা অঙ্করে মস্ত,
বিহুর-বিপদ শুনিয়া কুন্তী ধরি’ পার্থের হস্ত
বলেছেন, “যাও যাও রে বৎস, করহ মূষিক ধ্বংস,
পাণ্ডু-রাজার বংশের তুমি গৌরব-অবতংস!”

কৃষ্ণাই না কি স্বহস্তে তারে পরায়ে দেছেন বশ্ম,
 বলেছেন, “নাথ, পালন করিয়া এস ক্ষত্রিয়-ধর্ম ।”
 বাকী চার জনও যাইতেছিলেন করিতে সে মহাযুদ্ধ,
 এমন সময় বিদুর আসিয়া কহিলেন, “সব যুদ্ধ
 গর্ভে ঢোকাটা সমীচীন নহে, তোমরা সবাই তিষ্ঠ,
 আপৎ কালেতে ধৈর্য্যই বল—একমাত্র সে ইষ্ট ।”
 খুল্লতাতে আদেশ তাঁহারা করেছেন শিরোধার্য্য,
 এবং কথিয়া আছেন তাঁদের বীর্য্য সে অনিবার্য্য ।

৩

বিদুর-বিপদ-বার্তা রটি' গেল ক্রমে
 দেশ হতে দেশান্তরে অমিত-বিক্রমে ।
 বিদুরে বিরক্ত করে ইঁদুর জুটিয়া !
 শুনিয়া সবার রক্ত উঠিল ফুটিয়া ।
 কোশল, মগধ, কাশী, অঙ্গ, বঙ্গদেশ,
 কলিঙ্গ, পাঞ্চাল, কাশি, সমস্ত প্রদেশ
 নানা ভাবে চিন্তা করি এর প্রতিকার
 স্থির করিলেন শেষে, পাঠাও মার্জ্জার ।
 রাজা-প্রজা, পাত্র-মিত্র, ধনী ও নিধন
 আকুলিত চিন্তে করে মার্জ্জারাস্থেষণ ;
 দিগ্বিদিকে ক্রমাগত সে চেষ্টার ফলে
 জুটিল মার্জ্জার আসি বহু দলে দলে ;
 এবং ছুটিল তারা দূর হস্তিনায়
 বিদুর ইঁদুর-তাপে বিধুর যেথায় ।

এদিকে হস্তিনাপুরে বেচারা বিহুর
 (একেই বিরক্ত ভাবে করেছে ইহুর !)
 বহু বিড়ালেব মহা সমাগম দেখি
 বিস্ময়-বিমূঢ় কণ্ঠে কহিলেন—“এ কি !”

স্বীত-গণ্ড, পীত-চক্ষু, কপিশ-বরণ,
 স্থূল-পুচ্ছ হলো-হলী বিবিধ ধরণ
 বক্র-কর্ণ, চক্র-মুখ যতেক মার্জ্জাব—
 দেখিয়া বিহুব ভাবে—হ’ল কি ব্যাপার !

জুটিল আসিয়া ক্রমে সাদা, কালো, মেটে,
 নির্লোম, রোমশ, খেঁকি, রোগা, মোটা, বেঁটে,
 পীন-নাসা, ক্ষীণ-কায়, কেহ বা বিশাল,
 পুষ্ট-গুফ, রুগ্মানন বিবিধ বিড়াল ।

আসিয়াই তারা সব করি’ সমারোহ
 খ্যা-খ্যা-রবে জুড়ি দিল তুমুল কলহ ।
 সে কলহ-কলরব ওঠে সব ঠেলে,
 বিহুর কহেন শেষে—“আরে, কচু খেলে !”

এবং সভয়-চিত্তে চিন্তাস্থিত মন,
 পাণ্ডব-আলয়ে তিনি করেন গমন ।

হস্তিনার দুগ্ধ দধি করিয়া ভক্ষণ
 কহে বিড়ালের দল, “এবার রক্ষণ
 করা যাক চল ভাই—বিছুর-ভাণ্ডার।”
 সেথা গিয়া দেখে তারা, বিপুল ভাণ্ডার
 আশ্চর্য করি’
 ভীমসেন দাঁড়াইয়া স্বয়ং প্রহরী,
 স্বল্প ভাষে কহিলেন তিনি,—
 “হে বন্ধু, সবারে আমি চিনি,
 সুতরাং অনধিক বাক্য-ব্যয় করি’
 সিধা পড় সন্নিহিত।”

“হেন গোঙারের সাথে তর্ক করা নিরাপদ নহে,”
 চিন্তা করি’ কয়েকটি বুদ্ধ-বিড়াল,
 চ্যাংড়া বিড়ালদের ডাক দিয়া কহে,
 “প্রটেষ্ট মীটিং মোরা চল করি কাল।”

‘আরে রে আরে রে’-রবে সচকিত করি সবে
 মৃষিক-বিবরে পশি’, বাড়াইয়া ‘নেক’টি
 পার্থ দেখিল হায়, যতদূর দেখা যায়
 একটি ইছুর নাই,—ক্ষুদ্রও নাই একটি !
 মুখটি করিয়া উঁচা কহিল জনেক ছুঁচা,
 “সকল ইছুর প্রভু, খেয়ে গেছে সর্পে”
 শূন্যিয়াই অর্জুন রাগিয়া হইল খুন,
 ‘সাপই মারিব তবে’ কহিল সে দর্পে।

কিন্তু কোথায় সাপ, হায় একি পরিভাপ'
 গহ্বরে বসি বসি ভাবিলেন পার্থ,
 করি এত আয়োজন ফিরিব না-করি রণ,
 শুধু হাতে যায় নাকো ফেরা হায় আর তো !'
 নানা দিশি খোঁজ করি' জানিলেন—হরি, হরি,
 সর্পকে থাইয়াছে শ্রীগুরুড়-পক্ষী !
 বিনতার নন্দন শ্রীগুরুড় কম নন,
 বহিয়া বেড়ান পিঠে বিষ্ণু ও লক্ষ্মী ।
 গুরুড়কে ঝাটাইতে সহসা কাহারো চিতে
 সাহস হয় না বড়, লোক অতি বদ্‌ যা' ;
 অথচ কিছু না করি' ধনু-শর সম্বরি'
 অর্জুনও ফিরে যাবে—এও তারি লজ্জা !

৭

স্মৃতরাং শ্রীঅর্জুন শ্রীবিষ্ণুর দরজায় ঠক্ ঠক্ ঠক্
 করিলেন 'নক্' ।
 বিষ্ণু মানে কৃষ্ণই, (পুরাতন সখা পাণ্ডবের)
 সহসা এ আবির্ভাব হেরি অর্জুনের
 কহিলেন, “আরে,
 কোন্‌ কার্য্য-ব্যপদেশে আমার সখারে
 আসিতে হয়েছে মোর দ্বারে ?
 কেন সখা বিষণ্ণ বদন ?
 কুশলে তো আছে পৌরজন ?”
 ভূমিকা না করি' কিছু পার্থ তারে কন,

৭৫

“তোমার বাহন
পলাতক আসামীরে করিয়াছে আশ্রয় প্রদান,
চাই আমি তাহারি সন্ধান ।
না পাইলে...তুমি তো জানুই মোরে মিতা,
দ্রোণাচার্য্য শিষ্য আমি,—আছোপাস্ত বঝিয়াছি গীতা ।”
অৰ্জুনের হেরি রুষ্ট মুখ,
কৃষ্ণের মনে মনে উপজে কৌতুক !
কহিলেন, “আরে বস, টেনে নাও তাকিয়া সট্কা,
ভাল কথা, খেয়েছো ভড্কা ?
খাসা ‘রাশিয়ান্’ মাল, আনায়েছি কাল এক ‘কেস্’—
বলশেভিকি নেশা জমে দিব্য সরেস !”

কিন্তু অৰ্জুন
পৃষ্ঠে তাঁর শরপূর্ণ তুণ—
কর্ণপাত না করিয়া কহিলেন তাঁরে,
“হাগে বন্ধু বল তো আমারে
গরুড় কোথায় ?
কৃষ্ণ কন, “কি আশ্চর্য্য, কেন বল হায়
তোমাদের এ মনোবিকার !
আমাদের বাহন-শিকার-
করাই যতপি তব একমাত্র প্রেয়,
হে কৌন্তেয়,
বুঝাইয়া দেহ মোরে
কিসে চড়ে’
ত্রিভুবন করিব ভ্রমণ ?
‘টুর’ করা মোদের যে নিত্য প্রয়োজন ।
এখনি ষষ্ঠী দেবী মহা স্কোভে আসিয়াছিলেন

হস্তিনায় নাকি ভীম-সেন
সপ্ত-দশ অক্ষৌহিনী মেরেছে মার্জার !
অর্থ্যার
বিপন্ন মুখখানি ভাসিতেছে চোখে !
কুরুক্ষেত্র যুদ্ধ শেষে, ভেবেছিলাম O. K.
থাকিবে তোমরা সব, মিটেছে বিবাদ ।
এখনও যুদ্ধের হায় মেটেনি কি সাধ ?”
তখন অর্জুন তাঁরে quote করি fact ও figure
বুঝাইল, কেন তার ক্ষত্রিয়-‘ভিগার’
আলোড়িছে দশ দিক ।
আনুপূর্ব্বিক
শুনিয়া সকল কথা, কহিল কেশব,
“এসব
পাপের ফল,
আন্দোলিত তাই হায় ধর্ম্মের কল ।
যাই হোক আমাদের আত্মীয় বিহুর,
দুঃখ তার করিবই দূর ।
অর্থাৎ লম্বা এক ‘টুর’
দিব হস্তিনায়,
তুমি গিয়া থানায় থানায়
এই বার্তা করগে প্রচার ।
—গরুড়কে ঘাঁটায়ে না আর ।”

বিহ্বল-হুঃখ হ'ল বুঝি দূর,
 স্বয়ং কেশব করিছেন 'টুর'—
 হ'ল কৃতার্থ, হ'ল ভরপুর
 সর্ব্ব আধ্যাবর্ত্ত ।
 তেত্রিশ কোটি দেবতাও ঠিক
 জুটিলেন আসি কায়দা মাফিক,
 ধন্য বিহ্বল, ধন্য মৃষিক
 ধন্য রে তোর গর্ভ !

* * *

সিংহদ্বারে হস্তিনার,
 দলে দলে সারে সার
 দাঁড়াইয়া বহু লোক বাড়াইয়া গ্রীবা ;
 বাজিছে ডুবকি ঢোল,
 উঠে 'জয়' 'জয়' রোল,
 মাল্য-পতাকা লয়ে উৎসাহ কিবা !
 হস্তিনার ময়দানে বসিয়াছে সভা—
 শ্রীকৃষ্ণ সভাপতি (কানে গৌজা জবা !)
 মীটিং হইবে সুরু—অ্যাজেগু প্রস্তুত,
 হেনকালে আসি কহে বিহ্বরের দূত,
 হলে অনুমতি—
 বিহ্বল বলিতে চান সংক্ষেপে অতি
 ছ' চারিটি কথা মহাশয় ।”
 সকলে বলিয়া ওঠে, “অবশ্য, নিশ্চয় ।”

* * *

কৃতাজ্জলি, গলবস্ত্র, দেহ কম্পমান,
শঙ্কিত বিদ্বুর ধীরে হয়ে আশ্রয়ান
কহিলেন, হে কেশব রক্ষা কর মোরে,
উপকার করিও না আর দয়া করে’ ;
উপকারী-সঙ্ঘ হতে কর মোরে ত্রাণ,
আজীবন গেয়ে যাব তব জয়-গান ।”
বলিয়া, গেলেন মূর্ছা মহাত্মা-বিদ্বুর,
দিগন্তে তইল গাঢ় সন্ধ্যার সিঁছর ।

* * *

তখন হইল ঠিক—চলুক কীর্তন

অনুক্ষণ—

মূর্ছিত এ বিদ্বুরে ঘিরিয়া

ঘুরিয়া ফিরিয়া ।

—জমিয়াছে বহুবিধ পাপ

হয়ে যাক সাফ !

বেগুন ও সেগুন

১

সেগুন বেগুনে কয়, “ওলো সখি বাইগন,

এমন চেহারা তোর, মন এত যুক্ত,

লোহার কড়াতে চেপে তুই না কি শেষটা

হয়ে গেলি তরকারী—চচ্চড়ি, স্নুজো !

আমিও কি পেয়েছি রে মোর যাহা হক্ তা'
(বক বক করি খালি নিষ্ফল বক্তা !)
আমারে ধরিয়া শেষে করে দিল তত্ত্বা,
আস্বাব বানাইতে করিল নিযুক্ত ।
শ্রীহীন ছিলাম নাকি কাষ্ঠ রূপেতে সহ
'টেবিল' 'দেবরাজ' রূপে হয়েছি শ্রীযুক্ত ।”

২

বেগুন কাঁদিয়া কয়, “কি কপাল বঁধুয়া,
আমাদের দুজনের মিল কত স্পষ্ট ।
অথচ সরিষা তেল, ঠাণ্ডা বা স-ধুঁয়া
অন্তরে পশি' মম দিল কত কষ্ট !”
অমনি কহিল ‘টীক’ “ঠিক সখী ঠিক তো !
কাঁটা আর কজ্জায় মোরও হিয়া তিক্ত,
আস্বাব-রূপে মোরে করি অভিষিক্ত
'জীনিয়াস' খানা মোর করে দিল নষ্ট ।”
এই বলে শেষ করে' সপ্তম চুত্থন
উদ্ভত হইল সে আহরিতে অষ্ট !

পলিআর্টিক্যাল প্রেম

১

মোট। আর বেঁটে, কুচকুচে কালো, খোঁচা খোঁচা গোঁফ দাড়ি,
তাহাদের যবে আমল দিল না যুবতী রূপসী-নারী,
মৈলিয়া দশন জুটিল তখন পরিয়া সেলিম জুতো,
রোগা ও লম্বা ফর্সা-কান্তি কামানো যুবক-যুথ !

যুবতীরা যুহু হেসে
তাদেরও কহিল, “কঙ্কে পাবে না ! মিছিমিছি আর এসে
সময় নষ্ট করিও না রাত দিন !”
রোগা-মোটা-বেঁটে-লম্বা-কসাঁ-কালো গুঁফো-গোফহীন
চৌকর করি তর্জনী তুলি’ কহিল, আচ্ছা, বেশ !
অ্যান্টি-যুবতী মুভমেন্ট করি’ জাগাব আমরা দেশ !”

২

স্বপ্নে শুনিবু হাটে মাঠে বাটে টেঁচাইছে কংগ্রেস,
“যুবতীর মোহ আজি হতে হয় হউক বিনিঃশেষ !
চাহি নাকো ষোল, চাহি না সতেরো, চাহি না উনিশ-কুড়ি
ভাল আমাদের সেকলে ঠান্দি—পাকা, বনিয়াদি বুড়ী ।
যুবতী নয়ন শর

হইতে রক্ষা কর কর দেশ !—ধর মোহ-মুদগর !”
স্বপ্নে দেখিবু, লজ্জকে যুবকদল
বুড়ীদের সাথে প্রণয় করিয়া ঘামিছে অনর্গল !
এবং ভাবিছে স্বদেশের তরে মহাত্যাগ করিয়াছে,
প্রণয় ব্যাপারে যুবতী ছাড়িয়া বৃদ্ধারে বরিয়াছে ! ✓

৩

কিন্তু হায়রে জব্দ হল না চপল যুবতীদল,
প্রতিটি অঙ্গে আছে যে তাদের মনোহরণের ছল !
মনের মানুষ আসিল তাদের রঙীন ফানুসে ছলে
তথী নয়ন-বহ্নিতে প্রাণ সঁপিতে সকল ভুলে !

৮১

হুজুকে যুবকগণ

জীর্ণ বুড়ির শীর্ণ গালেতে যত করে চুম্বন,

কিছুতেই যেন জমেনা প্রণয় হয় !

হৃদয় তাদের যুবতীরই পায়ে লুটায় পড়িতে চায় ।

অমনি আসিয়া ঠান্দির দল—অহিংসা ঠোনা তুলি

চুম্বুড়ি দিয়া শোনায়ে তাদের গীতার মামুলি বুলি ।

* * * *

ঘুম ভেঙ্গে দেখি ঘামে ভিজি গেছে খদরের ফতুয়াটি

পকেটেতে ছিল কাঁচি-সিগারেট তাও হয়ে গেছে মাটি !

তবু ধরাইয়া তাই

স্বপনের কথা ভাবিতে ভাবিতে তুলিতে লাগিলু হাই !

বরষা বিদ্রু

১

গগন ছাইল মেঘে, পবন বহিছে বেগে,

আসরেতে নেমেছে আষাঢ় ।

গুরু গরজন হয় মনেতে ঘনায় ভয়,

ওদিকে যে আমার বাসার

চালেতে নাহিক খড়, বৈশাখীর কাল ঝড়

করে গেছে সেথা মহারণ,

ঘরেতে ঢুকিবে জল, বাতায়ন অনর্গল,

প্রাচীরেও ধরেছে ভাঙন !

পাশেই পুকুর-পানা উপচিয়া তার কানা

আসিবে যা' নহে তা' অমিয়

পাড়াগায়ে করি বাস, না করিয়া পরিহাস
ওহে বন্ধু, আমারে ক্ষমিও ।
ডেলি-প্যাসেঞ্জার ভাই, চাকুরি করিয়া খাই
মাহিনাও গিয়াছে কমিয়া,
আষাঢ়ের সমাগমে ওরে ভাই, তাই ক্রমে
অতিশয় গিয়াছি দমিয়া ।

কালিদাস পড়িয়াছি, এম-এ পাশ করিয়াছি,
জানি বর্ষা মঙ্গলের গান ;
আষাঢ়ের মেঘোৎসবে অশনির ঘন রবে
প্রাণও মোর করে আনচান ।
কিন্তু সে-ভাবে নয়, যে-ভাবে করিলে হয়
সুমার্জিত কবিতা পোষাকী—
তেরি ঘোর মেঘোদয় প্রেম নয়, জাগে ভয়,
কত সখা, করিছ গোসা কি ?
ইন্দ্রনীল মণিময় শৈল বিহারিণী নয়,
কেরানী ঘরগী মোর প্রিয়া
নাহি লীলা-শতদল (শতমুখী তার বল !)
কভু বাম পদাঘাত দিয়া
ফোটায়নি অশোকেরে, সোহাগিয়া বকুলেরে
মুখমদে করেনি বিকাশ ।
খায় দায় চুল বাঁধে ছেলে পোষে ভাত রাঁধে
অশ্রুখেতে ভোগে বারমাস !
আসন্ন-প্রসবা প্রিয়া সাতটি সন্ততি নিয়া,
বক্ষে বহি ছুঃখ অগণন,

যে ভাবে কাটায় কাল তার ছন্দ লয় তাল
মেষদৃতে করেনি বর্ণন !
প্রেমসীর কথা স্মরি' মরমে যেতেছি মরি,
হয়ত সে এতখন উঠে
ভারাক্রান্ত দেহটারে আশ্ফালিয়া চাରିধারে
ছুটে ছুটে সামালিছে ঘূঁটে ।

2

আকাশে ঘনায় মেঘ কমিছে ট্রেনের বেগ
‘মশাগ্রাম’ পড়িল আসিয়া,
ছুটি ক্রোশ এ বাদলে যেতে হবে পায়দলে
তবে বাড়ী পঁছছিব গিয়া ।
ষ্টেশন হইয়া পার দেখিলাম আঁধিয়ার
চারিধার কালো মেঘে ঢাকা,
ক্ষেত-ভরা কচি ধান করে যেন ধারা-স্নান
মেলিয়া সবুজ কচি পাখা ।
দেখি কিছু দূর গিয়া উঠিয়াছে শিহরিয়া,
কদম্ব তরুটি ফুলে ফুলে,
কেতকী সুরভি নিয়া বায়ু বহে পূরবীয়া
বাঁশবন ওঠে ছলে ছলে,
আঁধার ঘনায়ে আসে ঝিল্লীরব আশে পাশে,
ডাকে দূরে উন্মাদ দাছুরী,
সামালিয়া সিন্ত বাসে মোরে হেরি মুছ হাসে
ছুটে চলে খোপানী ‘আছুরী’
বোঝাটি বহিয়া তার, পিছু ফিরে আর-বার
মোর পানে দেখিল তাকায়ে,

আকাশে বিজলী-রেখা কালো মেঘে কি যে লেখা
 লিখে গেল আঁকায়ে বাঁকায়ে !
 আনিতে ভুলেছি ছাতা, চলিয়াছি খালিমাথা,
 জল ঝরে মুঘল-ধারায় ;
 ধুয়ে মুছে গেল সব মনে হল কি উৎসব
 —কেরানীরও পরাণ হারায় !
 মনে হল দারিদ্র্যের ‘চিত্রকূটে’, বিরহের
 তমসায় রয়েছি একাকী ;
 আষাঢ়ের মুগ্ধ হিয়া পড়িতেছে বিগলিয়া
 দয়িতার মিলিবে দেখা কি ?
 সহসা পড়িল মনে যৌবনের শুভক্ষণে,
 একদিন মেঘের আশায়
 কবি সত্যেন্দ্রের সাথে গলা মিলাইয়া ছাতে,
 আমাদের মেসের বাসায়
 ঢালি দিয়া প্রাণ-মন ‘যক্ষের নিবেদন’
 তারস্বরে করেছিছু পাঠ

“পিঙ্গল বিহ্বল ব্যথিত নভতল কই গো কই মেঘ উদয় হও,
 সন্ধ্যার তন্দ্রায় মুরতি ধবি আজ, মস্ত-মস্তর বচন কও !”

একদিন এ কবিতা স্বপ্নময় প্রথম যৌবনে
 বহু বর্ষ আগে,
 উদ্বোধিত করেছিল উচ্ছ্বসিত কত আকুলতা
 মুগ্ধ অমুরাগে ।
 ব্যথিত গগন ‘পরে বিছাইয়া শ্যামস্নেহ-স্তর
 আজিও এসেছে ওই আষাঢ়ের নব জলধর
 দিগন্ত ব্যাপিয়া

কেতকী-কদম্ব বনে আজও দেখি আমার অন্তর
মরিছে কাঁপিয়া !

রিম্‌ বিম্‌ রিম্‌ বিম্‌ রিম্‌ বিম্‌ রিম্‌ বিম্‌
ধ্বনিতেছে বর্ষণের সুর,
পারাইয়া মাঠ বন চলিয়াছি আনমন
অলকাপুরী সে কত দূর ?

“অগ্নি ব্‌ দেখে—”

১

তৃষ্ণায় ছাতি ফাটে কই জল, কোথা জল
কোথাও যে নাই জল-বিন্দু,
শূন্য যে খাল বিল, শূন্য ইঁদারা কল,
শূন্য যে নদী নদ সিঞ্চু !

‘সুজলা মোদের দেশ’
মুখস্থ ছিল বেশ
তৃষ্ণার বেলা দেখি সব জল নিঃশেষ !
আছে নাকি কিছু হয়
করিমেব বদনায়
আমাবে দিবে না, আমি হিন্দু !

২

দীর্ঘি সে লজ্জাবতী পানার বোখা দিয়া
ঢাকিয়াছে ঘোলাটে সে রংকে,
কিন্তু তা’-বলে’ তা’রে ভেবো না নিঠুর-হিয়া,
শুনিয়াছি নাকি তার অঙ্কে

মশকের 'লারভা'রা
পাইয়াছে ঠাঁই তারা ;
পলাতক পিতামাতা, কচি কচি অনাথরা
দীঘির অনাথালয়ে
উঠিতেছে বড় হয়ে
শ্রাওলার ঘন মেহ-পঙ্কে !

৩

বলেছিল দেশ-নেতা—“কোথায় পাইবে জল ?
বড়লোকে শুষে নিল দেশটা,
সেমিজ, পাজামা, ধূতি কাচিছে খুলিয়া কল !
কিছু যা-ও বাকী ছিল শেষটা
শিশি হাতে ডাক্তার
এসে নিল ভাগ তার,
পুরাইতে বড় বড় ওষুধের দাগ তার !
রাস্তায় ঢালে জল
নহিলে 'কার' অচল,
চটে যায় বিষ্ট, ও কেঁপে !”

৪

গেলাম নেতার কাছে, কহিলাম, “আসিয়াছি
হে দেবতা, বহু দুখ ভুঞ্জি’—
বাণী শুনে এতকাল বড় ভালবাসিয়াছি
ওগো করুণার চেরাপুঞ্জী,

শুরু কর ধারাপাত
সারাদিন সারারাত
তৃষ্ণায় ছাতি ফাটে কর কর দুক্পাত !
ভারতের গৌরব,
তুমি নাকি পার সব
এই কথা ক্রমাগত শুন্‌চি !”

৫

কহিলেন নেতা হেসে—“ভাল করিয়াছ এসে
সত্যই বড় জলকষ্ট !
বরাবর বলিয়াছি ও পোড়া বাঙলা দেশে
সকলেই করে জল নষ্ট !

দেখিতেছি সত্যই
তুমি তৃষ্ণার্ভুই
কিন্তু বাঙালী ভাই, মোর কাছে জল কই ?
অল্পই আছে যাহা
পারিবনা দিতে তাহা
কারণটা বলি শোন পষ্ট ।

৬

হাড়িদের মেথরের বাগ্‌দি ও মুচিদের
গায়েতে হয়েছে এত গন্ধ
বুকে টেনে নিতে বাধে সাস্বিক ও শুচিদের
রুমালেও করি নাক বন্ধ ।

ময়লা যে চাপ-চাপ
(—বিধাতার অভিশাপ !)
শপথ করেছি আমি করিবই তাহা সাফ,
আটা ও রুমাল বেচে
সাগর এনেছি সেচে
সাবানও জোটেনি কিছু মন্দ !

৭

আমার যা জল তাহা ‘রিজার্ভ’, পারি না দিতে
হে তৃষিত, করিওনা দুঃখ ।
খেজুর পাইতে পার যদি তাহা চাও নিতে
হয়তো লাগিবে কিছু রুক্ষ !

খাও যদি খজুরই
‘রিলেটিভিটি’তে মুড়ি
বুঝিবে তখন তুমি কেউ নাই ওর জুড়ি !
বিশেষ তফাৎ নাই
জলে ও খেজুরে ভাই,
চিন্তা করিয়া দেখ সূক্ষ্ম !”

৮

কহিলাম, “দাও দাও—জয় তব জয় হোক
কোথায় খেজুর কই—কোনটা ?”
সত্য না স্বপ্ন এ ? ইহ না এ পরলোক ?
প্রলাপ কি বকিতেছে মনটা ?

৮৯

—কিংবা এ শুধু তার
তৃষ্ণায় হাহাকার,
পিপাসার জল চায় বৃকে বসি সাহারার !
সহসা ঝাঁখির জল
ঝরিল অনর্গল
খেয়ে দেখি তা-ও হায় লোন্টা !

মাসের পয়লা
নিজেরে বুঝিয়ে বলি—ওরে শোন শোন
এ যে তোর সৃষ্টিছাড়া পণ !
নাগালেতে নাই যাহা কেমনে তা পাবি—
এ যে তোর অসম্ভব দাবী !
ঘন গাঢ় দানাদার খাঁটি ভালবাসা
পেতে তোর আশা !
তুই চাস্, পৃথিবীর জীবন-যাপন
হোক শুধু একখানি রাগিণীর মধু-আলাপন !
একখানি বিবাহ করিয়া
‘রোমান্স’ করিতে চাস্, জীবন ভরিয়া !
তুই চাস্, তুহার বনিতা,
নানাবিধ করিয়া ভনিতা,
কখনও প্রেয়সী বেশে,—কখনো বা পাচিকা সাজিয়া
হিসাব রাখিয়া কভু, কখনো বা বাসন মাজিয়া,
জীর্ণ দেহটারে তার ইক্ষুসম নিঙাড়িয়া দিক্ !

কখনো বা ফুর্সৎ মাফিক
গাহিয়া নাচিয়া
নিত্য তোর চিত্ত হতে ফেলুক চাঁছিয়া
সর্ববিধ সকল ময়লা !
মাহিনা মিলেছে আজ মাসের পয়লা,
সুতরাং ঝোলা গোঁফে তা'দিয়া ছুবার,
মানি আমি, চিত্ত তোর হয়েছে ছুবার
চন্দ্রালোকে,—ক্ষণিক উচ্চাশে
সফেন উচ্ছ্বাসে !
এও মানি হায়,
ছ' 'পেগ্' টানিলে পরে—(বিশেষতঃ পরের টাকায় !)
মন হয়ে ওঠে 'দিল'—চক্ষু হয় 'ঐশি'
রঙীন-কাপড়-পরা যে-কোনো রমণী হয় সাকী
আপনারে মনে হয় যেন কোন অবজ্ঞাত hero !
হিটলার, মুসোলিনি, নাদির চেঙ্গীজ কিংবা Nero,
কৃষ্ণ, বুদ্ধ, যিশু,
মনে হয় মোর কাছে নাবালক শিশু !

প্রাণ মোর আকাশেতে উড়ে যেতে চায়,
যে আকাশে হায়
সূর্য্য নাই, চন্দ্র নাই, নাই গ্রহ তারা,
কেহ নাই শুধু আমি ছাড়া !
কিন্তু হায় বৃথা তুই মরিস কাঁদিয়া
দড়াদড়ি দিয়া তোরে রেখেছে বাঁধিয়া !
অন্তরস্থ ভুখা ভগবান
মাগে পরিত্রাণ !

পাছে করে পলায়ন, চারিদিকে তাই
 দারা-পুত্র-পরিজন, মাসি পিসি, ভাগিনা ও ভাই
 সারি সারি রচিয়াছে ব্যূহ ।
 ভুলে যাই আমি সেই কেনারাম গুহ,
 কাজ করি 'মেকেঞ্জি লায়েলে'
 সাহেব ধমকায় মোরে ন'টায় না এলে !"
 বুঝিয়ে মনেরে বলি—"বুঝি আমি সব,
 কিন্তু ওরে যাহা অসম্ভব
 হয় তাকি কভু ?"
 মৌন রহি ক্ষণকাল, মন বলে, "বুঝি সব ; তবু—"
 স্মৃতরাং বন্ধা আলাগা করি কল্লনার
 গিরিদরি মাঠ-বন হইলাম পার ।

* * *

নন্দন কাননে বসি কোলে করি উর্বশী
 শুকিতেছিলাম পারিজাত ;
 অঙ্গুরীরা গাহে গান মন্দাকিনী কলতান
 ধীরে ধীরে করে তারি সাথ ।
 উর্বশী হাসিয়া কহে, "ওহে সখা কহ ত হে,
 পদ্মার ইলিশ মাছ নাকি
 সুধা হতে মিষ্টতর, তা হতে উৎকৃষ্টতর
 নাই কোনো কীট পশু পাখী !
 স্মৃতরাং খেতে চাই কহ, নাথ, কোথা পাই ?"
 শোনামাত্র তখনি ছুটিয়া
 শিয়ালদহতে গিয়া ভাল ছ'টি মাছ নিয়া
 নিজ হস্তে দিলাম কুটিয়া ।

মেলি কুন্দ-দন্ত-রাজি উর্বরশী ফেলিল ভাজি',
মেনকা ও রস্তারে ডাকিয়া
প্রেম-গদগদ-মুখে খাইতে লাগিল সুখে
রসাৰেণে চাখিয়া চাখিয়া ।

* * * *

সহসা রস্তা তুলিলেন সুর,
“আমি প্রিয়তম খাব চানাচুর,
কখনো খাইনি, এ ছুঃখ দূর
কর গো !

টানি পুনরায় পিরীতির জের
কিনিয়া আনিয়া চানাচুর ফের
কহি রস্তারে “তব ছুঃখের
অবসান হোক—ধর গো !”

* * * *

মেনকা কহিল সলাজ হাসিয়া,
‘আমি যাহা চাই দিবে কি ?
আপনারে আমি দিতে চাই সখা
নিবে কি ?

স্নেহে ও সোহাগে নিজেই ছানিয়া
দিতে চাই তব চরণে আনিয়া
বঙ্গদেশের হে মহামানব,
হে ব্রহ্মচারী বিবেকী !
মোরে নিবে কি ?

* * * *

চুস্বন করিয়া মোরে মেনকা সুন্দরী
বারম্বার কর্ণমূলে কহিল গুঞ্জরি’,

“হে বাঙালী ।
আমি ভিখারিণী তব—প্রেমের কাঙালী !
ফিরায়ে না, লহ সখা, রাখ মোরে পায়ে ।”
সহসা হইল মনে, মেনকার গায়ে
কুকুরের গন্ধ কেন ছাড়িছে বেজায় !
কাছে টেকা দায় !
...আরে মোলো,—গোঁফ চাটে কেন ?
প্রণয়ের নিদর্শন হেন
মেলেনি কোথাও ।
“পাপিয়সি,—দূরে সরে যাও ।”
বলে’ যেই মেনকারে ঠেলে দিলু দূরে
কেঁউ কেঁউ কেঁউ কেঁউ—সকরণ সুরে
স্বপন টুটিল মোর ; দেখিলাম হায়
পড়ে আছি একেবারে ডেনের তলায় !

অসুখ্যাব

১

কনক বরণ পরম কাস্তি
তপন উঠিল ভোরে ;
সোনালি সোহাগে স্বপন স্নায়ে
কহিতে লাগিল মোরে

“সন্ধ্যা-উষার রক্তিম রাগে
গানেতে গলিয়া পড়িতে যে আগে
সেই মন তব হরণ করিল
কহ, কোন মন-চোরে ?”

২

সারাটি ভুবনে জ্যোছনা ছড়িয়ে
সুদূর গগনে বসি’
হাসিয়া হাসিয়া কহিল একদা
নিশীথ রাতের শশী ;

“ওগো পৃথিবীর খেয়ালিয়া কবি,
আমার কথা কি ভুলিয়াছ সবি ?
আমারে ঘেরিয়া ছন্দ তোমার
ওঠেনা তো উচ্ছ্বসি !”

৩

অভিমান ভরে মাথা দোলাইয়া
কহিল গাছের ফুল—
“আমারে যে আগে ভালোবেসেছিলে,
করেছিলে সে কি ভুল ?

কুঞ্জে কাননে তেমনি করিয়া
নিতি নিতি ফুটে যাই যে ঝরিয়া,
তুমি তো আস না আর তো তেমন
তন্ময় ভাবাকুল !”

লুটি' নীপবন কহে সমীরণ,
 “কই কবি তব বাঁশী
 বাজাও না কেন ? ফুরায়ে গেল যে
 বকুল ফুলের হাসি !”

কহে রূপসীর কাজল নয়ন,
 “আমার মনের রঙীন স্বপন
 আর তো দাও না ছন্দে ছন্দে
 কবিতায় পরকাশি’ !”

আমি ভাবিতেছি একি জ্বালাতন
 এ কি মহা জঞ্জাল !
 আমার মাঝারে কবি যে আছিল
 মারা গেছে বহুকাল !

সেই স্নকুমার তরুণ কিশোর,
 চিহ্নও তার নাই মনে মোর
 ভূসির দালালি করিয়া বেড়াই
 আমি রামধন পাল ।

বিদগ্ধ

লইয়া বিক্ষত পৃষ্ঠ বিমর্দিত শ্রবণ-যুগল,
ধারাপাত সিক্ত করি বিগলিত অশ্রু-ধারাপাতে
কত কিছু শিখিলাম ! ইতিহাস, গণিত, ভূগোল,
সাহিত্য ও স্বাস্থ্য-পাঠ দণ্ডধারী পণ্ডিতের হাতে !

‘প্রবেশিকা’ সীমা-রেখা অতিক্রমি’ পিতৃ-পুণ্যফলে
‘নলেজ’-লোলুপ হয়ে উত্তরিমু কলেজ-প্রাসাদে ;
নানাবিধ ভাব সেথা জুটিয়া কহিল দলে দলে,
“মস্তিষ্ক-কোটরে ওরে অবিলম্বে মোদের বাসা দে ।”

আমি অতি ক্ষুদ্র নর—ক্ষুদ্রতর মস্তিষ্ক আমার,
তারি মাঝে ভাব-বৃন্দ বসিলেন গাদাগাদি করি ;
চকিতে ফলিল ফল !—বুক ফাঁক হইল জামার,
পাছুকার চাকচিক্যে দর্পণ কহিল, মরি মরি !

দেশ-প্রেম, রুষ-প্রেম, চর্চা করি নানারূপ প্রেম
রাজা ও উজির কত মারিতেছি হ’য়ে এক জোট ;
সহসা মরিল পিতা ! সঙ্গে সঙ্গে এবং (ও, শেষ !)
পরীক্ষায় ফেল করি’ পাইলাম নিদারুণ চোট !

ক্রমশঃ বুঝিতে হ'ল মিথ্যা মায়া প্রেম জামা জুতা
পিওনের ঘন ঘন আনাগোনা থেমে গেল সব ;
চতুর্দিক হ'তে লভি' বহুবিধ উপদেশ-গুণিতা
'নোট'-ভেলা 'পরে চড়ি' পারাইলু পরীক্ষা-অর্ণব !

অর্ণব হইয়া পার দেখিতেছি ধু ধু বালুরাশি
শ্রম-ক্লিষ্ট দেহ হায় মাগিতেছে ক্ষুধার খাবার,
শিরোপরে ভাব-গুচ্ছ (কলেজে যা জুটেছিল আসি')
দ্বীপবাসী বৃদ্ধ সম তাড়না করিছে বারম্বার ।

সিন্দবাদ সম মোর নাহি বীৰ্য্য নাহি বুদ্ধি বল,
ভাব ভাবনার ভার বহিতেছি পিঠে চিরকাল ;
ক্ষুধা-খিন্ন দুর্বলের একমাত্র ডিগ্রীটি সম্বল
তাই লয়ে খুঁজিতেছি 'wanted' সন্ধ্যা ও সকাল ।

শালা

সামান্য মনুষ্য নহ, নহ শুধু গৃহিণীর ভ্রাতা,
হে শ্যালক, হে স্বভাব-শালা,
বঙ্গদেশে বহু বেশে বহুবার দেখেছি তোমারে
রচিয়াছি তব জয়-মালা ।

বহুবার করে গেছ অকিঞ্চন-চিন্তা পরশন
সভামঞ্চে নেতৃবেশে, হে শ্যালক, সৌম্যদরশন,

প্রাণের আবেগে যবে বক্তৃতা করেছ বরষণ
সে বাণীর জ্বালা
বহু করতালি যোগে প্রাণ মন করি ধরষণ
কর্ণ-ভূটি করিয়াছে কালা !
হে শ্যালক হে স্বদেশী শালা ॥

কখনও শূষ্ক-গুম্ফে আবরিয়া ও চাঁদবদন,
জটা-মৌলি গুরু-বেশে অঙ্গে দেছ গৈরিক বসন,
(নির্ভেক নির্ভীক কভু !) সান্নিধ্যহে ভক্তের সদন
করিতেছ আলা
আত্মার অঙ্গুষ্ঠ রূপ, গীতা, গান, বিজ্ঞান-বচন,
বিতরিছ উপদেশ-মালা,
হে শ্যালক, হে ধার্মিক শালা ॥

কুর্দনে, নর্তনে, লাশ্বে লক্ষজনে লাগাইয়া তাক্
কখনো সিনেমা-পটে, হে বসিক, সভঙ্গী সবাক্
গুণ্ডা-বেশে, কবি-বেশে, কাঁপাইছ সেই চোখ নাক
একই ছাঁচে ঢালা !
পিতৃধন ধ্বংস করি' ছাত্র-ছাত্রী দেখিছে অবাক;
নাবালকে ভাঙিতেছে তালা,
হে শ্যালক, হে আর্টিষ্ট শালা ॥

উৎসর্গিয়া আপনারে কখনও বা শিল্প-পাদ-মূলে
বৃষোৎসর্গ শ্রাদ্ধ তার সমাপিছ সর্ব্ব-দ্বিধা ভুলে ।
সার্থক ধরেছ তুলি ! ক্রমাগত রং গুলে গুলে
হে শিল্প দুলালা,

কণ্ঠ-উন্মাদনা আন্দোলিয়া তুলিতে অঙ্গুলে
আঁকিছ নিতম্ব- স্তন-মালা !
হে শ্যালক, হে পটুয়া শালা ॥

নির্লিপ্ত উদো-র পিণ্ড গিলাইয়া সম্বস্ত বুধোরে
সাহিত্য রচনা করি' শুনাও তা ক্ষেপ্তি বা ভুতোরে ;
কোটর-প্রবিষ্ট আখি, গামছা-বাধা ক্ষুধার্ত উদরে,
রসনায় লালা !
কণ্টিনেণ্টালি ঢঙে ডাক দাও কামারে, ছুতোরে,
বক্ষে চাপি ধর বস্তি-বালা !
হে শ্যালক, হে বাস্তব শালা ॥

কখনও উকীল বেশ ! (মুর্থ জনে কহিবে বঞ্চক !)
অনর্থ-কে অর্থ-যোগে নানা সর্ভে করিছ সার্থক !
কখনও দালাল তুমি, কখনও বা মহা চিকিৎসক
কভু বাড়ী-বালা,
কংগ্রেসে, মন্দিরে, মঠে, সর্ব্ব ঘটে হে পরম বক
নানা পুম্পে ভরিতেছ ডালা !
হে শ্যালক, হে শিকারী শালা ॥

অনবত্ত তব কণ্ঠ কভু গুনি বিচিত্র ভঙ্গীতে
বেতারে, বৈঠকে, মাঠে, সভাস্থলে, রেকর্ড-সঙ্গীতে ;
কর্ণের পটহ ভেদি' ধৈর্য্যসীমা চাহে যে লজ্জিতে,
প্রাণ ঝালাপালা ।
শ্মশানে, মশানে, রণে, পরাজয়ে, বিজয়ে, সন্ধিতে,

চলিয়াছে বেমুরো বেতালা,
হে শ্যালক, হে ওস্তাদ শালা ॥

হে মোর আসল শালা, হে প্রকৃত, নির্জলা, নির্ধাৎ
তোমারে বলিনি কিছু (ভাষা খুঁজে পাইনি অর্থাৎ),
ভাবিলেই তব কথা শিরে রক্ত চড়ে অকস্মাৎ,
অঙ্গে ধরে জ্বালা,
জুতা হস্তে ছুটে যাই ! কাছে গেলে শিথিল সে হাত,
মুখে তব মধু হাসি ঢালা !
হে শ্যালক, হে আদৎ শালা ॥

দেশের দেশের অর্থ শত হস্তে করিয়া লুণ্ঠন,
ভব্যতারে নগ্ন করি' সভ্যতার খুলিয়া গুণ্ঠন,
কড় হাস, কড় কঁাদ, কড় তব মুহূল কুহন
একই সুরে ঢালা ।
“অর্থ চাই, অর্থ চাই, বুদ্ধি চাই, ওহে জনগণ,
তৃপ্তি নাই, আনন্দ ছালা ছালা !”
হে শ্যালক, হে কৌশলী শালা ॥

অপরিচয়ের মাঝে থাকো তুমি অ-শ্যালক বেশে,
ঘনিষ্ঠ হলেই তব শালা-মূর্তি বাহিরায় এসে ।
আত্ম-বন্ধু-পরিজন কাছে গিয়ে দেখি, হায় শেষে
শালা—সব শালা !
দিন যায় ক্রমে দেখি শালা-সাগরেতে এসে মেশে
ছনিয়ার যত নদী নালা—
হে শ্যালক, হে অনন্ত শালা ॥

সেকালিনী

চৈত্র মাসেতে হায় প্রবাসীর পাতাতে
শ্রীমতী অপরাজিতা নানা ছুতা-নাতাতে
কবিগুরু রবিদা'কে হাত-মুখ নাড়িয়া
দেখিতেছি ফেলেছেন একেবারে পাড়িয়া !
যদিও বয়স তাঁর সন্তর পারায়ে
বুদ্ধিটা একেবারে যায় নি তো হারায়ে !
নাৎনীর কাছে তাই নানা রসে রসিয়া
হার মেনে কর-জোড়ে পড়েছেন বসিয়া ।
'শিভাল্লুরি' এরে যদি নাহি চাহ বলিতে,
বলিও না !—সব কিছু হতে পারে কলিতে !

কিন্তু শ্রীমতী তুমি ভাবিও না তা' বলে
ভুলাইবে আমারেও আবোলে বা তাবোলে,
আমার বয়স আজও তিরিশের কোঠাতে
(সুরু করিয়াছি সবে কিঞ্চিৎ মোটাতে !)
বুদ্ধিও হয়ত বা নয় খুব তীক্ষ্ণ,
তবুও বুঝিতে এটা হয়নি তো বিদ্ব—
এ-কালিনী নহ নহ, তুমি সেকালিনী গো
স্বামী সহধর্মিণী, তনয়-পালিনী গো !
অবশ্য এ কালের হাব-ভাব ফ্যাশনে
আয়ত্ত করিয়াছ প্রাণপণ প্যাশনে !

কবিতা লিখিতে চাও—যোগ দাও তর্কে
ফুলুরি হয়ত খাও বিঁধে বিঁধে ‘ফর্কে’ ;
স্কাট-পাড়-শাড়ী তব নানাবিধ কোঁচেতে
রমণীয় ভাবে আঁটা কমনীয় ব্রোচেতে,
চা-পানি বানাতে পার জাপানীয় কাঁচেতে
খদরি ব্লাউস্ পর লগুনি ধাঁচেতে ।
এরোপ্পেনে যদি চড়, পাঁজি দেখে চড় গো
মনে সদা ভয়-ভয়, সদা পড়-পড় গো !
হয়তো বা ড্রাইভারে বল নাকো ‘থাম্ থাম্’
মনে মনে অবিরত জপিতেছ রাম নাম ।

এ-কালিনী হতে যদি পাকা-পাকি ওজনে
বিলাসে, ব্যাসনে, বেগে, বিহারে বা ভোজনে ;
তাহাদের মত যদি থাকিত সে ‘ড্যাশ’টা
যার বলে তারা এই পৃথিবীর ব্যাসটা
বেদ-ব্যাসের কোন বিধান না জানিয়াই
পার হয়ে যেতে চায়, নানা বাধা মানিয়াই ।
গোল্লায় যেতে পারে—যেতে চায় ‘মাসে’
উদাসিনী বসে থাকে অচেনার পার্শ্বে ।
রবিবারে ভালবাসে প্রাণ দিয়া যাহারে
সোমবারে হাসিমুখে ত্যাগ করে তাহারে !
এ-কালিনী হতে যদি চিন্তার জগতে
রবিদা’র পাওনাটা মিটাইতে নগদে ।
পুরাতন নজীরের জের টেনে আনিয়া
সেকালের সেই পচা-কাহিনীকে টানিয়া

দেখাতে না একালের-সেকালের মিল গো,
এ-কালিনী শোনে যদি হয়ে যাবে নীল গো ।

এ-কালিনী সেকালের তোয়াকা রাখে না
মিল যদি থাকে থাক, সেটা গায়ে মাখে না !
অন্ততঃ তাই নিয়ে বাজায় না ঢাকটা
এ-কালের গর্বেই উচু তার নাকটা !
“আমি ত সেকলে নই !”—এই তার গর্ব
তুমি সেটা শেষকালে করে দিলে খর্ব ।
সেকালের মত যদি একালের জগতই
‘প্রগতি’ বলিছ কেন ? বল তবে ‘অগতি’ !
সেকালের দোহাইটা মিছে পেড়ে, উতলে,
এ-কালিনী শালীনতা লুটাইলে ভুতলে !
মনে হয় তাই তুমি একালিনী নহ গো
সেকালের গৌরব আজও বৃকে বহ গো !

এ-কালিনী সকলেরে করেন না বিধি যে,
অধিকাংশই হয় পিসি মাসী, দিদি যে !
এবং বাঁচোয়া সেটা ! অন্ততঃ আমাদের
অর্থাৎ Dick-Tom. যত্ন-রামা-শ্যামাদের ।
এ-কালিনী রমণীরে সিনেমা বা নাটকে,
যুদ্ধের শিবিরে বা রাশিয়ার ফাটকে
দেখিয়া তৃপ্ত হব, দিব হাততালিও ;
ঘরেতে কিন্তু চাই সে পুরাকালীয়

রাগে অমুরাগে ভরা অঙ্গন-লক্ষ্মী
আধুনিক ডিম্বিতে সনাতন পক্ষী !

স্মৃতরাং এই তব অতীত-প্রশান্তি
আনিয়া দিয়াছে মনে শান্তি ও স্বস্তি ;
খুশী আছি এই ভেবে আমাদের দেশেতে
দিদিমারা বেঁচে আছে নাৎনীর বেশেতে ।

বাম্মাবি

সে যেন সঞ্চিত ধন অদৃষ্ট যক্ষের !
পুত্র যেন তৃতীয় পক্ষের
বৃদ্ধ বিধাতার ।
স্মৃতরাং তার -
দেশ যেন স্বর্গভূমি । যদিও তা মর্ত্যেতে বিরাজে,
ধন-ধাত্ত-পুষ্পে ভরা বনুন্ধরা মাঝে
শ্রেষ্ঠতম তব তাহা ;
বুলবুল, পিউ-কাঁছা,
পিক, দহিয়াল,
কুঞ্জে কুঞ্জে মুখরিয়া বকুল, পিয়াল,

হারায়ৈ সস্বিৎ
 ক্রমাগত গাহিছে সঙ্গীত !
 পুঞ্জ পুঞ্জ অলি
 ক্রমাগত পুষ্প 'পরে পড়িতেছে ঢলি
 কিছু না মানিয়া ;
 আশ্চর্য্য ! অভূতপূর্ব্ব ! কবিকণ্ঠ কহে বাথানিয়া
 মাতৃবক্ষে সে দেশেতে বিশেষ করিয়া
 স্নেহ দিয়াছেন বিধি ভরিয়া ভরিয়া
 সে দেশের ভাই,
 নাহি তারো কোনো তুলনাই ।
 সে দেশের নদীনদ সাপ ছুছন্দর
 সমস্ত সুন্দর ।
 তা লয়ে 'কোরাস্' ধরি উদ্বেলিত হৃদয়ে উদ্ভাছ
 ভগ্ন-কণ্ঠ হল শত শর্গা, সেন, সাছ ।
 বিশীর্ণ যদিও দেহ—কিন্তু ওগো সেই অমুপাতে
 অন্তর যে পূর্ণ তার নানা অজুহাতে ।
 চক্ষু দিয়া গ্রাস করে ছাপার অক্ষরে
 এবং বিশ্বাস করি পায় সে মোক্ষরে
 মানে সে 'মোক্ষম্'
 ম্যালেরিয়া, T. B. দেহে, মন তার নহে তো অক্ষম !
 বিচিত্র সাধনা ;
 লক্ষ্মীরে কামনা করে ভারতীর করি' আরাধনা,
 ভারতীও অপরূপা, সাদাসিধা নহে বীণাপাণি,
 নহে তা কমল-বন-বাণী ।
 হস্তে নাহি বীণা ;
 ছিন্নমস্তা মূর্ত্তি তার—মাথায়ুগ্ৰহীনা !

আপন শোণিত পিয়া
 তাথিয়া তাথিয়া
 নৃত্য করে উন্মাদিনী ; তারি চারি পাশে
 লক্ষ্মীরে কামনা করি ভারতীর অর্থ্য বহি আসে
 মুঞ্চ লুক্ক ভক্ত বৃন্দ যত
 আয়ত্তি করিয়া নিত্য পুঁথিগত মন্ত্ৰ শত শত !
 নাহি তার মহিমার সীমা
 জানে তাহা যে-কোনো পিসীমা !
 'মেকলে' পারেনি তাহা কিছুতে কমাতে,
 মিস্ মেয়ো, পারেনি দমাতে !
 সঙ্গে সঙ্গে উত্তর সে করিয়া প্রদান
 করেছে প্রমাণ
 তাহার মহজ্জাতি ।—আর্য্য-গৰ্ব্ব উত্তরাধিকারী
 সাক্ষী তার আছে সারি সারি
 অতীতের বনিয়াদে পৌঁতা
 সকলের থোঁতা যুথ হয়ে গেছে ভোঁতা !
 অন্তরে ঐশ্বর্য্য তার—বাহিরে সে যদিও কাঙালী ।
 নাম কি বাঙালী ?

* *

সে যেন সাঁতারু বীর নিতান্ত নির্ভীক
 অপার জলধি বক্ষে সাঁতারিয়া চলিয়াছে ঠিক ।
 চলিয়াছে সোজা
 পৃষ্ঠে বহি গুরুতর বোঝা
 বিরাট সংসার !
 ছেলে মেয়ে বউ বোন মাসি পিসি সব সারে সার

সানন্দে বসিয়া আছে তুলসীয়ে চরণ,
সীতারু চলেছে সোজা তুচ্ছ করি জীবন মরণ !
কেহ তারে দেয় না রেহাই ।
আসে রোগ, আসে 'বিল', আসেন বেহাই
মাঝে মাঝে নামে অকস্মাৎ,
মনিবের রুদ্র পদাঘাত ।
নামে বারম্বার
যুযুধান রুষ্ঠা প্রিয়ার
তীক্ষ্ণবাক্যবাণ ;
কোন দিকে নাহি দিয়া কান
উদ্ভাল তরঙ্গমালা, গর্জমান মহাবজ্রাবাত
না করিয়া কিছু দৃকপাত
সীতারু চলেছে সোজা—মুখে নাহি বাণী ।
নাম কি কেরানী ?

* * *

যে মালা পরায় প্রিয়া নিজ প্রিয়তমে
সোহাগে সরমে,
সে মালার
সেই মালাকার ।
অন্তরালে থাকি নিজে দুইখানি অচেনা অন্তর
পরিচয়-বন্ধনেতে বাঁধে নিরন্তর ।
যেন সে 'হাইফেন'
কবি ও 'কাগজ মাঝে যেন 'ফাউন্টেন' !
একের মনের বার্তা অপরের বুকে
বহি আনে সুখে ।

শুধু ভুগোলেতে যেন যোজক, প্রণালী,
যুক্ত করি চলিয়াছে খালি
দেশে দেশে, সাগরে সাগরে
ক্রেতা আর বিক্রেতায় ; নাগরী, নাগরে ।
যদি আসে কাছে
মনে হবে, আছে আছে আছে
এ জগতে আছে একজন
যার কাছে খোলা চলে মন !
আকাশের চাঁদ পেড়ে দিতে পারে হাতে
যদি পায় তাতে
কিছু কমিশন !
সবুজে করিতে পারে অনায়াসে লাল ।
নাম কি দালাল ?

* * *

তবু চাই তাকে
করিতে পারে না কিছু তবু তারে ডাকে ।
আছে ইতিহাস :
বহু অর্থ করিয়া বিনাশ,
বহু লজ্জা, বহু হুণা, বহু প্রেম করিয়া হজম ;
দিবা নিশি করি বহু ভ্রম
লভিল সে যাহা
কি যে বস্তু তাহা
বলিল না কখনো খুলিয়া ।
ব্রহ্মেশ্বর আবরণ দিয়া
আপনারে রাখিল ঢাকিয়া ।

সতত সবার চিত্ত উৎসুক সদাই
বলে, 'তাকে চাই !'
গল্প যেন প্রকাশ্য ক্রমশঃ,
আমসি আচার যেন যতবারই চোষ
কিছুতেই তৃপ্তি হয় নাকো ;
কিছু হইলেই তাই বলে তারে, "ডাকো ।"
এবং ডাকিলে সেও আইসে ছুটিয়া
প্রাপ্য তার টাকা-কটি নিয়া,
লিখে যায় চালায়ে কলম
সার্টিফিকেট কভু, কখনো বা মিকশচার, মলম,
উঁচু করি বিজ্ঞ নাক তার
—নাম কি ডাক্তার ?

* *

পৃথিবী যে রঙ্গমঞ্চ—একথা সে বুঝেছে প্রচুর
ইংরেজ-বিদ্বেশী আজ, কল্য তাই রায়-বাহাদুর !
নিত্য নব অভিনয় সখ
রাম বা রাবণ কভু, কভু মন্ত্রী, কভু বিদূষক !
সে যেন বুঝেছে ভূমা
উচ্চ-নীচ, ভাল-মন্দ, চড় কিম্বা চুমা
আসল নকল
তার কাছে সমান সকল ।
কিন্তু নয় আইনষ্টাইন
(যদিও সে নানাবিধ জ্ঞানের 'মাইন')
ভেদ-বুদ্ধি আছে কিছু চিতে ।

টাকাতে ও খোলামকুচিতে
আছে যে তফাৎ
সে কথাটা ভুলিতে সে পারে না হঠাৎ ।
'মাইনাস'-ওইটুকু সমদৃষ্টি সবতাতে তা'র
সত্যি মিথ্যা তার কাছে স্পষ্ট একাকার !
মিথ্যা, প্রাস কিছু টাকা হয়ে যায় সত্যের সমান ।
নিত্য তাহা করিছে প্রমাণ ।
কড়ু হস্ত জোড় করি' কখনও বা উঁচাইয়া কিঙ্গ
—নাম কি উকিল ?

* *

প্রিয়ার নয়ন-কোণে যেন সে পিঁচুটি !

কারণ বিছুটি
লাগায়েছে মকর-কেতন,
অথচ পকেটে নাই তেমন বেতন !
নাই সেই রজত-নিষ্কণি
যার জোরে হওয়া যায় নয়নের মণি
কোন রমণীর !
কিন্মা যদি—বীর
হইত সে, যৌবনের আবেগে অধীর,
আনিত লুণ্ঠন করি' কোন রূপসীর
সমস্ত হৃদয় !

কিন্তু হায়, বিধাতা নিদয়
দেহ তার কিছুতেই হলনা সবল,
লম্বা চুল, জুলফি, গৌফ, ব্যর্থ সকল !
জুয়েডি মুখস্ত বুলি হল অনর্থক
ভেঞ্জেনা তাহাতে চিপটক !

তাই

পিঁচুটির মত আছে লাগিয়া সদাই
কিছুতেই না দমে'
বার বার পুছে ফেলে—পুন এসে জমে,
যৌবনের 'প্যারডি' সে, অথচ করুণ,
নাম কি তরুণ ?

দরদ

যাহারে বেসেছি ভালো, বাসিব রে কিম্বা
আম, আতা, আনারস, কুল, কচু, নিম বা
সয়গল, উমাশশী, ডগলাস, ময়না
হিটলার হরিজন গারবো বা গয়না
ভাটিয়া, ইহুদি, আগা, মাড়োয়ারি, পার্সি
ভিটামিন, সোভিয়েট, চশমা বা আরসি
লাল পানি, তামাক, চা, মোদক বা গাঞ্জা,
কিশোরী, যুবতী, বড়ী, পতিহীনা, বাপ্পা,
টু-সীটার, পুলোভার, ডিম, কিমা, নিম্‌কি ;
অুভাষ, সাঞ্জ, রবি, শিশির বা সিম্‌কি :
বাহুর, ছাগল, ভেড়া, চার্লি বা মার্শেন ;
জি. বি. এস. কুপ্‌রিন্‌ বুনিন্‌ বা আয়লেন ;
ট্যাঞ্জি, ফোন বা লেক ক্যামেরা বা তুলি গো,
ভাইকি, বোদি, মাসী, ভাগিনী, মাতুলী গো ;

করপোরেশন, রেস, বীমা আর মাসিকে
 কংগ্রেস, রায় বেঁশে, সেতার বা বাঁশীকে,
 ফ্রয়েড্ আর ভেরোনফ, co-ed বা কুল্পি
 স্বরাজ, বেতার বাণী, গজল বা জুলফি,
 শাঁসাল স্বপ্তর, শালী, প্রেয়সীর ওষ্ঠ,
 সীতার, বিমান বীর, নাইডু বা গোষ্ঠ
 খাদি বা টুইল যুগা, আন্ধি, গরদ গো
 সকলেরই তরে মোর গভীর দরদ গো ;
 কান ধরে উঠ-বোস্ করাইছে নিয়ত ।
 উদ্ধার যদি থাকে বাংলায়ে দিওত ।

২৫শে জ্যৈষ্ঠ

“খামখা কয়েক বাল্‌তি জল ঢালি উলঙ্গ শরীরে
 ভেবেছিঁস্ কি রে
 পাইবি নিস্তার ?
 আশা নাই—ওরে মূর্থ—আশা নাই তার !
 তোর চোদ্দ পুরুষের দফা
 করিয়াছি রফা
 তোরও দফা করিব নিকাশ
 আছে এ বিশ্বাস ।

স্নান কর, পাখা ঢালা, যত খুসী খা' তুই বরফ
 ফলে শুধু বৃদ্ধি হবে কফ !
 লাভ নাহি ইথে,
 ভাল করে জেনে রাখ চিতে,

মোর হস্ত হতে তুই পাবি না নিস্তার
অক্ষুণ্ণ প্রতাপ মোর এ দেশেতে করেছি বিস্তার !
দেহ তোর, মন তোর, মনুষ্যত্ব, বিবেক—বেবাক
আমার জ্বারকরসে করি পরিপাক
অবশেষে পাঠাব চুলিতে
গেন্ডুয়া খেলিব তোর মাথার খুলিতে ।

—ইতিহাস আছে কি স্মরণ ?
করি আশ্ফালন
আর্য্য নামে জাতি এক এসেছিল এদেশে একদা ।
সিন্ধু-গঙ্গা-গোদাবরী-কাবেরী-নর্মদা
তোলপাড় করিয়া সর্বদা
অনার্য্যের শিরে হানি বিজয়ীর গদা
কত কিছু করিল তাহারা !

—কোথা আজ তারা ?
এ দেশেতে আজ যারা বাঁধিয়াছে ঘর
সাদা, কালো, মেটে, মোটা রোগা বা নধর
ভূঁড়ি, পিলে, বহুমূত্র, যক্ষ্মা, বিসৃচিকা
টাক, টিকি টুপি, টিকা
ধুতি, প্যান্ট, লুঙ্গি, লেংটি—মিল বা খদর—
এরাই কি আর্য্যবংশধর
করিতেছে যারা কিল্বিল ?
কোথা সে নয়ন নীল ?
পিঙ্গল কোথা সে কেশদাম ?
ঋজু দেহ কোথায় স্ঠাম ?
কোথা সেই দৃপ্ত তেজ ?—কোথা বীর্য্য বল ?

সত্যাগ্রহী জ্ঞানবৃদ্ধ কই ঋষিদল ?

ঢাল্ ঢাল্ যত খুশী ঢাল্ তুই জল
এড়াইতে পারিবি না আমার কবল !

মনে আছে ? এসেছিল পাঠান মোগল ?
“যাদের চরণ ভরে ধরণী করিত টলমল !”
কোথা তারা ?

কোন শূন্যে হল তারা হারা !
ক্ষিপ্ত, ক্ষিপ্ত শক্তিমান সেই বীরগণ
‘দীন’ ‘দীন’ ‘দীন’ ‘দীন’ —বিজয়ীর ঘন গরজন
কোথা আজ তাহা ?

হাহা হাহা হাহা হাহা হাহা হাহা...
বদনা পিক্‌দানিমাত্র করিয়া সম্বল
দর্জিতে চালায় কল
কোচম্যান হাঁকাইছে গাড়ী
পশু শব্দেহ ঘিরি কশাইরা করে মারামারি !”
নিদাঘের তীব্র তীক্ষ্ণ স্বর !
শুনিলাম ধ্বনিতেছে ভরিয়া অস্থর !

পদি পিসি

জ্ঞান না বন্ধু, পদি পিসি কোথা থাকে ?
—দেখনি কখনো তাঁকে !
অর্থাৎ যিনি সবার বাড়ীতে
কাঠি দিতে চান প্রতিটি হাঁড়িতে,

কায়দা মাফিক ফোড়ন ছাড়িতে
সকল কথার ফাঁকে
দেখনি কখনো তাঁকে ?

শোন নি কি তাঁর অভিজ্ঞতার বাণী !
সবেতেই ‘জানি’ ‘জানি’ ।
নিমোনিয়া হল বীরেন পালের
পদি পিসি কন, “নিমের ছালের
পুলটিস্ দাও পুরান চালের
সঙ্গে হজুদ ছানি ।”
অভিজ্ঞতার বাণী !

গাছ থেকে পড়ে’ মরিল মথুর মাঝি,
পদি পিসি খোলে পাঁজি !
‘ত্ৰাহস্পর্শ’-‘ত্ৰিপাদ’ প্রভৃতি
দেখিয়া সবার উপজিল ভীতি,
“প্রায়শ্চিত্ত করাটাই রীতি,
—ব্যবস্থা কর আজই !”
পদি পিসি খোলে পাঁজি !

মকদ্দমায় পড়েছে বিপিন রায় ;
পদি পিসি বলে, “হায়
উকীল-টুকিলে হবে না কিছুই
নিরামিষ খেয়ে থাকো দিন ছুই
কবচটা পর ! তুমি হিন্দুই
তোমারে বল কে পায়”
পদি পিসি দিল রায় !

বসন্ত রোগ হল যবে চারিদিকে
নিজে নিল পিসি টিকে
অথচ মাথাটি নাড়ি ঘন ঘন
কহিল, “পাড়ার সকলে শোন
শীতলা পূজার কর আয়োজন
বুঝি না ও টিকে-ফিকে !”
নিজে নিল পিসি টিকে !

মারা গেল যবে রাধু ঘোষালের নাতি,
ফুলায়ে মস্ত ছাতি
পদি পিসি কন—“জ্ঞান্তাম, আরে
বারণও করেছি ছেলেটার মা’রে
জোলাপ কখনও খায় গুরুবারে !
—ডাক্তারী, না এ হাতী !”
কহিল ফুলায়ে ছাতি !

দেখনি বন্ধু, আজো তুমি পিসিটিকে ?
দেখ তবে ওই দিকে !
আরে যা’ হেসেই হলে দেখি খুন,
ওই পদি পিসি, পরি পাংলুন !
ওরি এত কথা, ওরি এত গুণ
ওরি জোরে আছি টিকে
দেখে রাখ পিসিটিকে !

লেখা পড়া জানা ভারি নাকি পণ্ডিত ও !
ডিগ্রীতে মণ্ডিত !
টিকি ঢাকা আছে টুপিতে সোনার

কণ্ঠি ঢাকিয়া রেখেছে 'কলার'
যায় নাকো দেখা জামার তলার
চাবি-বাঁধা উপবীত !
ভারি নাকি পণ্ডিত ও !

লেখা পড়া জানা মস্ত ও বিদান—
চুলভরা দুটি কান !
হেসোনা বন্ধু, চেয়ে দেখ ফের
পুংলিঙ্গই পিসিমা মোদের !
নস্তু টানিছে হাঁড়ল নাকের
কিবা মরি-বাঁচি টান ;”
চুল-ভরা দুটি কান !

পিসি আমাদের নানাবেশে দেন দেখা
কভু সোজা, কভু বেঁকা !
নানাবেশে তার চির অভিসার
কখনও কেরানী, কভু অফিসার
কভু ডাক্তার, কভু প্রফেসার
কভু পাজি, কভু ল্যাকা !
নানারূপে দেন দেখা ।

ওরে ও বাঙালী

ওরে ও বাঙালী, ওরে ও কাঙালী ওরে ওরে ভিক্ষুক,
পরের ছুয়ারে হস্ত পাতিয়া আজ্ঞা কি রে পাস্ সুখ !
কেরানীর জাতি বলি মারে লাথি উপহাস করে সবে
মানুষের মত যোগ দিবি কবে জীবনের উৎসবে !
সত্যিকারের মানুষ হায় রে সত্যি কি নাই দেশে
মনুষ্যত্ব বিকায়ে সবাই চাকরিই চায় শেষে !

হায় রে কপাল হায়,
চাকরি না পেলে বাঙালী-জীবন শুকায়ে মরিয়া যায় !

উৎসাহ, মান, প্রিয়া, সম্মান, স্বাস্থ্য, বুদ্ধি, বল,
বাঙালীর হায় সবার মূলেতে চাকরিই সম্বল !
কাউন্সিলেতে, করপোরেশানে, রাজদরবারে হায়,
বাঙালীর ছেলে ছ’হাত পাতিয়া চাকরি কেবল চায় ।
প্রেমের তাগিদে বলেছিল মীরা, “চাকর রাখ গো মোরে”
পেটের তাগিদে বাঙালী-চাকর বেড়ায় চরণ ধরে’ !

হায় রে কপাল হায়,
চাকরি না পেলে বাঙালী-জীবন শুকায়ে মরিয়া যায় ।

চাকরি পাইবে বলিয়া তাহার পরীক্ষা পাস করা,
ডিগ্রী জুড়িয়া নামের শেষেতে গর্বের তুলিয়া ধরা !
কিন্তু অধুনা ডিগ্রী হলেই চাকরি মেলে না, মিথা,
সুতরাং বুলি ধরেছে বাঙালী লেখাপড়া শেখা বৃথা !

লেখাপড়া শেখা বৃথা ওরে তোর, কেমনী না হলি যদি,
প্রবন্ধে লেখে বাঙালী-লেখনী এই কথা নিরবধি !

হায় রে কপাল হায়,
চাকরি না পেলে বাঙালী জীবন শুকায়ে মরিয়া যায় !

মাড়োয়ারী হল বড়লোক নাকি করিয়া দোকানদারি,
মাড়োয়ারী-মোহ বাঙালী-মনেতে প্রভাব করেছে জারি !
লেখাপড়া শিখে লাভ নাই কিছু, দোকান খুলিয়া বোস,
কিন্তু হায় রে ক্যাপিটাল কই এয়ে মহা আফশোষ !
অগত্যা শেষে বাঙালী-বালক পিসা বা মেসোকে ধরে
চাকরি চেষ্টা করিয়া বেড়ায় প্রতি আপিসের দোরে !

হায় রে কপাল হায়
চাকরি না পেলে বাঙালী-জীবন শুকায়ে মরিয়া যায় !

মানুষ হওয়া যে আগে দরকার, বাঙালী ভুলেছে তা' কি !
সত্যিকারের মানুষ হলেই কতটুকু থাকে বাকী ।
মনুষ্যত্ব বিকশিত হলে বোঝা যায় নিমেষেই
জীবন ধারণ করিবার তরে বেশী প্রয়োজন নেই ।
অল্প যা' কিছু আছে প্রয়োজন, মানুষ হলে তা' মেলে
আপিসে দোকানে স্বদেশে বিদেশে ঘরেতে কিম্বা জেলে,

মানুষ হওয়া যে চাই,
মানুষ না হলে সহজ-সরল নাহি কোন পন্থাই ।

মানুষ হবার সাধনা কোথায় ? কই চরিত্র বল ?
জীবন-পথের কোথা ওরে তোর সেই সেরা সম্বল ?
নিভীক প্রাণ, শিক্ষিত মন—কই সে কর্ম-বীর ?
এ যে দেখি শুধু চাকরি-লোলুপ ভিখারীর যত ভীড় ।

ভিখারী কখনও পায় কি শ্রদ্ধা ? কে দেবে তাহারে মান,
যে জন নিজেই জীবনে কখনও করিল না সম্মান ।

মানুষ হওয়া যে চাই,
মানুষ না হলে সহজ-সরল নাহি কোন পন্থাই ।

নেপোলিয়নের কীর্তি পড় নি ? বুকার ওয়াশিংটন
ফোর্ড, এডিসন, গান্ধি, প্রতাপ, যতীন্দ্র, নেলসন
আরো কত আছে—ভেবে দেখ তোরা জীবনে ইহারা সবে
মানুষ হবার সাধনা করিয়া ধন্য হয়েছে তবে ।
মানুষের কাছে বিদ্য বা বাধা কিছু দ্বন্দ্বের নয়,
বীৰ্য্যবন্ত রামচন্দ্র কি করেনি সাগর জয় ?

মানুষ হওয়া যে চাই,
মানুষ না হলে সহজ-সরল নাহি কোন পন্থাই ।

চাক্রির লোভ ছাড়রে বাঙালী, চাক্রির মোহ ভোল,
কুসুমের মত জগতের মাঝে নিজেকে ফুটায়ৈ তোল ।
ফুল তো কাহারো চাক্রি করে না, পাখী তো কেরানী নয়
অথচ তাহারা কোন্ সুধারসে চির আনন্দময় ?
আকাশ হইতে আলোর বারতা মরমে তাদের পশে,
সার্থক তারা প্রকৃতির কোলে ধরণীর প্রাণরসে ।

মানুষ হওয়া যে চাই,
মানুষ না হলে সহজ-সরল নাহি কোন পন্থাই ।

যুগ্ম হইলাম,
কহিলাম,
ধন্য কবিবর,
এতকাল অন্তর-বিবর
ছিল অন্ধকারে ।

আলোকিত তুমি তারে
করেছ আজিকে
কবিতাটি লিখে ।
কি করিতে পারি, বন্ধু, কহ প্রতিদানে ?”
চাহি মোর পানে
কহে কবি তুলি কণ্ঠ ক্ষীণ
“স্মরণ, I mean,
সার্থক কবিতা মোর, চিন্ত্ত তব করিয়াছে জয়,
কিন্তু স্মরণ পাইলে অভয়
মনের কথাটি মোর কহি অকপটে ।
কবিতা লিখেছি বটে
কিন্তু অন্তরে
যে কথাটি গুমরিয়া মরে
নিত্য রহি রহি
অভয় দেন ত যদি কহি ;
I mean,
চাকরি একটি দয়া ক’রে জুটাইয়া দিন”

প্রেম-পত্র

প্রিয়ে,

উচ্ছ্বল অন্তরের উত্তুল্ল উৎসাহ
(নির্যাস যেন রে হায় করঞ্জ ফুলের !)
উচ্চকণ্ঠে উল্লক্ষিয়া কহে, “কি প্রদাহ ।”
মর্ষ্য মার্গে স্পর্শ-সুখ কবোষণ চুলের ।

রুদ্ধ যে আবেগ-ভরে টিট্টিভ স্তন্যরী
পক্ষ-কণ্ঠ্যূন করে বিশ্ব চক্ষুঘাতে,
যে-অশ্ব ভ্রমরসম উঠে গো গুঞ্জরি'
অশ্বিনী-স্বপন-মুগ্ধ,—বন্দী মন্দুরাতে !

উজ্জত যে নির্ভাভরে উদ্ধত 'কাইজার'
মহাযুদ্ধে অবতরি' বিনষ্ট হৈল,
বৈষ্ণবের মনোব্যথা (বৈষ্ণবী নাই যার !)
অকথ্য যে কষ্ট সহি তিল দেয় তৈল ।

নভ-পুষ্প-বাচ্য সব ? উদ্বেলিত প্রাণ
ধাক্কা মারে পঙ্কজের প্রতিটি অস্থিতে ।
কহে মোরে, “উত্তীর্ণত, করহ উত্থান,
ঝেড়ে ওঠ ! নাহি দিব রহিতে স্বস্তিতে ।”

অচিরাৎ ফাউণ্টেন করি আশ্ফালিত
অভীপ্সা-বুদ্বুদে করি কাগজে স্থাপন
রদ্দা মারি' পত্ন-পুষ্প কর বিস্ফারিত,
কর কর হ্রৎপিণ্ড-ব্রত উদ্‌যাপন !

উদ্বোধিত চিত্তে তাই উদ্দাম উদ্দেশে
উত্তোলন করিয়াছি 'পার্কার' সঙ্কমে,
এরোপ্লেন ঘর্ঘরিয়া—ওড়ে যথা শেষে
অম্বর করিয়া লক্ষ্য প্রত্যহ দম্ভদমে !

উল্লাস বসিয়া আছি আন্দোলিয়া জাহ্নু ;
মস্তিষ্কে উদ্ভূত নাহি কিঞ্চিৎ বল, ধী ।

উদিবে না চিত্তে মোর আজি কাব্য-ভানু
উত্তরিয়া অন্তরের উত্তাল জলধি ?

উত্তেজনা, উদ্দীপনা, উল্লাস, উদ্বেগ,
উচ্চারিছে সমস্বরে, “কিছু শুন্ব না”
সামান্য দর্দূর ক্ষিপ্ত ঈক্ষণিয়া মেঘ !
উন্মাদ অৰ্দ্ধদ-সুরে গজ্জিছে উন্মনা ।

ইরম্মদে মহানন্দে আয়ত্ত করিয়া
সঙ্গীত-গমক সাথে নিষ্পেষিত করি’
উদ্ভাস্ত উৎকণ্ঠা-খানি শব্দে সধরিয়া
দিব রে সম্ভব হলে ‘এনভেলাপে’ ভরি ।

উদ্যস্ত উৎক্ষিপ্ত চিত্ত গজ্জিছে—গুড়ুম,
সমস্ত সত্তারে চাহে করিতে উৎখাত,
মূর্ত্তি পরিগ্রহ কর শব্দ-কল্প-ক্রম !
ঈঙ্গা দহে, শব্দ নাই অসহ উৎপাত ।

উচ্ছিষ্ট উপমা লয়ে করিব উচ্ছ্বাস ।
কোন দিন সেই সখ বান্দার নাহি তা’—
অথচ করিব কাব্য তাও তো উচ্চাশ !
চার্বাকীয় চরিত্রের চলিষু চাহিদা !

উড্ডীন গগনে তাই চিত্ত উৎক্ৰোশ
বিন্দুবৎ প্রতিভাত বিস্তার সিক্কুর,
বিরহ-মার্জার কহে, “হায় কি আফ্শোষ
পিতৃগৃহে অবস্থিছে ঈঙ্গিত ইন্দুর ।”

বিরংসা-ভুজঙ্গী করে দংষ্ট্রা-প্রদর্শন,
আত্মা-পৃথ্বী কম্পমান ভূমিকম্প ভরে ।
চিদাকাশে পুঞ্জীভূত উদ্ভা-প্রভঞ্জন
পুষ্পা-চিত্রা-স্বাতী-জ্যোষ্ঠা অবলুপ্ত করে ।

সমস্ত সলিলে কিন্তু হবে রূপাস্তুর
—মৎকুণ-যন্ত্রণা হবে নিঃশেষ প্রভাতে,
নিতান্ত নিৰ্জ্জন যেন এ চিত্ত-প্রাস্তুর
মাতাল পতঙ্গ বৃন্দ গুঞ্জরিছে তাতে ।

ইচ্ছা করে সে প্রাস্তুরে কাব্য-‘মমুমেন্ট’
প্রতিষ্ঠিব শাক্তমতে করি নির্ধাচার,
বক্তৃতা করিয়া হব রক্তারক্তি, ‘ফেণ্ট’ !
—তাক্ত করে তিত্ত যত ভাক্ত শিষ্ঠাচার !

তিতিষ্কার শিক্ষা নাই ; ভিক্ষাও সঙ্কট,
দীক্ষা-গুরু-পিতৃগৃহে ! ইন্দ্রিয়-বল্লীক
বাল্লীকি করিল মোরে উদগ্র উৎকট
তৃষণায় বক্ষের তক্ষ কহে—ধিক্ ধিক্ !

প্রাক্তন মঞ্জুষা-স্থিত মুক্তা বা পান্নার
খরিদার নহি আমি ;—বুড়ুক্ষায় মরি !
দস্ত কড়মড়ি তাই ছর্দম কান্নার
অশ্রুধারে রাজবস্ত্র পিচ্ছিল যে করি ।

পরিষ্কার বুঝিতেছি নিষ্কাম গীতার
পরিচ্ছন্ন তব্ধে মোর নাহি কিছু দাবী ।

রাত্রিকালে হৃৎক চাহি সন্ধান কি তার
প্রদানিবে কুত্র আছে হৃৎকবতী গাভী ?

শব্দ বাজে,—কঙ্ক ওড়ে সন্ধ্যার অম্বরে
উজ্জল বৃশ্চিক-দৃশ্য নির্দিষ্ট দ্রেকাণে
শকট-চক্রেতে ওঠে ক্রন্দন কঙ্করে,
ভয়ঙ্করী ছর্বাসনা কচ্ছ ধরি টানে !

যুক্তি-মুষ্টি-বৃষ্টি করি' রক্ষিব আত্মায় !
গোল্লায় যাব না আছি সংযম-কেল্লাতে ।
মুষ্ক মোল্লা আল্লা-নাম স্মরিছে রাস্তায়
পাল্লা দিয়া ঝিল্লিকুল লেগেছে চেল্লাতে ।

খৈয়াম হাঙ্গলি রবি লরেন্সের সাথে
সহজিয়া তত্ত্ব-রস জ্ঞান-পাত্রে টানি
(ত্র্যাণ্ডি সহযোগে খেলে ক্ষতি কিবা তাতে ?)
বেদনার অন্ত নহে বেদান্তের বাণী !

চিন্তা করি' চক্ষু-পক্ষ হয় যে সজ্জল,
অথচ চিন্তারে নারি করিতে বর্জ্জন !
ভাবি কোন গণ্ডারেরা ফুৎকারে গজ্জল ?
কামনারে কে করায় কামান-গর্জ্জন ?

বৃদ্ধ নহি, রিক্ত নহি, রেষ্ট আছে কিছু,
অকস্মাৎ মনশ্চক্ষু করিছে ক্রন্দন ।
মদমত্ত হস্তী যেন শুণ্ড করি' নীচু
সাশ্রু-নেত্রে ঈক্ষগিছে শৃঙ্খল-বন্ধন ।

মস্তক ঘর্ষর ঘোরে !—মর্শ্ব-ঝুম্ঝুমি
গর্জমান শব্দে কহে, এই তো নিয়ম !
উচ্চারিছে চিকিৎসক—“শান্তি পাবে তুমি
ভুজ্জ বৎস, সালফ অব ম্যাগনেসিয়ম !”

ডাকের সময় হ’ল ! তূর্ণ করি শেষ,
অন্যথায় পত্র-প্রাপ্তি অসম্ভব হবে,
অতীতে মিলন-ঘণ্টা বেজেছিল বেশ
বর্তমান প্রদর্শিছে অঙ্গুষ্ঠ নীরবে !

অস্বচ্ছন্দালাপ

এই রাতে ঠাণ্ডায় ওই রোগা স্বাস্থ্যে
একফালি চাঁদ ওঠে আহা কত আশ্বে !
যক্ষ্মাই হয়েছিল লেখা আছে শাস্ত্রে
‘নাইট-ডিউটি’ তবু ঘুচিল না হায় রে !
অথচ সূর্য্য দেখ গোলগাল চেহারা
সন্ধ্যা-বেলায় রোজ ঘরে ফিরে যায় রে ।

* * *

‘অগস্ত্য’ আছে দক্ষিণে আর ‘ঋষভারা’ আছে উত্তরে
কেউ কি কাহারো খুঁত ধরে ?
যুগ-যুগান্ত বসিয়াই আছে ঠায় !
‘সপ্তর্ষি’ যে ‘কাশ্যপা’কে ‘ফলো’ই করিছে দিন-রাতই
ফাটিছে তাহাতে কার ছাতি ?
মোটাই তো কেহ গ্রাহ করে না হায় !

* * *

“এর নাম অবিচার
এবং কারণ তাঁর
আকাশেতে ‘ডেমোক্র্যাসি’ নাই”
কহিল সমস্বরে মাধাই জগাই !
“ধাকিত যত্বেপি সেথা কোন ‘বলশেভিক’
নিশ্চয় এ গোলযোগ হ’য়ে যেত ঠিক ।
চক্চকে তারাগুলি
কারণে মুখে নাই বুলি
সব যেন সং !”

* * *

“এবং”
কহিলেন চামটিকা করি’ কিচমিচ
বুদ্ধি নিলে মাহুঘের
হইত উন্নতি ঢের !
ছায়াপথে এতদিন ঢালা হত ‘পিচ’ !”

* * *

আকাশ-সমস্যা লয়ে চিন্তা করি আকাশ-পাতাল ;
অথচ তো হইনি মাতাল !

* *

চুলগুলি চুলকায়
হুক্ সে তকমা চায়
পিঠ শুনে পিট পিট চায় রে !
হিয়া যেন টিয়া পাখী
কপচায় থাকি’ থাকি’
মানে তার নাহি বোঝা যায় রে ।
পরিয়্য সবুজ শাটি

হাঁটু করে হাঁটাহাঁটি
বুকের উপরে মোর হায় রে !
ফুস্ ফুস্ তাই দেখে হসতি !
সহসা কি হল ভাই,
কাঁধে নাই মাথাটাই
মাথা করে মাতামাতি পকেটে !
নাসিকা কাসিছে খালি !
কান দেয় করতালি
'লিভার'টি দোল খায় লকেটে
না বলিয়া কোন কিছু
আঁখি কার পিছু পিছু
চলে গেছে খালি রেখা 'সকেটে' !
চড়ুই করিছে সেথা বসতি !

শুকুনি

বসে' আছে যত লুন্ধ শকুনি
ভাগাড়ে কখন পড়িবে মড়া ;
কৃষক বসিয়া চাহিছে আশায়
নদীতে কখন পড়িবে চড়া ।
নদীর পাঁজর বাহির হইবে পড়িবে পলি,
উঠিবে চাষার অনেক আশার ফসল ফলি' !
ভাবিছে রাঁধুনি কাঁচা কাঠগুলা উঠিলে জ্বলি,
পেঁয়াজকলি
কুটিয়া ভাজিবে পেঁয়াজি বড়া !

বসে আছে যত ক্ষুদ্র শকুনি
ভাগাড়ে কখন পড়িবে মড়া !

ভাবে ডাক্তার অসুখে মানুষ পড়িবে কবে
উকিল ভাবিছে কাছারির বেলা কখন হবে
অলি কি আসিবে ফুলেরা ভাবিছে মাটির টবে ;
গণিকা সবে

ভাবিছে কখন নড়িবে কড়া ।
উড়িয়া উড়িয়া ভাবিছে শকুনি
ভাগাড়ে কখন পড়িবে মড়া ?

রঙে ও চঙেতে চলিয়া পড়িছে প্রবীণা বুড়ী,
মদের দোকানে গান্ধির ছবি টাঙায় গুঁড়ি,
আধ-পেটা খেয়ে দিন কাটে যার চিবায়ে মুড়ি ।
—মুড়ি ও গুড়ই,—

চক্চকে তার চূড়া ও ধড়া !
মুখে মুছহাসি ভাবিছে শকুনি
ভাগাড়ে কখন পড়িবে মড়া ।

ভুলাতে পাঠক, লেখক বসিয়া লিখিছে যা'তা',
স্নেহ-ক্ষুধাতুর জননী চিবায়ে ছেলের মাথা,
দয়ালু জনের ভিজাইতে হায় নয়ন-পাতা
—চাঁদার খাতা

ভিখারী আসিয়া কাটিছে ছড়া !
কাঁদিয়া কাঁদিয়া ভাবিছে শকুনি
ভাগাড়ে কখন পড়িবে মড়া !

হাসে বড়বাবু হেরি কেরানীর প্রতিভা-জ্যোতি,
আপিসে কলম না পিষে তাহার কোথায় গতি !

ঘরে ও বাহিরে কুমারী খুঁজিছে আবেগে অতি
শাঁসালো পতি,
শাঁস দেখে চাই প্রেমেতে পড়া !
কটাক্ষ হানি' ভাবিছে শকুনি
ভাগাড়ে কখন পড়িবে মড়া !

অগ্নায় যাহা স্বপক্ষে তারি লড়িছে বীর,
শোণিতের স্রোতে ভেসে গেল কত উচ্চশির !
কত অর্জুনে ডুলাইল কত উর্বশীর
নয়ন নীর
হইল শেষটা গহনা গড়া !
ছন্দে ও গীতে গাহিছে শকুনি
ভাগাড়ে কখন পড়িবে মড়া ।

দর্জির মত বসে আছে কবি কাব্য-কলে,
ফরমাস-মত কবিতা ফতুয়া বানায়ে চলে !
শিল্পীর সেরা ভিড়েছে কুস্তকারের দলে,
আর্টের ছলে
মূর্ত্তি ফেলিয়া গড়িছে ঘড়া !
গুমরি' গুমরি' ভাবিছে শকুনি
ভাগাড়ে কখন পড়িবে মড়া ।

পাণ্ডা পুরুৎ কাটিয়া তিলক রেখেছে টিকি ;
সিনেমা দেখায় যুবক, যুবতী, 'মাউস্ মিকি'
দালাল বলিছে, 'বলুন না স্তার আনিব কি কি'
—পাই না, ঠিকই !

এক সাথে সব টনকনড়া !
ঝরিতেছে লালা—ভাবিছে শকুনি
ভাগাড়ে কখন পড়িবে মড়া ।
মহাজন বসে' সুদের হিসাব কষিছে রোজ ;
গুরুদেব কন, 'ভগবান পাবি চোখটা বোজ'
ইয়ার বলিছে, 'চিৎপুরে আজ জমিবে ভোজ,
নে 'অটো রোজ'
ফুলের মালাটা গলাতে জড়া ।'
উদ্‌গ্রীব হয়ে' রয়েছে শকুনি
ভাগাড়ে কখন পড়িবে মড়া ।
হস্ত-লিখন বিচার করিছে গণৎকার'
টং টং টং উঠিছে টাকাব টনৎকার,
সমরাজ্ঞে বাজিছে অসির ঝনৎকার
চমৎকার !
সবারই গলায় ফাঁসীর দড়া !
অট্ট হাসিয়া কহে মহাকাল
সবাই শকুনি সবাই মড়া ।

তোমারেও বন্দি হে ঞ্জলি ।

১

গ্রীষ্ম-বর্ষা-হেমন্তশীতে
সকল ঋতুতে, সকল কালে,
নিত্য ষাঁহারে প্রণাম করি গো
কৃত-কৃতার্থ-আনত ভালে,

দিবসে নিশীথে ষাঁহার স্বপ্ন
ভস্ময় চিতে নিত্য হেরি,
ওঠে জয়গান জগৎ জুড়িয়া
ষাঁহার দীপ্ত মূর্তি ঘেরি',
ষাঁহার পূজায় কত বলিদান,
কত না আরতি, মন্ত্র কত,
কত ঋত্বিক, কত পুরোহিত,
কত আয়োজন লক্ষ শত,
আকার তাঁহার যেমনই হউক
নানাভাবে করি টাকারই পূজা,
হোক না তাঁহার যেমন চেহারা
বংশীবদন বা দশ-ভুজা ।
অয়ি মুন্সয়ী, অতসীবরগী,
ভিখারী ঘরগী শিবানী অয়ি ;
রূপার তলায় চাপা পড়ে' গেছ,
তোমার পূজার মন্ত্র কই ।
টাকার পূজায় মত্ত সবাই
তোমার পূজাও টাকার পূজা,
লক্ষ্য নহ গো উপলক্ষ্যই,
ওগো মুন্সয়ি, হে দশভুজা ।

২

সুদখোর ওই হারু পোদার,
বাড়ীতে তাহার পূজার ধুম,

কাড়া ও নাকড়া ঢাকের জ্বালায়
পাড়ার লোকের নাহিক ঘুম !

তাহার নিকট কর্জ করিয়া
পূজার বাজার করেছি সব
অর্থ নইলে জমে কি জননী,
তোমার পূজার এ উৎসব ?

অর্থ পুড়িছে আতস বাজীতে
আলোকমালায় জ্বলিছে টাকা
ঘণ্টার রবে টাকাই বাজিছে
প্রণাম না করে' যায় কি থাকা ?

বড় সাহেবেরে সেলাম বাজাই,
রাজারাজড়ায় প্রণাম করি
হারুর বাড়ীতে তেমনি জননী
তোমারেও নমি হে শঙ্করি ।

অর্থাৎ কিনা হারুকেই নমি,
কারণ তাহার টাকা যে আছে,
দুর্গা কৃষ্ণ যাই সে পূজিবে
আমরা নমিব তাহারই কাছে !

বিদ্রোহ

সামান্য পয়সা-লোভে আধুনিকতম বেশে
হস্তে বহি কাগজ-নিশান,
অকর্ষাটীন শিশু দল আর্তনাদ করে পথে পথে
পথিকের ঝালা-পালা কান !

চীৎকার করিছে হায় ভাড়া-করা শিশু ক'টি শুধু
চক্ষে দৃষ্টি ত্রস্ত শশকের,
জীর্ণ অঙ্গে মলিনতা শীর্ণ মুখে লোলুপতা মাখা
ক্ষীণ-প্রাণ ক্ষুদ্র মশকের !

একটি চপেটাঘাতে স্তব্ধ হয় বাগী যাহাদের
তারা আজ বাগী-বার্তাবহ !
হাঁচিলে কাসিলে জ্বরে শিবনেত্র হয় যাহাদের,
তারা কহে, “ভয় কিবা কহ” !

পুরান হুঁকার জল শ্যামপেনের করে অভিনয় !
হেলে চাহে হইতে গোক্ষুর,
আজও হায় দাঁড়কাক ময়ূরের দেখিছে স্বপন !
ব্রাস্তি নাই কল্পনা চক্ষুর !

দলে দলে সারি সারি মাতিয়াছে দেশ-প্রেমে সব
আত্মহারা, যতেক উৎসবী,
“বিদ্রোহ বাঁচিয়া থাক”—চীৎকারিছে ভীতকণ্ঠে হায়
শিশু যত লজ্জেকুস-লোভী !

শুনিতেছি জয় জয়—জয় রবে গগন মুখর
জয়নাদে সার্থক জীবন,
অনেক বৎসর ধরি রাখিয়াছি টিঁকাইয়া মোরা
ছিন্ন-কস্থা করিয়া সীবন !
সেই ছিন্ন কস্থা দিয়া আবরি রেখেছি হায় আজও
শব-দেহ—জীবিত সে নয় !
“বল হরি হরি বোল”—প্রাণ ধরে পারি না বলিতে
আর্তকণ্ঠে করি জয় জয় ।

চক্ক-চকোরাম্

চাঁদেরে ডাকিয়া কহিল চকোর,
“আর কত কাল দূরেতে রবে,
কত পূর্ণিমা আসিল ও গেল,
স্বপ্ন কবে গো সফল হবে !

সুদূর ধরার ক্ষুদ্র বিহগী
কেন তার মনে দিয়েছ হানা ?
উড়ে যেতে চাই কিছু দূর গিয়া
ক্লাস্ত হইয়া পড়ে যে ডানা ।

জ্যোৎস্না-সাগরে যাই যে ডুবিয়া
আলোক পাথারে হারাই দিশা,
আর কত দূরে আছ বল তুমি
আর কত কাল বহিব তৃষা ?”

চকোরে থামায়ে কহিল চন্দ্র,
“বকর বকর কোরো না মিছে,
এক আধটি নয়, সাতাশ পত্নী
অহরহ আছে আমার পিছে !”

মুচকি হাসিয়া কহিল চকোর
“একটি পত্নী থাকিলে পরে
হয়তো আসিতে সাহস হ’ত না
দ্বিধা সংশয়-সরম ভরে ।

সাতাশ পত্নী আছে বলিয়াই
এসেছি আমি যে নূতন সাকী
সাতাশের পরে আটাশের পালা
ও গো, কলঙ্ক, জ্ঞান না তা কি ?”

“আরে চুপ চুপ শুনিতে পাবে যে”
কহিল তখন হাসিয়া শশী
তার পর যাহা ঘটিল তা লিখে
বৃথা করিব না নষ্ট মসী ।

কেন

১

টুস্কি বাজায়ে শুনি ধনুকের টঙ্কার,
তব্‌লা বলিয়া ভাবি টেবিলের কাঠকে,
লাগ্‌বঙাবঙে শুনি সেতারের ঝঙ্কার,
খাওয়ার চেয়ে কেন ভালবাসি চাটকে,

২

লেখনীকে কেন হায় মনে করি বন্দুক,
গোলাগুলি কেন ভাবি আছে সব ওষ্ঠে,
বস্ত্রিবালাকে ডেকে বলি 'তোরা কোন্‌ দুখ ?
দয়া করে এসে বোস্‌ পরাণ-প্রকোষ্ঠে' !

৩

লম্বা হাত পা কেন ঐক্যবান্‌ আঙ্গুল,
কান-ঢাকা বুক-খোলা কেন যত চিত্র
লেজ নাই তবু মোরা কেন নাড়ি আঙ্গুল,
যাবতীয় সেন, সোম, শর্মা ও মিত্র

৪

পিলে রোগা প্রেয়সীর বিবর্ণ অঙ্গের
মলিন শাড়িতে হেরি গ্লাম্পেন্‌ বর্ণ
এবং মাতাল হই ! মনে হয় বঙ্গের
অঙ্গনে মূর্ত্ত বা ইব্‌সেনি স্বপ্ন !

৫

সুখী হই কেন ভেবে শালিকের চীৎকারে
শঙ্কিত সিংহেরা আছে নত মস্তে,
স্বয়ং ঐরাবৎ পলায়েছে ধিকারে,
কম্পিত শ্রীগুরুড় আছে জোড় হস্তে !

৬

বিজ্ঞান, আর্টের যত বুলি বিশ্বের
মুখস্থ কেন করি টাটকা ও সত
পেটেতে অন্ন নাই তবু কেন নিঃশ্বের
ঋণ করে চাই রোজ পান করা মত্ত !

৭

হেসো নাকো মানে আছে এ জ্বরদস্তির
কেন যে কবিতা লিখি না মানিয়া ছন্দ
কেন মোরা দল বেঁধে হইয়াছি অস্থির
গোবরের মাঝে পেতে গোলাপের গন্ধ

৮

এক ঘেয়ে জীবনের এ নরককুণ্ডেই
হে বন্ধু, মাঝে মাঝে চাই বৈচিত্র্য ;
চরণ উর্দ্ধে তুলি' নীচু করি মুণ্ডেই
ঘোষালকে মাঝে মাঝে ভাবি তাই মিত্র ।

বিরক্তিকর ব্যাপার

মনের মানুষ মনেতে থাক্,
বাহিরে তাহার বৃথাই খোঁজ,
নাগাল তাহার পাইলে হায়
দেখিবি হয়তো চ্যাপ্টা nose !
দেখিবি মানস-প্রতিমা, তার
রক্ত-মাংস-অস্থি-সার !
ধোড়বড়ি খাড়া উচ্ছে পুঁই,
ঘুরিয়া ফিরিয়া বারম্বার !
বাহিরে তাহারে চাস্ না আর,
তাহারে চাস্ তো নয়ন বোজ !

দাঁত বার করে পশুটা কয়,
“রয়েছে আমার প্রচুর লোভ,
আমি তো খুঁজিব ছুনিয়াময়
নাহলে আমার মেটে না ক্ষোভ !
এ কি হৌক্ হৌক্—কি নিস্পিস্,
ক্ষুধার জ্বালায় অহনিশ !
এ সাধ মিটায়ে মরিতে চাই,
হোক্ সে অমিয় হোক্ সে বিষ !
চাঁদের কিরণ, শ্রামার শিস্,
মনের সায়রে ফেলিছে টোপ !

দেবতা এবং অমুর হায়
ঝগড়া করিছে চিরটা কাল,
তবুও ফুল তো ফুটিতে চায়
চাঁছিতে চাই যে কামান গাল !
আমি যে প্রেমিক গোবর গুঁই,
হৃদয় বলতো কোথায় থুঁই ?
বিছানা ভরেছে ছারপোকায়,
স্বপনের আশে তাতেই শুই !
থোড়বড়ি খাড়া উচ্ছে পুঁই
সবাই আমারে করিছে ঘাল !

কোথায় কাহার ডাগর চোখ,
কোথায় কাহার দোহুল তুল,
অমনি হায় রে আমি না-হক্
করিয়া ফেলি যে হিসাব ভুল ।
কোথায় কখন কলতলায়,
কাহার কণ্ঠ কলকলায়,
অমনি হায় রে চিস্ত মোর
মাগুরের মত খলবলায় !
নয়ন ছুটিও ছলছলায়,
ছাঁটিয়া ফেলি যে ঘাড়ের চুল !”

বলিলু তাহারে, “সাম্লে চল ,
বড়ই তোর যে বেড়েছে বাড়,
প্রেমের পথ যে খুব পিছল,
পিছলে গেলেই খাবি আছাড় !

ভাঙিবে হাড় ও ভাঙিবে মন,
খুঁজিবি তখন অনুক্ষণ,
কোথায় আফিং, কোথায় লেক'
কোথা ডাক্তার—কোথায় 'ফোন' !
আমার গোপন যুক্তি শোন,
মানস প্রতিমা ট্রুটিমা ছাড় !”

ভাবিলাম বুঝি এ বিদ্রূপ
শুনিয়া যা হোক থামিল চোর,
বদল হইল মুখের রূপ
ঝরিতে লাগিল নয়ন লোর !

হঠাৎ থামিল কলেজ 'বাস',
অমনি আবার সর্বনাশ,
বাহির করিয়া দম্ভ সব,
দেখিলু ফেলিছে দীর্ঘশ্বাস !
ইচ্ছা করিছে একটি ঠাস্
চড়েতে তাহার ভাঙাই ঘোর !

রূপসীর প্রতি

বরবর্ণিনী অতথানি তুমি দিওনা ধরা
সম্মত হও, আর একটুখানি আড়ালে থাকো
তুমি নও জেনো, স্বপন তোমার পাগল করা
ওগো সুন্দরী, ~~স্বপন তোমার~~ নিজেই ঢাকো ।

✓ও বরতনুর নয়ন ভোলানো মহিমাগুলি
যখন তখন যেখানে সেখানে ধোরোনা তুলি
গোপন যে কথা সরমে মরমে উঠিছে ছলি
স্পষ্ট করিয়া নাই বা বলিলে—গোপনে রাখো
স্বপন কুহেলি ছিঁড়িয়া বাহিরে এসো না ভুলি
স্বপন ভাঙিলে গুমোর তোমার টিকিবে নাকো ॥

দুর্লভ ছিলে : তোমার পায়ের নখর হেরি
মুগ্ধ কবির লেখনী রচিত কত শুব
কোথা সেই কবি ? আজ দেখিতেছি তোমারে ঘেরি
দালাল দোকানী খরিদারের মহোৎসব ।

মূলভ তোমার প্রকাশ আজিকে রূপসী, অয়ি,
সিনেমায়, নাচে, বিজ্ঞাপনেতে লাস্ত্রময়ী
ভাবিছে পশুটা এতদিনে আমি হয়েছি জয়ী
বস্তা বস্তা রূপসী মিলিছে—সস্তা সব ।
ভীড় বাড়িতেছে : মনের মানুষ মিলিল কই ?
কহ বিজয়িনি কেন শোচনীয় এ পরাভব ।

অক্ষয়

লেখার তাগাদা দিতে ভাই
তোমাদের কোন দ্বিধা নাই ।
পোষ্টকার্ড কিংবা খামে
নানাবিধ লেখকের নামে

ঠিক বা বেঠিক
মিষ্টিক, কমিউনিষ্টিক
রিয়াল বা আইডিয়ালিষ্টিক
যে যেখানে আছে
সকলের কাছে
এক একটি চিঠি ছাড় তাই।
আমরা যে লেখা কোথা পাই
সে কথা ভাব না একবার
মনে হয়—ওইরে আবার—
আসিছেন দশভূজা আশ্ফালিয়া দশ-প্রহরণ
কি উপায়ে করা যায় শির-সম্বরণ !

তোমাদের তাগাদার চোটে উর্দ্ধ্বাসে
গল-লগ্নী-কৃতবাসে
হাজির হইয়াছি কল্পনা মন্দিরে
হতাশা-বিধ্বস্ত-চিন্তে আসিয়াছি ফিরে।
বন্ধ কপাট সেথা—দ্বারে খাড়া দ্বারী !
শুনিলাম মুখে তাঁরই
হয়েছে বিপদ
কল্পনার শ্রীপদে শ্লীপদ
লাঞ্ছনগো কোমরে
নাচিতে অক্ষম তিনি ভুলাইতে পাঠক-ওমরে
আমি জানি ওটা ভান।
যে তাণ্ডব-নৃত্য তিনি নাচিবারে চান
ঝটিকা-ঝঞ্ঝনা-ছন্দে, সমুদ্র-মগ্নন-লাস্ত ভরে
এ আসরে

সে নাচ নাচিতে মানা,
জ্বীপদের করিয়া বাহানা
সরিয়া আছেন তাই বন্ধ করি' দ্বার
এখন খ্যামটা নাচে রুচি নাই তাঁর ।

অথচ তোমরা ঝাঁকে ঝাঁকে
সিনেমা দেখার ফাঁকে ফাঁকে
ডালমুট কিনে,
অথবা ক্যান্‌টিনে
অর্ধ-নগ্ন তন্বী-হস্তে চা পান করিয়া সমাপন,
অথবা সারিয়া কোন 'সোশাল ফাংসন,'
ভিখারীর ভীড় ঠেলে বাজাইয়া মোটরের হর্ণ,
এড়াইয়া মিলিটারী বাঁচাইয়া আঙ্গুলের corn,
পার হয়ে 'কিউ',
ঝাঁকে ঝাঁকে দলে দলে—রামা শামা ইউ—
সুরসিক সিগারেট-মুখ
সাহিত্য-চর্চার লাগি' রয়েছে উৎসুক ।
শুয়ে বিছানায়
সুরঞ্জিত পূজা-সংখ্যা মাসিকের রঙীন পাতায়
কাহিনী গিলিতে চাও প্রেম-তুলতুলে
ঘুমে ঢুলে ঢুলে ।

বুঝি অবস্থাটা ।
ঘা রয়েছে দগদগে কাটা
অবিশ্রান্ত পড়িতেছে নুন
কি মজা কি মজা বলি' হাসিয়া হইতে হবে খুন

তবু তোমাদের নাকি,
উড়াইয়া পচা তাড়ি, জড়াইয়া রঙ-মাখা সাকী
হল্লোড়ে মাতিয়া তাই থাক ভরদিন,
ক্ষুদ্র-চিন্তে কাব্য-মরফিন
খুঁজে ফের আনাচে কানাচে
সকলের কাছে ।

থাকিলে দিতাম ভাই—আপত্তি ছিল না
কিন্তু হায়, কল্পনা যে আমোল দিল না ।

ভৌতিক

[শ্রীভূতনাথ ভট্ট একজন অতি-আধুনিক কবি । তাঁহাকে
একদিন ‘প্রভাতের শিশির’ বিষয়ক একটি কবিতা লিখিয়া দিতে
অমুরোধ করাতে নিম্নলিখিত কবিতাটি লিখিয়া পাঠাইয়াছিলেন । সঙ্গে
একটি কাগজের টুকরায় লেখা ছিল—‘আপনার জ্ঞান সুবোধ্য করিয়া
লিখিলাম ।’ তথাপি কিন্তু আমার মাথায় কিছুই ঢুকিল না । অতি-
আধুনিক-কাব্য-সমালোচক বহু ডিগ্রীধারী অধ্যাপক শ্রীমুক্ত হর্ষোৎকল্ল
মাইতি মহাশয়ের শরণাপন্ন হইলাম । তিনি অমুরূপ করিয়া মধ্যে মধ্যে
টীকা লিখিয়া দিয়াছেন । পড়িয়া যে আনন্দ লাভ করিয়াছি, তাহা একা
ভোগ করিয়া সুখ হয় না, সেই জ্ঞান আপনাদেরও আহ্বান করিতেছি—
আনন্দ, ধন্য হউন ।]

নব দূর্বাদল-শীর্ষে আকম্পিত শিশির-কণিকা—
রাবীন্দ্রীয় ভাষায়, কণিকা !
আমি আধুনিক কবি,
এই ছবি

মোর চক্ষে দীপ্যমান হয় নব-রূপে
 শতাব্দীর কূপে
 যে কুপমণ্ডুক
 আপিজল হর্ষোচ্ছ্বাসে নিজ ছুঃখ সুখ
 রোমন্থন লাগি
 ধ্যানমগ্ন কর্কটেরে করেছে বিবাগী,
 বর্ধা স্ফীত তারই অহঙ্কার
 বারম্বার
 উদ্বেলিত করে বারি রুষে,
 যেথা মরে ফুঁসে
 (সঙ্কানিয়া শঙ্খচিল-ছল)
 পল্লব-আগ্রহী লক্ষ বাছুরের দল,
 উৎসারিয়া ম্যমির মিনারে
 (ভূর্জ-মুগ্ধ তন্দ্রাচ্ছন্ন নয়ন-কিনারে)
 টেরোডাক্টাইলের অতীত-ভবিষ্য-লক্ষ্য
 অধুনা-বিলুপ্ত পক্ষ
 যার বাণী
 বলে, সাজো — সাজো
 হে মালকোষ, এরোপ্পেনে বাজো
 কমিউনিজম-ক্ষুর বাজো মধুটুসি
 তন্দ্রালু পতঙ্গ-বন্ধে বাজো মহাখুশি
 বাজো সব, কোন ভয় নাই
 দম্ভ-হীন হে দম্ভুর, ফৌপরা ফানুসে মার ঘাই'
 নির্বিবশেষে পার যতক্ষণ
 গিরগিটির পুচ্ছ-প্রান্তে ই-বোটের তোল শিহরণ ।
 বল তুমি বল হে বিদ্রোহী

পাংশু নিন্দা সহি
শিশিরের ক্ষুদ্র বৃক্ষে শালিকেরা হেরে বিশ্বরূপ !
সহসা নিশ্চুপ...
নিঃশেষ হইয়া আসে নাৎসীয় ধূপ
শতাব্দীর কূপ !
পর্বত সমুদ্র নদী খাল বিল খানা ডোবা চর
সমস্ত ধূসর ।

[টীকা : স্পষ্টই বোঝা যাইতেছে, কবি এখানে শতজনদীর কথা
চিন্তা করিতেছেন । নিজস্ব আধুনিক পদ্ধতিতে শতজনদীর এমন
বর্ণনা অল্প কোথাও আছে বলিয়া আমাব জানা নাই ।]

ধূসরের আধুন্ন নীলিমা
অতিক্রমি হরিদ্রোভ সীমা
আকপিশ গোলাপীর তীরে আসি থামে
বল্লরী-বল্লভ-দেহ ভিজিয়াছে ঘামে ।
কহে বারে বারে
'ঘোলা জলটারে
ধিতাইতে দাও'
এ বাণী যে বলেছিল নহে সে ফারাও '
চেনো তারে ?
লাউংজেরে ? '
জরথুষ্ট্র হাসে অটুহাসি
সে হাশ্বে উচ্ছ্রিত হয় শড়া, গলা, বাসী
(আহিরমন্ ভয়ে কম্পমান)
আগ্রহ-তৎপর বজ্র করেছিল যার অবসান
চেনো তারে ?
হেরিছ নীহারে ॥

প্রায়-মানব, তক্ষশীলা, শব্দব্রহ্ম, সাকী হে শর্করা
(সাবেক 'পুরাণ' লয়ে আধুনিক বাজারে দর করা ।)
চন্দনিত শিব-লিঙ্গে অন্ধভক্তি গন্ধ-বণিকের
নহে ক্ষণিকের
নহে আবশ্রিক
আবার ধূসর চারিদিক ।

[টীকা : ১৯০৩ খ্রীষ্টাব্দের ১৭ই ডিসেম্বর orville Wright একটি বাই-প্লেনে প্রথম আকাশ-যাত্রা করেন ১২ সেকেন্ডের জ্ঞত। এই ঘটনাটির আভাস যদিও উক্ত লাইনগুলির ফাঁকে ফাঁকে আপনারা সকলেই দেখিতে পাইতেছেন, কিন্তু ব্যক্তিগতভাবে আমার মনে হয়, কবি তাঁহার অল্পম ভঙ্গিতে 'Mendelian conception of gametic differentiation'কেই ব্যক্ত করিয়াছেন ।]

পুনরায় দেখা যায় কচি কচি আলো
(ঈষৎ পেট্রোল গন্ধী, আতপ্ত,পঁচাচালো—)
মাইরি মোহন দ্বীপ
জিপ্ জিপ্ জিপ্ জিপ্
হাঁসের বাসর-ঘরে হাঙরের হাসি !
হরিকеле বাস করে আসি
ইচিং—চৈনিক
জ্ঞান-মার্গী আজব সৈনিক
অতি দূর সপ্ত শতাব্দীর !
পাঞ্জাবি আন্ধির
মান-রক্ষা করে যথা জাল গেঞ্জিগুলি,
নাতি-শীতোষ্ণ পুলি
পিসীমার,
জীবন-বীমার

অশ্লীল আত্মা জেনো ডাক্তার তেমতি,
 ডিগ্রী-ডাঙ্কেতে চড়ি এরা নাহি হ'লে শুভ-মতি
 ঘনিষ্ঠ ঘুগেরা আসি সাক্ষ ঝাঁপতালে
 নিঃশেষ করিয়া দিত জালা-ভরা চালে,
 খঞ্জ নাহি হইত খঞ্জন
 কাদাখোঁচা হইত না কর্দমরঞ্জন,
 শফরী-নয়না কভু নাহি হ'ত গবাক্ষ প্রেয়সী
 মৃত্যু-মুখী মোটরেতে বসি ।
 হাসিতেছে ধাওড় মুস'র
 সমস্ত ধূসর !

[টীকা : এই অংশটিকে মঙ্গ-সপ্তকে Pataeozoic বলা চলিতে
 পারে নিশ্চয়ই, কিন্তু মূল সংস্কৃত বামায়ণের স্তম্ভের কাণ্ডের সহিত
 তুলনা করিলে এই অংশটাই জিতিবে বলিয়া আমার বিশ্বাস ।
 শঙ্করাচার্য্য এবং কন্বাসিয়সের বিখ্যাত উক্তিগুলিও এই প্রসঙ্গে স্বর্ভব্য]

ধূসর কুয়াশা পুন কাটে
 বসি মহাকাল-খাটে
 চালাইয়া ত্রিকাল-কঙ্কতী
 জটা সংস্কারে মন দিয়াছেন ধূর্জটি সম্প্রতি ।
 কঙ্কতিক-ভরা
 অসংখ্য উকুন পড়ে ধরা
 জেপেলিন, এরোপ্লেন কিলবিল করে ঝাঁকে ঝাঁকে
 কঙ্কতিকা-দন্ত ফাঁকে ফাঁকে ;
 ক্ষিপ্ত মহেশ বুঝি হয় নটরাজ !
 'চোখ-খেকো, নাই তোর লাজ'
 উত্তত করিয়া ঠোনা কহিল কল্পনা
 'স্পর্ধা তোর দেখি তো অল্প না !

ভাল ক'রে দেখ আরবার
 একি কারবার !
 উক্ত চিত্র উক্তভাবে সে-কালীয় কবি দেখিবেন ।
 তুই দেখ যেন বিগ বেন
 ভাগ্নরীয় উচ্ছ্বাসেতে মধ্যরাত্রি করিছে ঘোষণা ;
 সে ক্যাপিট্যালীয় ছন্দ মরম-শোষণ
 প্রোলিটারিয়েট-মার্কা পুকুরের ধারে
 আছাড়ি পড়িছে বাবে বারে
 বুজ্জোয়া-ভঙ্গিমাভরে আথালি পাথালি,
 (নিষুতি নয়ন 'পরে নিদালি রাতালি)
 বোকনো মাজিবার ছলে যেথা আবলুশিকা
 চতুরা মৃষিকা
 নিত্য ফেলে কাটি ;
 মর্শ্ম-পেটিকাটি ;
 যে রক্ত-গোধিকা
 ধরণী-শোধিকা
 যে স্বর্ণ-দর্দূর
 স্বর্ণকার-দর্প করে চূর,
 এরা তুচ্ছ যার কাছে
 তুই দেখ তাহাব ছোঁয়াচে
 জল স্থল অন্তরীক্ষ বিশ্ব চরাচর
 সমস্ত ধূসর ।'

[টীকা : মহাপুরুষ-প্রসঙ্গ নাম দিয়া বিবেকানন্দ ১৫৬ পৃষ্ঠাব্যাপী
 যে চরিত্রচর্চণ করিয়াছেন, তাহা কত সংক্ষেপে কত স্পন্দনভাবে
 এবং কত নূতনত্ব সহকারে বলা যায়, এই লাইনগুলি পড়িলেই
 তাহা বুঝা যাইবে। ইহা ছাড়া, কবি-মনে সাধাবণ বস্তুনিচয়

sublimated হইয়া যে কি অপরূপ অদ্বুত আকার ধারণ করে, তাহাও
এই অংশটিতে দ্রষ্টব্য। Theory of Relativity, fourth
dimension, pre-existence of time সমস্তই কত সহজে ব্যক্ত
হইয়াছে !]

ধূসরের যবনিকা কে আবার তোলে !
পুনরায় দোলে
বিনতা-অগুঞ্জ মায়া
অসমাপ্ত অরুণের কায়া
বরুণের বাষ্প-দেহে তুলিতেছে ফিজিঞ্জ ফচলায়ে ।
দেখিলে কচলায়ে
যদিও ধূসর সব
মাঝে মাঝে তবু যেন করি অল্পভব
অধূসরও আছে কিঁছু এই ধরণীতে ।
সরণীতে
শরাবখানায়
'ভিব্জিওর' মাঝে মাঝে হয়তো মানায় ।
আমি কিন্তু কভু তারে করি না স্বীকার
মধ্যবিস্ত এ রুচি-বিকার
নহে মোর মজ্জাগত,
ক্রেখনক-শঙ্কাহারী আমি জয়দ্রথ
প্রতিবাদ অনিবার্ধ্যের,
ফুলঝুরি-বেড়া-দেওয়া বুটিদার কারুকার্যের
আমি কর্তা করণ কারক,
হায়েনার বুকভরা খুক কাসি আমার স্মারক ।
শ্যামল উষর
মোর কাছে সমস্ত ধূসর ।

[টীকা : মুচুকুন্দফুলের সৌরভে ধাহারা মুগ্ধ হন, ঠাহারা এই অংশ-টুকুর অর্থ বুঝিতে পারিবেন না। মঙ্গলগ্রহে ইউরোফোনাস ফস্ফরিকা নামে এক প্রকার গন্ধগোকুল জাতীয় প্রাণীর পুচ্ছগ্রহ হইতে যে অপার্থিব সৌরভ নিঃসৃত হইবার কথা, কবি তাহারই গন্ধে বিভোর হইয়া উক্ত পংক্তিগুলি রচনা করিয়াছেন। আপাতদৃষ্টিতে মনে হইতে পারে বটে যে অবচেতন লোক হইতে বহিমুখী ঈশ্বাকে চাপিতে গিয়া এই কাণ্ড হইয়াছে। তাহা যে সত্য নয়, তাহার প্রমাণ Frost control করিয়াও কবির কল্পনা Clyde Bank-এর Ship yard-এর অবস্থা প্রাপ্ত হইল কি করিয়া? নানাবিধ হাস্যসিন্ধ ফুলের বর্ণ-গৌরবও বা এমন মুন্সিয়ানার সহিত এই অংশটির প্রতি ছাে প্রকট করিলেন কি করিয়া যদি ইউরোফোনাস গন্ধ-মদিরা ঠাহাকে বিহ্বল না করিয়া থাকে!]

ঈশ্বর্য্যাকা কোকিলের খানদানি কোভ-ক্লাস্ত স্বর
ফ্যাকাশে ধূসর।
সে ধূসরে ব'সে আছে কাবুলিয়া মেনি
পিচুমর্দ-শাখে বসি কাঁদে যাজ্ঞসেনী।
বাজ্জায়ে রবাব
রাছ খায় চাঁদের কাবাব :
আমরুল-চাপ
রোধ করে অ্যামিবা-প্রতাপ :
কিসের আশ্বাসে
পাণ্ডবেরা হাসে !
অপরাজ গত
বৃষ্টি পরে ছোবলের মত।
সন্ধ্যা নামে
দ্রোমে।
যাযাবর কাফে !

পাউডার-পাফে
সিনেমা-সখীরা হাঁচে
অলিম্পিক নাচে ।
ঠারেঠোরে
পাখা ঘোরে ।
মেকি বেঁকি চুড়ি পরি ঢেঁকিতে পা দিয়া
এক্সের প্রিয়া
এক্স ছাড়া সকলেরে করে আবাহন
বাজায় কাঁকন ;
কাঁকে কাঁকে
ছঁকা ডাকে ।
কম্বুকণ্ঠ মিতা
অসীম আগ্রহে খোঁজে ফিতা
বাণীহীন বাণীকণ্ঠ লাগি,
লণ্ঠনের ফিতা নাই অন্ধকারে রয়েছে সে জাগি ।
মরে হেসে ডাক-টিকিটেরা
উকিল মক্কেল করে জেরা ।
ফলসাপাছের বাঁকে
কাঁকে কাঁকে
মাছের ছানারা
চেলো-যন্ত্রে বাজায় কানাড়া ।

[টীকা : Xenophone অরণ করুন ।]

নৈশ্বত উৎসাহভরে জম্বুক অশ্লীল হয় ,
অবিমিশ্র ভয়
হয় তিক্ত
হয় সিক্ত ।

নিরঙ্কুশ নভস্থলে
শ্রেণীবদ্ধ আরসোলা সামরিকভাবে উড়ে চলে
লক্ষ লক্ষ সারে সারে
গুজব বাজারে
নারীরে করিতে জব্দ পৃথিবীর ক্ষিপ্ত পুংগণ
ছাড়িয়াছে অগণন
সুদক্ষ আরসোলা ।
ব্যাঙ কোলা
শিক্ষা লভিতেছে বসি গুপ্ত কোন শিবির-ভিতরে
বাহিরিবে পরে ।
অতি-সাম্য বেদান্তের অপূৰ্ব চিন্তন !
মিল ও অমিলে চলে চুলাচুলি দ্বন্দ্ব চিরন্তন
বাসী গজকচ্ছপীয় সুরে,
হে কাশ্যপ, আছ কত দূরে !
হেনকালে রগ-প্রান্তে
বিয়াত্রিচে সহ আসি বসিলেন দাস্তে ।
ইতালীয় গোনাদের ঝড়ে
রগ ছিঁড়ে পড়ে ।
যুথ বুজি
মনীষা-ঠেকনো গুঁজি
রুখিলাম তাহা ।
তারপর দেখিলাম, আহা,
বিয়াত্রিচে-ঐখি ছুটি, মাই গড, গুজরাটি-ধূসর !
সুযমা-সু-শর ।
নাতিদীর্ঘ ধূসরের আমন্ত্রণ পট-ভূমিকায়
জাগে কবি

খোশামোদ-লোভী ।

ডি শার্পে শোনা যায় বাস্তবযু-স্বর

‘আমি আছি, ভয় নাই যাহা খুশি কর—’

দেখিলাম শেষ করি লিখা

নব দূর্বাদল-শীর্ষে শুকায়েছে শিশির-কণিকা ।

[টীকা : ইকনমিস্টের সহিত জুওলজিব প্রকৃত সম্পর্ক কি এবং সে সম্পর্ক অক্ষুণ্ণ রাখিয়াও কি কবিতা আনুচাষ করা সম্ভব, তাহাই এই অংশটুকুর মূল বক্তব্য ।]

জেমস জেইস *

নীল টুকরো জানলার জাফরি খানায়

কাশ্মীরী শাল, বাতাবি, চাবির রিং,

ফিকে হাসি মেস জানে সে জানত না

আদা কবীর আর কাদা কাদা ঘি

চলতে হবে

জাবালি ছিল এসে এবং উপরন্তু কমা

নতুন ছি ছি অ্যানাটমি সেমিকোলনের

কবে কবে চলছি নাকচ তাবৎ দুর্জয়

শ্রাম্পেন চুগকাম ফিরিঙ্গি বাজুশাই

যাচ্ছে যাচ্ছে

নবীন বাদামী পুরু কবুলতি-কশাই
রিকসা গণিকা নিরন্তর অস্থি-লোপ
চব্বিশ-ঘণ্টা ঘণ্টা চব্বিশ ওলটানো
ফাঁকি কিনারা ইসারা পঁচিশ শিলিঙ
চলছে সে

তাৎক্ষণিক

(বীজ-রূপ)

সংবাদ-ক্লান্ত মানস-লোকে
বৃহদারণ্যকীয় যাজ্ঞবল্ক্যোদয়,
চাটনি।
ঘেউ ঘেউ ঘেউ—
আ-টেরিয়র শুন।
উত্থান
(ঈজি—চেয়ার থেকে) !
ডোরা-ছিটের ফতুয়া-ঢাকা পিঠ,
নেপথ্যে জীর্ণ ক্যান্ডিস জুতো।
কানের পাশ দিয়ে
তোবড়ানো-বালতির কানা-দর্শন !
সে.....
পিড়িং
চড়ুই পাখী।

ফরফর

রঙীন কাগজ ।

...ঘুড়ি, ছেলেবেলা, অমূল্য পণ্ডিত,
অমূল্য উকিল, বত্রিশ টাকা, অচল টাকা,
বাজার—

কাঁচকলা, উচ্ছে, লাউ, শসা, শিম ।

জ্যাঠামশায়, বহুমূত্র, ডাক্তারের ফী ।

ট্রিং ট্রিং...সাইকেল,

ছড়মুড়...গরুর গাড়ি,

এক জোড়া ছুটন্ত ছোকরা ষাঁড়

হেতু পা,

নহাঁ নহাঁ নহাঁ ।

ডেন-যেঁষা দিলদার মিঞা

বয়েত, আতর, ফাহা ।

দুঃসময়,

গ্রীবা-চালনা ।

(যাজ্ঞবল্কীয় ঘাই !)

প্রায়-নগ্ন নারী—

ছবি, বিজ্ঞাপন, বাঁধানো, টাঙানো ।

ঝেঁটা মার, ঝেঁটা মার, ঝেঁটা মার—

(যাজ্ঞবল্ক্য ডুবলেন)

পাশের বাড়ি ।

ছুটি ছবি

তস্বী, তস্বুরী

বিবাহের পূর্বে ও পরে ।

ছড় ছড় ছড় ছড়— বাচো ধাক্কা—

এক্সার সারি—

উকিল, মোস্তার, মক্কেল,

শিক্ষক, ছাত্র, কেরানী.....

দৃষ্টি পরিবর্তন—

কুশনের ময়লা ওয়াড়,

ধোপা, সোমবার, ক্লাব,

এইচ, জি, ওয়েল্‌স

নোম্যাড্‌স, সাম্রাজ্যবাদ, পুরোহিত,

বিজ্ঞান ।

থুট—

পিওন,

দাড়ি-নেই নিরীহ-গোছের মুসলমান ।

চক্ষু-চড়কগাছকারী চিঠি !

সদলবলে জনার্দন ।

গৃহিণী,

রাঁধুনি,

(যাজ্ঞবল্ক্যের পুনরুঁকি)

আদেশ ।

উৎপাটিত-গাত্র ভৃত্য,

রোদের ফালি,

ক্যাম্বিসের জুতো শুকানো ।

অভিনেত্রী

সবুজ ঘর,

আভ্যন্তরিক অপ্রস্তুতি,

ছি—ছি—।

কর্ণকণ্ঠ—সহসা

আঙ্গিক আকৃতি ।
কনিষ্ঠার ব্যর্থ প্রয়াস,
আপেক্ষিক পরিধি-সঙ্কট ।
কাঠি চাই..... ।
পাঁচ মিনিট ।
শ্রীপ্রেমমুন্দর বসু,
শ্রীক্ষিতিমোহন সেন,
তাৎক্ষণিক ।

(বৃক্ষ-রূপ)

বৃক্ষ-রূপ, মানে ব্যাখ্যা-রূপ
অসংস্কৃত অনাধুনিক প্রাকৃত
পাঠক-সম্প্রদায়ের জ্ঞাত ।
বিদগ্ধ-সমাজে
বীজরূপই যথেষ্ট রসোদ্বলক ।
সংক্ষিপ্ত অক্ষর-বাহিত ভাব বীজ
উপ্ত হয় মস্তিষ্ক-টবে
দৃষ্টির মারফৎ ।
সার যদি থাকে,
যদি থাকে হৃদয়-তাপ,
সময়-মাফিক স্বতঃই
অঙ্কুরিত, পল্লবিত, পুষ্পিত হয়
সিঁজন-ফুলদল ।
বৃক্ষ-ব্যাখ্যা তাদের জ্ঞাত,
যারা অমাবস্তার অন্ধকারে

পূর্ণিমা-চাঁদ-রুটি
রস-ঝোলে ডুবিয়ে খেতে পারে না
কায়দা ক'রে ।
ইতি ভূমিকা ।

ফরফর ক'রে উড়ছিল
খবরের কাগজের পাতাগুলো ;
সাম্প্রদায়িক রাজনীতি আর যুদ্ধ—
চর্বিবত-চর্বিগ ক'রে ক'রে
মানসিক রসনা হতশব্দ,
দম্ভ ক্লান্ত ।
ঔপনিষদিক চাটনি চাটলে
যদি কোন ফল হয় এই ভেবে
ঈজি-চেয়ারে শুয়ে
বৃহদারণ্যকের গুরু-গম্ভীর আবহাওয়ায়
তা দিচ্ছিলাম যাজ্ঞবল্ক্য-ডিম্বে ।
ঘেউ ঘেউ ঘেউ—গররররর
ডেকে উঠল ট্যাস টেরিয়ার কুকুরটা !
উঠলাম,
উঠতেই চোখে পড়ল চাকরের পিঠ
ডোরা ছিটের ফতুয়া-ঢাকা !
মানস-নয়নে দেখতে পেলাম,
নেপথ্য-বিহারী ক্যান্সিসের
জুতো-জোড়াকে
খড়ি মাখানো হচ্ছে ।

চাকরের কানের পাশ দিয়ে দেখা যাচ্ছে
তোবড়ানো বালতির কানাটা ।
মনে পড়ল তাকে
যার জন্মে কানাটা তুৰড়েছিল একদিন,
সে.....

সে ভেসে গেল
নবাগত তরঙ্গ-তাণ্ডবে ।
নাচতে নাচতে ছুটে এল
পিড়িং ক'রে চড়ুই পাখী,
ফরর করে রঙিন কাগজের টুকরো
মনে পড়ল ঘুড়ি, মনে পড়ল ছেলেবেলা,
মনে পড়ল অমূল্য পণ্ডিত ;
তারপর অমূল্য রায় উকিল
বত্রিশ টাকা দিতে হবে তাকে !

টাকা—

একটা টাকা চলে নি আজ বাজারে ।

বাজার—

কাঁচকলা, উচ্ছে, লাউ, শসা, শিম ।

এসব ছাড়া জ্যাঠামশায়

আর কিছু খান না

বহুমূত্র,

ডাক্তার আসে,

ফী চায় ।

টুং টুং টুং

(দৃশ্য বদলাল,

সচেতন মনের পালা এইবার)

সুড়ুং ক'রে বেরিয়ে গেল সাইকেল ।
তারপরই
ছদ্দাড় ছড়মুড় ক'রে একটা গরুর গাড়ি,
এক জোড়া যুবক বলীবর্দ উদ্গাদ হয়ে
ছুটে চলেছে ।
না ছুটে উপায় নেই
অভিজ্ঞ গাড়োয়ান
পুচ্ছের পাশ দিয়ে চালিয়ে দিয়েছে
খরখরে পা
নিরুপায় নাভি-নিষে,
জিহ্বা তালু এবং নাসা সহযোগে
অমাত্মিক শব্দ করছে
নহাঁ নহাঁ নহাঁ ।
ড্রেনের ধার ঘেষে
ব্রস্তু হয়ে সরে দাঁড়াল
দিলদার মিঞা,
মখমলী গোল টুপি,
কালো পারসী কোট,
কেয়ারি-করা পাকা দাড়ি
আতর ফেরি করে ।
চোখোচোখি হ'লেই
আদাব ক'রে
হাসিমুখে এগিয়ে আসবে একুনি,
ফাহা ক'রে আতরের নমুনা দেবে,
আওড়াবে ফারসী বয়েত
এবং শেষ পর্য্যন্ত হয়তো

কিনিয়ে ছাড়বে কিছু ।
দুঃসময় যাচ্ছে,
ঘাড়টা ফিরিয়ে নিলুম ।
চোখে প'ড়ে গেল
(অবচেতন মনে যাজ্ঞবল্ক্য ঘাই মারছে)
চোখে প'ড়ে গেল
অনাবৃত-দেহা
কুঞ্জ-ভঙ্গিনী মেয়েটিকে,
মানে মেয়ের ছবিটিকে
বিজ্ঞাপন এসেছিল,
বাঁধিয়ে টাঙিয়ে বেখেছি ।
(মবিয়া যাজ্ঞবল্ক্য ফুটি ফুটি করছেন)
কোঁটা মার, কোঁটা মার, কোঁটা মার
পাশের বাড়ীর কত্রী ।
(যাজ্ঞবল্ক্য ডুব মারলেন
অচেতন মানস-পাথারের অতল থেকে
আবিভূতা হলেন সচেতন বঙ্গমঞ্চে
খড়কে-ডুরে-পরা
মুহূহাসিনী
তন্নী একটি,
এবং তাব পাশেই গহনা-গ্রন্থা
জমকালো বেনারসী-পরা
বীভৎস-কাণ্ডি
গলদঘর্ষা
আর একজন ।
একই ব্যক্তি—

প্রাগ-বিবাহ, বিবাহোত্তর ।
 ছড় ছড় ছড় ছড়
 বাচো ধাক্কা—বাচো ধাক্কা—
 উকিল মোক্তার মক্কেল
 শিক্ষক ছাত্র কেরানী
 স্নুস্নু অস্নুস্নু
 রসিক বেরসিক
 সকলকে বহন ক'রে ছুটে চলেছে
 এক্কার সাবি ।
 কেমন যেন শিবশিবিয়ে উঠল
 পায়ের নখ থেকে মাথার চুল পর্য্যন্ত,
 দৃষ্টি ফিরিয়ে নিলাম ।
 নিতেই
 চোখে পড়ল কুশনেব ওয়াড়,
 ময়লা হয়েছে,
 ধোপা সোমবার—
 সোমবাবে ক্লাবে বই ফেরত দিতে হবে
 এইচ জি ওয়েল্‌স
 নোম্যাড্‌স, সাম্রাজ্যবাদ, পুরোহিত,
 বিজ্ঞান.....।
 খুট—
 পিওন ঢুকল ।
 লোকটা মুসলমান,
 কিন্তু ঠিক যেন হিন্দু
 দাড়ি নেই,
 নিরীহ চেহারা ।

চিঠি দিয়ে গেল,
চিঠি পড়ে চক্ষু চড়কগাছ—
সদলবলে জনার্দন আসছে পরশু,
এক সপ্তাহ থাকবে ।
ফুটে উঠল মানসপটে
ক্রোধ-কুন্ত হাস্যমুখ গৃহিণী-আলেখ্য,
পলাতক মৈথিল রাধুনিটাও
আবছাভাবে ।
(যাজ্ঞবল্ক্য আবার উঁকি দিচ্ছেন)
চাকরকে আদেশ করলাম,
ওরে, বামুন দেখ একটা এখুনি
গাত্রোপ্থান করলে বেচারী,
খড়ি-মাথানো ভিজ়ে ক্যান্সিসের
জুতা-জোড়াকে
রোদের ফালিটুকুতে শুকুতে দিয়ে
চ'লে গেল ।
জুতো-জোড়ার পানে চেয়ে
অপ্রাসঙ্গিকভাবে মনে পড়ল
অভিনেত্রীদের—
ঐনরুমে ।
না না, ছি ছি
আলজ্জিত হলাম মনে মনে ।
হঠাৎ সুড়সুড়িয়ে উঠল কানের ভেতরটা,
ঢোকাতে চেষ্টা করলাম কড়ে আঙুল
কানের গর্ভে ।
গর্ভ ছোট,

আঙুল মোটা
আকুল চিন্তে উঠলাম
কাঠির সন্ধানে

শ্রীযুক্ত প্রেমসুন্দর বসুর ব্যাখ্যা অনুসারে
লিখলাম এই কবিতা ।
বলেছিলেন তিনি,
আমাদের সচেতন ও অবচেতন মনে
প্রতি মুহূর্ত যে ছাপ এঁকে যায়
তার অকুণ্ঠিত যথাযথ প্রকাশই
আধুনিক কাব্যের লক্ষণ,
সাজিয়ে গুছিয়ে বলাটা সেকেন্দ্রে কাণ্ড ।
পাঁচ মিনিটের ছাপ আঁকলাম
এই কবিতায় !
এর নামকরণ করেছেন
অন্ধ্রিয় ক্ষিতিমোহন সেন
তাৎক্ষণিক ।

বকিতা
ক্ষমা করুন ১৯৪১ দেবী,
খিলছি বকিতা
(কবিতা লিখত সেকালে)
কে ÷ তুমি ?

ইস { কু (জল ÷ জ) } পালানো (ম × ন) নিয়ে

খেদেছি খোচ

(চোখ দেখত সেকালে)

ব্লাক জাপান ? না,

বিস্মার্ক ব্রাউনও নয় !

সি [একার × মণ্ট] ক × আকার × লো ।

Log উনমন

Tan উসথুস

তা ছাড়া

$\sqrt{\text{সে} - \text{নয়} - \text{তব} - \text{সে}}$

রোদ - ০

জ্যোৎস্না + ?

প্রদোষ × !

এবং... অথচ - রেকারিং !

মিয়, না মিয়, 'মিয় ?

যাই হোক

(আমি + তুমি)^২

=

আ^২ মি^২ + তু^২ মি^২ + ২ আতুমি^২

এর মার নেই ।

অবশ্য

(আমি × তুমি) ÷ সমাজ

অথবা

(এক্স - তাহারা) ÷ রাষ্ট্র

গোলমাল বাধাবে একদিন ।

কিন্তু
আকাশ-গলিতে শোনা যাচ্ছে বড়বড়ানি
এরোপ্লেন-ছ্যাকড়ার :
এল ব'লে
প্যারাগুট-মার্ক্স আবেগে
তাই
হে ১৯৪১ দেবী
খোচ খেদে খিলছি বকিতা !

চকোর-খিঙ্কা
আকাশে আকাশে টো-টো ক'রে আজও জ্যোৎস্না করিস পান ?
ছি ছি রে চকোর-দল,
নেহাত পুরোনো সাবেক সেকলে ধাঁচা ।
যা বলছি বাপু, মন দিয়ে শোন,
ইজুতটাকে বাঁচা ।
জ্যোৎস্না খাবি কি ! 'লাপসি'-ভোজন করি সমাপন
কলের জলেতে ঝাঁচা ।
তারপর ছুটে চল
সেলুনেতে ঢুকে দাড়ি-ফাড়িগুলো চাঁছা,
ল্যাজ-ফ্যাজগুলো হাঁটা,
তার পর সেটা নাচাতে চাস তো হিসেব-মাফিক নাচা ।
বুকে-পেটে-পিঠে লেবেল-টেবেল সাঁটা ।

১৬৯

তার পর গিয়ে শিক্ষা নে
ভিক্ষা নে
দীক্ষা নে...
টানতে শেখ, মানতে শেখ,
শুষতে শেখ, জুসতে শেখ,
হাফপ্যাণ্ট প'রে নানান নামতা ঘুসতে শেখ।
তার পর ?
কর ফরফর, নয় ফড়ফড়।
উড়তে চাস তো ডানা ছোটো মুড়ে লাফিয়ে চড়—
বয়েছে 'প্লেন
ষ্টীমার ট্রেন
বাইক কার
চমৎকাব
(কিনবি ? আমার বয়েছে একটা নতুন 'বুইক' ।)
উড়তে উড়তে বাটনহোলের কিস-মি-কুইক
মাঝে মাঝে শৌক
পিড়িং পিড়িং ভেঁ। প্যাক পৌক
বাজনা বাজা—
ওরে ও খাজা
জরদগব ভব্য হ
কাগজ পড়, 'ইজম' শেখ, সভ্য হ।

জাবেন ?

“জানেন ? আমরা সিংহ ছিলাম

মধ্য এশিয়া দেশে,

যদিও এখন আঁদাড়ে পাদাড়ে

ঘুরিতেছি এই বেশে

চক্ষে মোদের থাকিত আগুন,

মাথায় কেশর-তাজ্জ,

নখরে অলিত ছোঁরাব দাঁপি,

কণ্ঠে বাজিত বাজ্জ ।

লম্ফে লম্ফে হতাম আমরা

গিরি মরুভূমি পার,

থাবার আঘাতে মেরেছি কতই

হাতী ঘোড়া গণ্ডার ।

জানি না মোদের পূর্বপুরুষ

কিসে যে ভুলিয়া গেলেন,

খাইবার পাস অতিক্রমিয়া

এ দেশে চলিয়া এলেন ।

বহু শতাব্দী এই পোড়া দেশে

বাস করিবার পর

এই দশা হয় হয়েছে মোদের

কণ্ঠে ফোটে না স্বর ।

ধোঁয়ার ভয়েতে পালাই এখন,

পাখার বাতাসে ডরি,

ঐধারে আড়ালে লুকাইয়া থাকি,
শিশুর চাপড়ে মরি ।
এই দুর্দশা হয়েছে জানেন
জল-বাতাসের গুণে—”
কর্ণকূহরে কহিল মশক ।
অবাক হইলু শুনে ।

সোনাটা

অস্তিত্বের পাঁজরে লেগেছে ঘা ।
নিরবলম্ব আত্মারামেরা
তবু ছাড়বে না
বাঁধা-বুলি কপচানো ।

চূর্ণ আয়নার সহস্র কুচিতে
একই মুখ দেখি সহস্রায়িত হ’ল
“গেলাম, মলাম, দ্বার খোলো দ্বার খোলো”
আর্ন্ত ক্ষুধিত শাণিত গজল
আসমুদ্র হিমাচল
গাইছে আব্রাহাম মুচিতে—
কৃষ্ণ বিষ্ণু রাম শ্যাম—নিশ্চিহ্ন আরামে ।
তাল কাটছে না
স্বয়ং বেতাল ডুগি বাজাচ্ছেন যদিও

মন্দ নয় এ সময় গ্রাম-নাম-সঙ্কীৰ্ত্তন ।
মশার কামড়, পচাপুকুর, ঝেঁটুবন
বন্ধকী জমি, ভাঙা হাল, মরা মন
রোগা গরুর ল্যাজ ধ'রে আউস আমনের স্বপন
মন্দ লাগবে না নেহাত ।
গজলের পর কীৰ্ত্তন উচিত জমা ।
জমলেই কিন্তু খরচ
খচ খচ
তবু জমুক—আহা, জমুক !

জমেই আছে ।
চোখে ছানি, সর্ব্বাঙ্গে খোস
জরাজীর্ণ দেদো খোলস,
গায়ে আত্মসম্মানের হেঁড়া কাঁথা,
আশে পাশে গোবর, কেলে হাঁড়ি, তোবড়ানো হাতা
ভাঙা তক্তাপোশ
নেই কি ?
গ্রাম-বুড়ি বিড় বিড় করে' কি আওড়াচ্ছেও যেন !

হয়তো রূপকথা—হয়তো প্রলাপ
হয়তো অভিশাপ,
হয়তো বৈদিক মন্ত্র,
মারণ-তন্ত্র হয়তো,
কিন্ধা প্রলয়ঙ্কর যন্ত্রের স্বপ্ন-ছড়া কোনও
কিন্ধা.....
হয়তো.....
ফুটকি ফুটকি ফুটকি এবং ফুটকি ।

তবু আসল কথা হচ্ছে—হেঁ হেঁ—
আমরা আছি এখনও দ্বন্দ্বরেচ্ছায় ।
ভালই আছি
এবং আছে কোলাকুলি, মিষ্টিমুখ
প্রণাম, অশীর্ব্বাদ,
খাম, পোষ্টকার্ড,
গছ পছ ॥
দন্তসার হাসিও ফুটেছে কঙ্কালদের মুখে
বাহবা কি বাহবা !

ফুটেবে বই কি !
সাবাস সাবাস—শতং জ্বিউ ।
মড়া কিউ,
“বাবারে বাবারে গেলাম মলাম”
টেঙ্কা, গোলাম
আমুক যাক বা থাক
আমরা যতক্ষণ আছি
বলবই কেয়াবাত, কেয়াবাত ।

সম্যালোচনা

সরঞ্জাম যদি থাকে কালি-বুরুশের
সঙ্গতি যতপি থাকে পূর্বপুরুষের
লেগে পড়
(নেপথ্যে—পড়েছি)

মাতৃগর্ভে জন্ম যার সেই তো রসিক
মাংস যদি পেয়ে থাক জুটিবেই শিক
খাশা হবে

(নেপথ্যে—হি হি)

শোভনীয় লেংগিই তো বীরত্বের ঠাট
লোপাট কাহারে করে অশ্বতর-চাঁট
ভেবো না তা

(নেপথ্যে—আরে ছুৎ)

চনমনে কখনও বা চটচটে চাটু
চর্বণ লেহন কর চরণ বা হাঁটু
জ'মে যাবে

(নেপথ্যে--হেঁ-হেঁ)

বাসিকায় তৈল দিও কানে দিও তুলা
নাভিতে আঁটিও বেল্টে পিঠে বেঁধো কুলা
বাস্ ।

(নেপথ্যে নীরবতা)

ইতিহাস

১

জুতুয়ার বাপ ছিল কুতুয়া
বইত সে সাহেবের জুতুয়া
পেয়ে ঢাকা টন টন
কীর্তির লগ্নন

আলাল

লজ্জা শরম দূরে পালাল ;
এবং সে টাঁকাতে
জুতো-বওয়া কড়াগুলো ঢাকাতে
রইল না কোনও খুঁতখুঁতুয়া ।

২

পটল তুলিল যবে কুতুয়া
গদি-সমাসীন হ'ল ভুতুয়া
ছাদসের শিরোমণি
ছনিয়াকে সবা গণি
হাসিল
অপরূপ ভঙ্গীতে কাশিল,
ভুতুবাবু যে সে লোক নয় তাই
দিন বাত শোনে 'জয় জয়' তাই
তিন পাবিষদ সাথে রয় তাই
জল-উঁচু জল-নীচু, তুতু আ ।

পিতার উক্তি

আরে আবে মশাই, বাঁচি সামলে গেলে
কার সঙ্গে জুটে কি যে কোথায় খেলে
বিগড়ে গেছে মাথা
জড়িয়ে গায়ে কাঁথা
খাচ্ছে খালি কচু ভেজে কলের তেলে ।

বলছে থেকে থেকে,
চল না এঁকে বেঁকে,
সোজা চলিস কেন ?

ভাল করে হাংচা !
বলছে ডেকে ডেকে
ভদ্রলোক দেখে
প্রণাম করিস কেন ?
ক্রমাগত ভ্যাংচা !
ফুলিয়ে রোগা ছাতি
বলে, মারব হাতী
দেখ না মেরেছি তো
মশা মাছি ব্যাং ছা
সাগর ফেলব শুষে
এবং ফেলব চুষে
চকোলেটের সঙ্গে
সরু মোটা ল্যাংচা ।
আহার নিদ্রা ত্যাগ করেছেন তো গিম্মি
বলুন দেখি দাদা, কোথায় মানি সিম্মি !

সপ্তক

১

সম্বলের শেষ প্রান্তে আসিয়া ধনেশ
পূজিল গণেশ ।

১৭৭

২

“গ্যাং গ্যাং গ্যাং গ্যাং গ্যাং গো
ব্যাং মোরা ব্যাং মোরা ব্যাং গো—
দেখিলাম মন-চোখে
নব বিভীষণ লোকে
ভেক ভেকী নাচিতেছে ট্যাঙ্গে।

৩

দধীচি হবেন নিজেই বৃত্ত
কন কবিরাজ বায়ু বা পিত্ত
আজ যে শত্রু কাল সে মিত্র
চলচ্চিত্র চলচ্চিত্র।

৪

একাকী করিতেছি দু খানাই-পানাই
রেডিওতে আচম্বিতে বাজিল শানাই
বোতল বগলে দেখি চলেছে কানাই
আবার পড়িল মনে কেরোসিন নাই।

৫

বশিষ্ঠ মরীচি আর পাঁচটি সঙ্গীরা
(পুন্হ পুন্হুত্ৰু অত্রি ও অঙ্গিরা)
কোথা কোন্ তৈল দিয়া সপ্তর্ষি হলেন
গঙ্গীরা সভায় বসি চিন্তেন পংখীরা।

৬

স্বর্গীয় সব বোমারুবৃন্দ প্র্যানচেট মারফৎ
গুনিলাম না কি ফতোয়া করেছে জারি

অগ্নিযুগের তোমরা যাহারা আজিও প্রদীপবৎ
টিম টিম ক'রে জ্বলিতেছ সারি সারি
প্রবন্ধ লিখে সময় নষ্ট করো না আর
শুধু মনে রাখো কালো-বাজার কালো-বাজার
গা-ঢাকা-দেবার মতন সেখানে অন্ধকার
আগুন মার্কি তোমরা যে ধ্বংসারি।

৭

প্রবীণ মাধব নবীন মাধবে কন
বাঁশী বাজাইও ছপুর বেলায় ঠিক
নবীন মাধব হাসিলেন ফিক ফিক
কোথায় যমুনা কোথায় কীচক বন
কোথায় শ্রীমতী কোথা শ্রীমতীর মন
বৃথাই বাঁশরী বৃথাই গাহিছে পিক
রাধার নয়নে জাগে বোমা আগবিক
নবীন মাধব প্রবীণ মাধবে কন
ইউরেনিয়ম বল দেখি কত টন।

খিচুড়ি-প্রসঙ্গ

১

চালের ডালের বাছিয়া কাঁকর
হিমসিম খায় দাসী ও চাকর
'এটা দে ওটা দে এ কর্ তা কর্
মসলা আন্'

১৭৯

সারা রাজবাড়ি কম্পমান !

বসিয়া ছাতে

রাজার মহিষী থিচুড়ি রাখেন

নিজের হাতে ।

২

‘পাক-প্রণালী’র পাতা উল্টান

ক্ষীর মেওয়া হিং ঘৃত জাফরান

হাতের কাছেতে যখন যা পান

ছাড়েন সব

হাঁড়ির ভিতরে মহোৎসব !

পড়িয়া বই

রাজার লাগিয়া থিচুড়ি রাখেন

রাজার সহ ।

৩

মস্তকে পরি মুকুট কনক

সভায় ছিলেন প্রজার জনক

সহসা তাঁহার নড়িল টনক

—থিচুড়ি নাকি ?

গন্ধ পাইয়া পরাণ-পাখি

মেলিল ডানা,

রাজসভা ছাড়ি অন্তঃপুরে

দিলেন হানা ।

৪

বুড়া রাধুনীয়ে শুধান নৃপতি

‘গন্ধ কিসের বল তো শ্রীপতি ?’

কহিল শ্রীপতি করিয়া প্রণতি
ঝাড়িয়া গলা,
‘খিচুড়ির প্রভু ধরেছে তলা ।’
প্রমাদ গণি
রাজ্ঞী-সকাশে যান গুটিগুটি
নৃপতিমণি ।

৫

দেখিলেন যাহা নহে তা খিচুড়ি
মেতেছে মেথলা, বাজিতেছে চুড়ি,
চূর্ণ অলক পড়িতেছে উড়ি
চোখে ও মুখে
কাঁচুলি বুঝি বা রহে না বুকে ।
আপনানাহারা
বাজুর দোলক ছলিয়া মরিছে
পাগলপারা ।

৬

ষোড়শী রূপসী ধরম-কাস্তা
ঘরম-সিন্তা পরম শ্রাস্তা
ঈষৎ ঝুঁকিয়া খুন্তি ছান্তা
ঝনৎকারি
রাঁধিছে খিচুড়ি চমৎকারই !
বাহবা তোফা
গালেতে কাজল, লুটায় আঁচল
শিথিল খোঁপা ।

৭

অপাঙ্গে রাণী চাহি পতি পানে
কহিলেন হাসি, 'কি হ'ল কে জানে !'
রাজা কহিলেন, 'গন্ধের টানে
এসেছি ছুটে,
বহু ফুল যেন উঠেছে ফুটে,
আ মরি মরি,
চাখিয়া দেখিব দাও তো একটু
প্রাণেশ্বরি !'

৮

চাখিয়া রাজার রোমাঞ্চ জাগে
নয়নে কিসের নেশা যেন লাগে
কহিলেন রাজা গাঢ় অনুরাগে,
'অপূর্ব এ !
কাহিনী শুনেছি পড়েছি বইয়ে,
খাই নি কভু,
হয়ে গেল যেন সহসা আজিকে
ছিল যা হবু।

৯

'এর পর যাহা আসিছে অধরে
বলিতে চাহি না এ খোলা সদরে
তা ছাড়া বাখানি সে গদগদ রে
নাই সে বাণী !

অন্দরে তুমি চল গো রাগি,
খিচুড়ি থাক,
ও অনবদ্য স্মৃতির অংশ
সকলে পাক ।’

১০

তারপর যাহা ঘটেছে তাহার
বর্ণনা জানে কুলি ও কাহার
যে কোন বায়ুন বৈদ্য সাহার
মুখেতে শুনো,
শুনেছে সবাই শহুরে বুনো,
বেতার-যোগে
পাশাপাশি ব’সে শুনেছে সকল
বাঘে ও ঘোরে ।

১১

রাগীমা রেঁধেছে খিচুড়ি জ্বর
কাগজে কাগজে ছেপেছে খবর
বেজেছে নাকাড়া দাদামা দগড়
ডুবকি ঢোল,
কীর্তন সাথে বেজেছে খোল ।
খিচুড়ি-গাথা
নানান ছন্দে ভরেছে সকল
মাসিক-পাতা ।

১৮৩

ভাবী মন্ত্রীৰ অবশ্যম্ভাবী বক্তৃতা

১

তোমাদের ভালবাসি ভাই

বারম্বাৰ বলেছি তুমি

হেন বেগে উৰুখাসে ছুটিও না গোলা অভিযুখে।

ক্ষণেক দাঁড়াও দেখি কুখে,

হে ভ্ৰান্ত স্বদেশবাসি, বারেক শ্রবণ কর হিতকথাগুলি।

চল্লিশ কোটি বুদ্ধাঙ্গুলি

আন্দোলিয়া

সেই গোলা অভিযুখে পুনৰ্বাৰ চলিলে ছুটিয়া।

২

তোমাদের ভালবাসি ভাই,

নব রসে মাতি ভাই

স্মরিয়া জীহরি

ভাসালাম তরী

নব-পৰিকল্পনার স্রোতে,

গান্ধিজিৰে নমি দূৰ হ'তে।

এ কৃষি-প্ৰধান দেশে হয়তো বা হবে উপকার

ইহা ছাড়া গতি কিবা আর।

অতীত পতিত হতমান

গোলা-অভিযুখী বৰ্তমান।

১৮৪

এই নব ঝাঁচে
ভিয়ান ওতরায় যদি, ভবিষ্যৎ বাঁচে ।
একমাত্র আশা ভবিষ্যৎ
স্মৃতরাং নাহি অন্য় পথ ।

৩

তোমাদের ভালবাসি ভাই
সেরেক কর্তব্য-বোধে ইচ্ছা করে তাই
শুধু চাবকাই,
থামে বেঁধে
মুখে ছাত্তু গেদে
চোখে লঙ্কা গুঁজে
রক্তে পুঁজে
করাইয়া স্নান ;
করি খান খান
অঙ্গ ও প্রত্যঙ্গ প্রত্যেকের,
কুড়াইয়া সেগুলিরে ফের
তাল করে থুড়ি :
হস্ত পদ বক্ষ ভুঁড়ি মুড়ি
করি কুঁচি কুঁচি ;
উচ্চ নীচ আত্মাক্ষণ-মুচি
সনাতন, আধুনিক,
ঐমিক, ধনিক,
চাকুরে, বণিক,
নাহি করি ভেদাভেদ নাহি রাখি সীমা
বিলকুল করে' ফেলি কিমা ।

১৮৫

বিরাট ভারতবন্ধু তার পর করিয়া কর্ষণ
সেই কিমা চতুর্দিকে করে দি বর্ষণ ।
সাফ হয়ে যাবে আবর্জনা
চুকিবে যজ্ঞগা ।
তাহা ছাড়া হবে সার
চমৎকার ।
হবে ভুট্টা হবে ছোলা যব গম ধান
সুখে রবে ভবিষ্যৎ ভারত-সন্তান ।

তোমরা যারা

তোমরা যারা ভাবছ মোদের
পায়ের তলায় গুঁড়িয়ে দেবে
কামান দেগে উড়িয়ে দেবে
দিও
হাঃ হা হা হা
সেলাম, সেলাম, সেলাম... ।

আমরা অতি ক্ষুদ্র
শূদ্রাদপি শূদ্র
এক ধমকে দৌড়ে পালাই
বাসন মাজি লাঙল চালাই
ডলাই মলাই চোলাই ঢালাই
আমরা করি

ঘোরাই ঘানি, ঘোরাই জাঁতা
সবার শিরে নানান ছাতা
আমরা ধরি
তোমরা যখন যুদ্ধ কর
আমরা মরি

দিও দিও দিও
তোমরা যারা চাবুক চালাও
কামান চালাও
ছকুম চালাও
পায়ের তলায় গুঁড়িয়ে দিও
কামান দেগে উড়িয়ে দিও
হাঃ হা হা হা
সেলাম, সেলাম, সেলাম ।

তোমরা যারা ভাবছ মোদের
পিঠ চাপড়ে নাচিয়ে দেবে
মিষ্টি কথায় বাঁচিয়ে দেবে
দিও
হাঃ হা হা হা
সেলাম, সেলাম, সেলাম... ।

আমরা অতি মূর্থ
নেই বুদ্ধি সৃষ্টি
আমরা কুলি মজুর চাষা
পাই না দিশা পাই না ভাষা

কিন্তু তবু পারের আশা
আমরা করি
পাল ফাঁসলে ঝড়ের মুখে
ভগ্ন-তরীর হালটা রুখে
আমরা ধরি
তোমরা যখন তর্ক কর
আমরা মরি

দিও দিও দিও
তোমরা যারা বুকনি চালাও
হুজুক চালাও
কাগজ চালাও
পিঠ চাপড়ে নাচিয়ে দিও
হাঃ হা হা হা
সেলাম, সেলাম, সেলাম ॥

তোমরা যাবা ভাবছ মোদের
ডুবিয়ে দেবে উঠিয়ে দেবে
ঝরিয়ে কিংবা ফুটিয়ে দেবে
শোন
হাঃ হা হা হা
সেলাম, সেলাম, সেলাম...।

চাবুক-ধারী শুভ
কিছা দরদ-কুশু
নাই কারুকে চিনতে বাকী
আন্ধি রেশম খদর থাকী

কোন দেবতার ধরণটা কি
আমরা বুঝি
দন্ত-হাসি কয় কি বাণী
ভুক্ত-ভোগী আমরা জানি
আমরা বুঝি
নিজের মাঝে শক্তি কেবল
আমরা খুঁজি

শোন শোন শোন
তোমরা যারা ভদ্রবেশী
ছদ্মবেশী
অর্ধ-দেশী
ডুবিয়ে দেবে ? উঠিয়ে দেবে ?
ঝরিয়ে কিংবা ফুটিয়ে দেবে ?
হাঃ হা হা হা
সেলাম, সেলাম সেলাম !

তোমরা যারা ভাবছ মোদের
দাৰড়ানিতে দাবিয়ে দেবে
চোমরানিতে ফাঁপিয়ে দেবে
শোন
হাঃ হা হা হা
সেলাম, সেলাম, সেলাম... !

সার বুঝেছি ভাই স্নে
শক্তি যে নেই বাইরে
নিজের ঘোরে উঠব মোরা

নিজের জোরে ছুটব মোরা
নিজের জোরে ফুটব মোরা
ডরব না কো
দয়া কিম্বা দাবড়ানিতে
আহ্লাদে বা ঘাবড়ানিতে
মরব না কো
দমব না কো থামব না কো
সরব না কো

শোন শোন শোন
তোমরা যারা শক্তিদারী
বক্তৃতারই
তক্তিধারী
কোনও চালই চলবে না কো
কোনও ডালই গলবে না কো
হাঃ হা হা হা
সেলাম, সেলাম, সেলাম ।

একটু শুধু

১

তোমার অটেল পয়সা আছে
মানছি তা
এবং আছে খুঁটির জোরও
তাও জানি,

২

হয়তো তুমি কাগজ ছাপাও
হয়তো দাপাও
হয়তো লাফাও
গলার জোরে ভুবন কাঁপাও
মানলাম,

৩

পয়সা নিয়ে সবার গাঁটের
মদের চাটের
শ্যুটের ছাঁটের
দেখাও জানি নানান ঠাটের
কেরদানি,

৪

মানছি তুমি মস্ত মরদ
বাজাও সরোদ
ওড়াও গরদ
চোখ রাঙিয়ে দেখাও দরদ
বক্তৃতায়,
মানছি গো,

৫

গিলতে পার কোপ্তা কাবাব মণ্ডা প্যাঁড়াও
শাক-সবজি মাছ-মুরগী ছাগল ভেড়াও
একটু শুধু
সঙ্গে সঙ্গে গা তুলিয়ে

বুক চাপড়ে ঠোঁট ফুলিয়ে
ডুকরে ডুকরে কাঁদতে পার অন্নহানের জন্ম,
খদর প'রে মোটর' প্লেনে দাবড়ে বেড়াও
খন্ড তুমি খন্ড,
সব ঠিক—

৬

নগদ টাকা ব্যাঙ্কে তোমার লাখ লাখ
করবে কেন গুড় গুড় বা ঢাক ঢাক
চুটিয়ে তাই খেলছ খেল
দিচ্ছ তেল নিচ্ছ তেল
হরদম
লাগিয়ে তাক
পিটিয়ে ঢাক
ধাঁটছ পাক
কর্দম
দেখছি তো,

৭

ঢলছ এবং ঢলাচ্ছ
বলছ এবং বলাচ্ছ
নূতন রকম ঠুংরিতে
নোংরা এবং মুংরীতে
ধ্বংস ক'রে পিতৃধন
জমিয়েছ যে কি কীর্তন

হারিয়ে 'মিকি মাউস'কে
মাতিয়ে দিলে হাউসকে
দেখছি তা,
কাত করেছ পোলাও-ভরা
ডেকচিটা !

৮

দিচ্ছে সবাই হাততালি
নাই যে কার ও পাত খালি !

৯

সবাই সবই জানছে তো
সবাই তবু মানছে তো
এবং ক'ষে টানছে তো
দিনরাত,
লুসছে এবং শুষছে
তোমার মুখের মল্লগুলো
তার-স্বরে ঘুষছে
ঠিক বাত !

১০

আকাশ তোমার নাইক জানা
নাই কাকলী নাইক ডানা
তবু তোমায় বলছে সবাই
পক্ষীটি
টাকার জোরে সব তঁাদড়ই হচ্ছে টিট্,
একটি কথা কিন্তু শোন

১১৩

লক্ষ্মীটি ,
এক মিনিট,
জাল ফেলেছ অনেক ঘাটে
কিন্তু কিছু ধরছ কি ?
বন্ধ ক'রে ঘরের দ্বার
চোখটি বুজে একটি বার
একটু শুধু চিন্তা কর
করছ কি !



